

COMMENTARII
DE REBUS
IN
SCIENTIA NATVRALI
ET
MEDICINA
GESTIS.




VOLVMINIS VII. PARS I.

LIPSIÆ. MDCCLVIII.

APVD IOH. FRIDERICVM GLEDITSCH.

Venduntur etiam

Amstelodami apud I. Schreuder et P. Mortier iun. Londini apud A. Linde, Parisiis apud Briasson, Patauii apud I. Manfrè, Venetiis in B. Albrizzi et S. Coleti officinis, Romae apud Venant. Monaldini.







I.

Histoire naturelle générale et particulière avec
la description du Cabinet du Roi. Tome
sixième, à Paris de l'imprimerie royale. 1756.
4 mai. 1 alph. 21 pl. tab. aen. 57.

h. e.

Historia naturalis generalis et particularis, cum
descriptione musei regii Tom. VI.



Euoluimus nuper * ab illustribus viris B U F-
FON et D A V B E N T O N super historia
naturali elaborati operis volumen quin-
tum, quod in ordine nunc sextum ex-
cipit, in quo de bestiarum ad venandum aptarum
natura atque indole plura persequuntur. Primum in p. 3.
arenam producitur felis, perfida illa inquilina, quae
ad alium molestiorem inquilinum expellendum serua-
tur. A natura praedatrix publica, bona vero educa-
tione obediens, blandiens quasi impostrix est. Be p. 4.
neuolentiae erga homines speciem tantum praebet.
Quod ad animi indolem, quae cum forma corporis
et temperamento conuenit, felis est lepida, facilis,
apta, munda, voluptuosa, in primis femina amoris
magis dedita, quae marem ad amorem incitat, quam-
uis coitus magnis cum doloribus coniunctus est. At-

A 2

que

* vid. Comment. nostr. Vol. VI. P. II. p. 243 sqq.

- que haec obseruatio notatu valde digna est; siquidem in omnibus fere animalibus obtinet, quod mares ad venerem foeminis procliuiiores sint hasque ad coitum diuersimode sollicitent. Catuli felium sunt viuaces, lepidi, vigiles, atque a natura perfectiores venatores canibus. Monachi graeci insulae Cypri feles docuisse dicuntur serpentes capere. At quia hae bestiae debilibus animalibus insidiari solent, ad eius modi venationem magis vi indolis, qua ad destruendum praeditae sunt, quam ex obedientia adsuescieri passae sunt. Quia odore carent acri, bestias non persequuntur, simul
- p. 5. ac ab oculis absunt. Cur vero bestiis insidentur, eius rei causa in oculorum conformatione habetur, quippe in quibus contractio et dilatatio pupillae tam insignis est, ut quae in tenebris pupilla larga et rotunda fuit, ea interdiu oblonga sit atque tam arcta, ut fere ad lineae figuram comprimatur. Quo fit, ut haec animalia noctu melius videant, quam per diem: id quod in noctuis, eodem modo se habet. Incolunt quidem domus, sed non plane domesticae, prorsus potius liberae bestiae sunt, plurimae semiferae. Absportatae quam longissime reuertuntur, quia faciliori negotio pristina loca reperiunt, quam latibula nouae terrae detegunt. Fugiunt aquam, frigus, foetorem; amant vero loca calida, res bene olentes, quare herba ab ipsis denominata, quae est mari species, germanis *Katzenkraut*, maxime capiuntur. Quia earum dentes tam breues, tamque male positi sunt, ut magis ad cibos lacerandos, quam conterendos inserviant, possunt lente et difficulter dentibus molere. Ideo quaerunt praesertim carnem subtilem, pisces. Felis fera cum domestica gignunt catulos, ideoque ambae
- p. 7. ad unam eandemque speciem pertinent. Haec, si catulit, deserta domo, saepius feras in siluis indagat, domum postea reuertens; quam ob rem domesticarum quaedam feris similes sunt. Tamen utraque interioribus differunt. Domesticarum intestina fera-
- rum

rum longiora; hae illis validiores ac maiores, labiis nigris, auribus erectis, cauda crassa, coloribus firmis sunt. Quodsi vero domesticae sunt, earum piluli subtiliores, colores varii, atque in zona fauente piluli longiores, concinniores, spissiores, colores vero amoeniores, ut niger et ruber rarus, griseo-fuscus cinereus facti sunt. Praeter feras dantur domesticae p. 20. labiis et plantis pedum nigris, domesticae labiis rubris; domesticae, quae etiam hispanicae nominantur, carthusianae et tandem angorienses. Harum singulas describit Cl. DAVENTON. Feles ferae a domesticis longitudine pilorum et intestinorum distinguuntur, quippe quae in feris tertia parte breuiores sunt. Angorienses reliquis domesticis, immo feris, p. 23. maiores videntur, quod pilis longioribus frequentioribusque munitae sunt. Linguam felis Auctor in apice admodum tenuem deprehendit, papillis acutis, pilorum instar tectam. Caput osseum simile est capiti canino, quamvis cute et pilis vestitum, eidem admodum difforme sit. Dentes numerantur triginta, et in his quatuor tantum molares in utroque maxillae superioris latere, et tres in utroque latere maxillae inferioris. In museo regio inter alia seruantur quatuor foetus felium per chordam umbilicalem inter se coniuncti, et varia insuper felium recens natarum monstra. p. 49.

Finite igitur historia felis naturali, cum qua simul enarratio animalium domesticorum finitur, Auctores nostri ad explicationem bestiarum ferarum accedunt, descriptione cerui orsi, nobilissimae ferae, quae hominum nobilissimis voluptati est. Praemittitur tamen brevis tractatio de bestiis feris in genere; quas Auctor frui dicit libertate et amore, unicis illis naturae beneficiis, quibus prae homine gaudent. Nullius enim vi subsunt, nisi climatis, quod sua temperantia et mansuetudine eas emollit, nec finit esse tam feras et truces, ut in zona torrida et frigida. Quem p. 57.

- admodum enim clima tempestatis excedentis, res producit, quarum qualitates a mediocritate vehementer recedunt; ita in temperata zona res producuntur temperatae: cuius rei insigne documentum vel hoc est, quod magnitudo et forma rerum naturalium, animalium, herbarum cet. tanquam qualitates fixae et determinatae, ab climate aequae dependent, ac qualitates rerum relatiuae. Hinc magnitudo et structura nostrorum quadrupedum a vastitate corporis elephantini aut Rhinocerotis insigniter distant; maximaeque aues nostrae ad struthio-camelum aut casearium
- p. 60. comparatae admodum parvae sunt. Interim bruta fera in genere animalium, nec ipso homine excepto, minimam generis mutationem patiuntur. Iisdem nempe alimentis semper vescuntur; eidem solo manent affixa, neque a quopiam, quam ab homine, infestantur, quem, ubicunque locorum degit, terror comitatur, in sui similes bellum et in pecudes im-
- p. 66. mansuetas ferocia. Nunc ad ceruum cum Auctore accedimus. Ad hunc capiendum cognitio, experientia acquisita, regii adparatus, homines, equi, canes ad unum omnes bene exercitati atque edocti requiruntur. Venatoris est, eius aetatem atque sexum vestigiis et excremento diiudicare. Ea melius expressa sunt in ceruis maribus, quam in feminis, quum praefertim quater cornua accipiunt. Hoc sicca aestate detegitur. Magna astutia utitur, ut venatores effugiat; flectit cursum; at repertus iam fessius est, canes vero ardentiores fiunt, quo debilitatior et quo ardentior ceruus est, tandem praeceps fit in aquam. Optimum agitandi tempus est ver et autumnus, molestissimum hiems, si nix cecidit. Tempore verno cornua fiunt decidua, prius hieme miti, tardius aspera
- p. 73. ac diuturna. Simulac longitudinem iustam ac firmitatem acceperunt, arboribus adfricant ad ea decorticanda. Inde etiam pro ratione arborum cornuum solor a non nullis dicitur. Traduntur catulorum cornua

cornua laeuiā , baccis paucis non adeo calorem ducere, ac fenum ceruorum baccis spissis; quoniam hae succum cornua tingentem retinent. At ceruorum, locis arboribus orbis inclusorum, cornua aequae ac aliorum infecta erant: quae si fusca sunt, catulire incipiunt, seniores cerui primum, iuniores serius. Duo si conueniunt, certant de cerua. Virtute pares minitantur sese inuicem, unguibus terram pulsant, rugiunt vehementer, impetum in semet ipsos faciunt, trudent sese inuicem cornibus ramisque paene usque ad mortem. Certaminis finis alterius aut caedes aut fuga est. Scimus etiam duo ceruos ita inter sese certasse, ut uterque ceciderint. Videri itaque possunt eorum capita cum contortis cornibus in arce Friburgi Saxoniae nostrae propter Onestram, ubi etiam plura singularia de ceruis spectanda dantur. Hoc catulendi tempore, quod quotannis bis accidit saepius, parum edunt, minime dormiunt cerui. Vnde verop. 30. oriuntur cornua, quibus interdum ceruae ornatae dicuntur? Ex pabulo, eodemque abundanti, ex quo tum cornua, tum liquor seminalis originem ducunt. Id, quod ex eo cognoscere licet: quod si enim tempore, quo cornua decidua sunt, organa, quibus semen secernitur, per castrationem destruuntur, noua in locum deciduorum nunquam propeniunt. Deinde etiam cerui, qui sufficienti ac pingui pabulo, item quieta vita utuntur, cornua pulcra, excelsa, spatiosa, in digitatam palmam figurata, firmis truncis, plenis baccis, multis longis ac firmis ramis habent. Quod aliter est in ceruis, qui male valent. Atque haec est causa, cur feminae damae, capreae, alcae cornibus careant, quia minus, quam mares edunt, et si abundantia adest, praegnantem fiunt, et alimentum ad alendum foetum adhibent. Repugnat quidem rangifer femina, cornibus praedita. At hoc exemplum probat magis, quam ut sit contrarium, quia cornuum incrementum tempore praegnationis non impeditur.

- p. 84. ditur. Praeter ea eorum natura ligno simillima est, atque pars cerui tantum accidens, quae quotannis robore ac magnitudine crescit. Inter ea pro ratione pabuli, magna, subtilia, lacuia in humidis et fertilibus regionibus, contra ea in siccis et infecundis breuia, dura et graua sunt. Idem valet de magnitudine et forma ceruorum. Nam cerui campos, valles collesque, ubi plus frumenti crescit, habitantes, maiori corpore excelsioribusque cruribus praediti sunt, prae ceruis siccas, aridas, saxosas regiones, habitantibus, inter quos corsicanus minimus vel quasi ceruorum
- p. 96. pygmaeus est. Quod ad eorum colorem attinet, is giluius, interdum fuscus, itemque ruber, raro albus est; Cornuum vero iuxta, ac pilorum ad bestiae naturam ad aetatem et aerem se fingit, itemque ad naturam interioris texturae. Quia musices amans est ceruus, pastorum auena aut tibia capitur, quibus
- p. 100. etiam venatores utuntur ad eum capiendum. Post haec Cl. DAVENTON physicam descriptionem cerui persequitur. Ceruus, qui inter animalia ruminantia refertur, a tauro non magnopere distat, praesertim conformationem corporis internam et intestinorum si spectes. Ea autem, quibus differt, sunt vesica fellea, qua caret ceruus, figura renum, splenis glandisque, et cauda breuior; his addi possent cornua cerui solida et ramosa, atque in maxilla eius su-
- p. 103. periori uncinuli duo. Cornua substantiae propemodum lignae sunt, ad quam saltem propius accedunt, quam ad materiam corneam. Noua dum excrescunt, in capite primo sunt mollia; mox instar trunci arboris exsurgunt, ramis ab utroque latere instructa. Cutem tecta sunt cornea, siue cortice vasis sanguiferis plena, quae incremento eorundem inseruiunt. Substantia eorum indurescere infra incipit, superiori parte adhuc tumescente et molli, quae postquam induruit, cutis pariter durefcit atque corii instar exsiccata breui post decedit, aut per frictionem ad arbores a cornibus

cornibus frustatim separatur. Deiectionem cornuum p. 107.

Auctor eodem modo fieri putat, quo fructus maturi ex arboribus decidunt. Alio enim tempore, si non decidua, ne vi quidem adhibita a capite possunt diuelli. Catulus cerui nascitur fere discolor, nec fa. p. 110.

cile unicolor fit, nisi exactis nouem mensibus. In corde cerui duo ossa conspiciuntur, maius aliquod cum minori altero, ossibus in corde bouis simillima. Testiculorum in scroto alter ante, alter pone siti sunt, p. 121.

cum in tauro reliquisue quadrupedibus, tantum non omnibus, alter ad latus alterius iaceant; spatium enim, ubi scrotum dependet, testiculis alium situm non permittit. Ossa capitis ceruini pro ratione corporis lon- p. 129.

giora et tenuiora sunt ossibus capitis in tauro. Maxilla item superior angustior est, inferior minus arcuata et occiput magis conuexum, praesertim circa ossa temporum. Hoc discrimen longitudinis in occipite ab apophysibus ossis frontalis deriuatur, cui cornua insistant. Dentium in superiori maxilla octo incisorum, duo medii prae reliquis sex latitudine insignes sunt, ibique praeter eos, quos cum tauro communes habet ceruus, duo adhuc apparent dentes uncinati, quae situm et radices caninis similes, superne tamen non acuti, sed rotundi sunt. Numerus eorum, quae p. 140. in cimelio regio ad illustrandam historiam cerui naturalem asseruantur, monstrorum, sceletorum, cornuum valde ramosorum et ex parte difformium numerus satis magnus est, cuius ne potiores quidem partes indicare possumus.

Ceruo paene similem damam nunc sibi describen- p. 167. dam sumit Cl. BUFFON, quae tamen ceruum fugit, nunquam cum eo congreditur adeoque nullam speciem intermediam progignit; domesticis bestiis similis esse videtur, atque in temperata zona reperitur. Praeter vulgarem et albam dantur hispanica, virginia, quae omnes in eo conueniunt, ut earum cornua subtilia, plana, magis in latitudinem se extendentia pluribus

- pluribus ramis, quam ceruorum sint, at decidua ta-
- p. 171. men sunt. Quando catuliunt, id, quod tardius duas aut tres hebdomadas, quam in ceruis accidit, rugiunt quam saepissime, at voce quasi compressa et submissa, tamen non adeo ardent, ut cerui, nec feminas quaerunt, quamuis de eis certant. In theriotrophio quando aluntur, duo agmina constituunt, quorum quodlibet duce, eaque veterrima et fortissima, gaudet. Ibidem certant de pingui pabulo, donec fortiores debiliores expulerunt. Amant terras excelsiores, collibus minimis. Si canibus urgentur, eodem fere dolo, ac cerui utuntur. Facile cicures fiunt, at-
- p. 175. que pinguiore semper sunt ceruis. In descriptione damae physica et anatomica Cl. DAVBENTON brevis est, quod historia cerui multa iam habet, quae hoc loco de dama repetenda essent. Nam simillima sunt haec duo animalia cum corpore tum intestinis.
- p. 190. Tandem et huius quadrupedis custodiuntur in cimetilio regio varia sceleta, capita, cornua insignia et non nunquam difformia, aliaque exempla bene multa.
- p. 198. His succedunt capreoli, incolae saltuum, quorum indoles ceruorum agilior, forma elegantior, motus celerior, vestis purior, pili nitidiores sunt. Maiore dolo utuntur ad canes eludendos, quia fortio-rem suauioreque odorem post se relinquunt. Exeunt, cohabitant non cateruatim, sed familiae; quae constant ex parentibus duobusque catulis, qui quidem tempore catulitionis a patre pelluntur, sed praeterlapso hoc tempore ad matrem aliquamdiu redeunt. Eo tempore, quod per decem et quatuor dies durat, et in exeuntem octobrem incidit, sunt in amore ceruo constantiores atque capreis similiores, praeterquam quod saltus incolunt et cornua gerunt. Mensis maius, hiems gelida et niuosa ipsis periculosa
- p. 205. sunt. Quia subulae eorum vulgo martio mense prius quam arbores progerminant, cornua non arboris succo, acre potius tinguntur. Eaedem, si molles sunt,

sunt, supra modum irritabiles. Matrix cornuum est index, quot annos egerint, quae crescit quotannis cornuum altitudine et ramorum numero imminutis. Propter indolem feram cicures fiunt, minime obedientes et familiares. Catuli clamant *mi-mi*, voce tamen quaerula et iuuenili; qua audita accurrit mater ad eos nutriendos. Inter ea imitatur hanc vocem venator et capreolus traicitur globo. Capitur etiam vere, si gemmas, frondes virides et germina decerpit, quae eum quasi temulentum faciunt. Propterea eorum caro edulis est, ex quibus praeferenda est capreolorum, qui siccas et sublimes terras, colles, saltus, noualia, fata incolunt, ubi multum aeris, spatii, pabuli et quietis fruuntur. In America frequentiores sunt, in primis in Brasilia capreoli cornibus carentes, et praediti reperiuntur, quorum illi *Cuiuacu-ete*, hi *Cuiuacu-apara* nominantur. Iam Cl. p. 213.

DAVBENTON describere capreolum incipit, omnium primo ad cornua maris attendens, quibus a capro distinguitur, ad figuram externam viscerumque structuram internam, namque in his capreolus cum ceruo, quanta esse maxima potest, similitudinem habet. Extrinsecus a ceruo differt tum oculorum angulis, quibus caret, tum cauda, quae ei propemodum est nulla. Cornua capreoli pluribus rimis et cavitatibus gaudent ac ceruorum, baccis tamen paucioribus, iisque in parte trunci inferiori postica tantum conspicuis. Memoratu dignum est, situm intestini coeci in diuersis capreolis non esse eundem, sed modo in regione umbilicali versus regionem hypogastricam recurvatum, modo a dextra ad sinistram in regionibus iliaca et hypogastrica extensum: id, quod etiam in ceruis interdum obseruatur. In corde capreolorum, ut in ceruino, reperitur os grande, modo tamen unum, et loco alterius minoris cartilago dura. Sequuntur dimensio partium externarum internarumque et in thesauro regio repositarum ampla recensio. p. 223. p. 237.

Absoluta

- p. 246. Absoluta capreoli descriptione Cl. BUFFON transit ad historiam naturalem leporis, qui idem ac leui-
pes denotat, vel iudice VARRONE, a graeco voca-
bulo antiquo ab Æolibus Bocotiis λεπῶγες appellatur.
Hae bestiae frequentes reperiuntur et valde multipli-
cantur, quia semper ad catulandum aptae sunt.
- p. 253. Causa est muliebris virgae glans, quae semper emi-
net, et tam firma, quam masculae. Quoniam etiam
vulua paene videri nequit, marium quoque iuue-
num neque scrota neque testiculi extrinsecus in con-
spectum veniunt, mas a femina aegre discerni po-
test. Exinde inter lepores multos hermaphroditos
seu androgynos dari dicunt, qui alternis vicibus tum
mares tum foeminae essent. Qui nascuntur, nascun-
tur oculis apertis, et viginti diebus post a matre se-
parantur, ipsi cibum quaerentes. Sed non longe ab-
sunt a loco partus. Magis noctu, quam diu edunt
herbas, radices, folia, fruges, plantas succi mellei,
hieme vero cortices arborum, exceptis tilia et alno.
Non nulli scriptores lepores inter animalia ruminantia,
sed falso referunt. Nam uno tantum gaudent ven-
triculo et conformatione intestinorum a ruminanti-
- p. 255. bus prorsus diuersa. Cum oculis quasi laborare vi-
dentur, gaudent auditu subtili et praegrandibus auri-
bus, etiam ad cursum prosequendum brevioribus pe-
dibus anterioribus, et quia plantae pilosae sunt, fu-
giunt sine tumultu. Forsitan soli pilos intus in ore
gerunt. Eorum vita superat octo annorum spatium.
- p. 256. Ob mansuetam indolem ad educandum apti sunt et
edocti ad tympanum pulsandum et motus secundum
mensuram faciendos. A natura etiam praediti sunt
instinctu ad sese conseruandos atque astutia ad eluden-
dos hostes, quae vero celeri cursu et flexendo eo
consistit, non vero secundum ventum, sed secundum
oppositum latus: qua quidem mares feminas supe-
rant. Horum sunt duo genera, montani et campe-
- p. 259. stres. Illi et septentrionales hieme albescunt, Ame-
ricae

ricae septentrionalis incolae pilorum nunquam deflu-
uium patiuntur. Etiam obseruatu dignum est, va-
porem ex suo corpore exiguum excitare fumum, coe-
lo sereno aereque puro, ac lepore in suum cubile re-
deunte, quem venantes exercitati e longinquo anim-
aduertunt; quod etiam VIGNEVIL DE MARVIL-
LE obseruauit.* Quod ad descriptionem leporis
physicam attinet, lepus variis characteribus simul
sumtis a reliquis quadrupedibus, praesertim a cane,
fele et cuniculo facile discernitur. Labro utitur su-
periori ad nares usque fisso, auriculis admodum lon-
gis, pedibus posticis valde longis, anticis breuibus,
caudaque breui. Mari nondum adulto nullum est
scrotum, quod ubi demum in conspectum venit, du-
plum oritur, nempe ab utraque latere unum. Par-
tes genitales maris tam sunt absconditae, ut nisi pro-
pius inspiciantur, obseruari nequeant. Vterus fe-
minae collo caret. Intestinum coecum ad modum est
longum, singularemque in modum compositum. In
loco coniunctionis ilei cum colo orificium habetur
excurrent in aliud colon minutum, formam sacculi
oualis repraesentans. Maxima leporum pars statim a
natiuitate in fronte pilos aliquos albos gerit, macu-
lam repraesentantes, quae stella appellatur, quaeque
ab eo statim tempore, ubi pili primum defluunt,
evanescit, quamuis in non nullis etiam remaneat.
Virga maris abdomini non adhaeret, quod in hoc
animali plane est singulare, sed ab eo separatur.
Sexus leporum difficulter quidem cognoscitur, eius
tamen certa habentur criteria: nempe si infra anum
peritoneum adest, orificio preputii tunc quatuor aut
quinque lineis ab ano distante, maris id est indici-
um; in femellis autem vulua ab ano aliter non est se-
parata, quam per eius et intestini recti parietes, septum
unius aut duarum linearum, qua crassitiem constitu-
entes. Musaeum regium, ad illustrandam leporis
cognitio-

* *Melanges d'histoire et de littérature* T. II. p. 457.

cognitionem varia seruat capita, sceleta, foetus leporum, dentes, os hyoideum cet.

- p. 303. Agmen tandem claudit cuniculus lepori similis, qui cum eo num coeat, dubium quidem, sed credibile est. Mira tamen fecunditas eius est, adeo ut unum par, unius anni spatio sex mille procreauerit; id quod ex eo oritur, quoniam non tantum frequentior lepore et plures catulos pariat; sed etiam quoniam ob efoffa latibula hostibus, lupo, vulpi, rapacibus auibus non tantopere expositus est. Est vel ferus vel domesticus. Illius color canus, huius vero varius. Si parit, foueam linea curua effodit. Pilos ex ventre vellicat, ex quibus lectum, ad catulos in eo deponendos sternit. Primis duobus diebus catulos non deferit, nisi necessitate pabuli coactus, quod celeriter assumit. Per sex hebdomadas, nutriuntur, pater filios non conuenit; at quando oram foueae attingunt et a matre praebitas herbas deuorant, tunc pater eos agnoscit, sumit intra ungues, lambit eorum pilos oculosque. Inter eos regnat tum pietas erga parentes, quae etiam inter posteros viget, ut semper etiam auum nepotes, quamuis patres sint, uerentur. Quae Cl. DAVBENTON in lepore notatu digna obseruauit, ea maximam partem in descriptione cuniculi repetit, eiusque discrimen a lepore, quod sane exiguum est, ostendit. Ad quod constituendum vel in primis facit insignis illa auersatio, quae inter haec duo animalia intercedit. Cuniculi domestici feris plerumque maiores sunt, quod pabulo largiori, motuque liberiori utuntur. Pupilla ipsis rotunda est, et in tenebris valde dilatata; superueniente luce contrahitur, fitque insigniter oualis li-
- p. 316. neolae instar. Cuniculi angorenses pilis longioribus atque crispis stipati sunt. Caetera, quae Cl. Auctor de intestinis cuniculorum, ad leporum intestina comparatis, accurate disputat, lectorum studio relinquenda putamus.

II.

Die Natur - Geschichte der Thiere in systematischer Ordnung. Die Vierfüßigen Thiere, welche lebendige Jungen zur Welt bringen, nebst der Geschichte des Menschen, entworfen von IOHANN SAMVEL HALLER. Mit Kupfern. Berlin, bey Christian Friedrich Voss. 1757. 8. alph. 1. pl. 18. tab. aen. 11.

i. e.

IOANNIS SAMVELIS HALLERI historia naturalis animalium systematica. Animalia quadrupeda viuipara una cum historia hominis.

In praefatione, quam operi suo Cl. Auctor ipse praefixit, instituti rationem reddit, rationes, cur in coordinandis animalibus quadrupedibus Cl. KLEINII methodum sequutus sit, affert, quosue auctores in conscribendo hocce libro consuluerit, posthac exponit, atque tandem animalium quadrupedum ouiparorum, auium, animalium aquaticorum, piscium, insectorum conchyliorumque historiam promulgaturum se esse promittit.

Qui in praesenti in manibus nostris est, liber praecipuorum animalium, hominis nimirum, physice considerati quadrupedumque viuiparorum historiam tradit, cuius summam statim exhibemus. In gene-
p. 1.
rali, quam de omnibus quibuscunque animalibus praemittit, historia Cl. Auctor primo ostendit, qualem tria ista naturae regna inter se alant connexionem, quo modo isthaec se habeat, et quantopere organorum sit similitudo, quae plantis prae mineralibus cum animali genere esse solet.

Postmodum de varietate animalium agit, quam
p. 10.
non solum diuersa animalium figura, eorundem modus

dus viuendi, mouendi victumque quaerendi, verum
 etiam aliae affectiones, ut locus habitationis, indoles
 ingenita, vox, amor, ferocitas, morositas, inuidia,
 voracitas, generatio atque tum interni tum externi
 corporis conditiones determinant.

p. 21. His praemonitis homo, omnium creaturarum
 praestantissima, primum inter animalia Nostro sup-
 peditat obiectum, cuius proinde partes externae et
 internae describuntur, accurateque perpenduntur,
 ita, ut consideratione rite facta Auctori nostro ipsas
 partes hominis cum animantium partibus comparan-
 di data fuerit occasio. Hominis nimirum partes fe-
 re omnes animalibus similes esse, huncque ipsum sibi
 relictum, nec ab ineunte aetate, erecto corpore sta-
 re, statim edoctum pari modo, ac animalia quadru-
 peda quatuor pedibus incessurum esse asserit, pueri-
 que istius polonici inferius describendi exemplo illu-
 strat.

p. 57. At vero, cum homo, ut animal, consideratus ab
 aliis quoad corporis originem et conditionem vix
 quidquam differre videatur, Noster ideo succinctam
 nobis tradit hominis historiam, ita, ut omnium in-
 simul aut ad minimum magnorum animalium inde
 pateat historia. A generatione initium capit, atque
 ea propter partes generationi dicatas describit, ea-
 rundem functiones recenset, simulque foetus pri-
 mordia in maternis ouulis latitare ostendit, ipsa ve-
 ro animalcula spermatica ab aliis obseruata, non
 absque ratione in dubium vocat, et corpuscula in se-
 mine virili reperiunda et pro animalculis habita, in
 ouario feminarum pariter reperiri, neque ideo ani-
 malcula, sed alia corpuscula esse putat, nihilo autem
 minus negat, potius semen viri ad generationem ab-
 solute necessarium esse, nec absque eo foetum gene-
 rari unquam posse affirmat. Hominis haec rudimen-
 ta in uterum delata vixque conspicua iam nunc per-
 pendens, incrementum eius haud lentum, vitam
 omnem.

omnemque in utero mutationem, mirandamque eius exclusionem describit, atque recens nunc nati, vix-que in auram missi hominis historiam prosequitur ulterius. Omnem igitur vitae mutationem omnesque corporis affectiones recenset, externorumque tandem sensuum sufficienter facit mentionem. Hos p. 104. nunc considerans, organaque eorum describens Noster pronunciat, omnes hosce sensus non nisi ab uno dependere, omnesque nil nisi subtiliorem factum ac magis magisque elaboratum explicatumque esse sensum. Quo subtilius enim corpus est, quod sentire debemus, eo minus id, quod sentit, latet et absconditur. Sic, Nostro referente, oculus omnium sensuum subtilissimus est, cum lucis radii, subtilissimas illas in oculo expansas nerui optici fibrillas tangentes, corpusculorum omnium minima habeantur. Praecedentibus minus subtiliores sunt radii sonori, ideoque ad hos excipiendos tali etiam organo corpus donatum est, quod aurem nuncupamus, quae, licet valde etiam tenera, oculi tamen teneritudini omnino cedit. Tertium sensum, partes radiis sonoris minus subtiles disquirentem, nasus constituit, atque lingua, gustus organon continens, si sentire debet, particulas odoriferis crassiores requirit, omniumque tandem crassissimus sensus tactus ita latet et absconditur, ut non nisi corpora crassissima eo percipi possint.

In describendi hominis naturalis historia Noster p. 117. progrediens notat, magnas illas in orbe terrarum olim euenientes mutationes, v. g. gentium migrationes, bella diuturna, itinera, mores cet. omne hominum genus ita disseminasse et commiscuisse, ut vera hominis naturalis notio neutiquam inde erui possit; solosque forsitan homines feros ad hasce disquisitiones adhuc aptos esse dicit. Cum autem et isti socialitate iam immutati appareant, Noster ideo suadet, ulterius regrediendum, hominemque eo tempore considerandum esse, ubi nullis adhuc vinculis

Tom. VII. Pars I. B societa-

societatis adstrictus nulloque vitio contaminatus eos duntaxat animi affectus possidet, qui in naturali quodam, ad conseruandum corpus propagandumque sui genus absolute necessario, instinctu positi ac ingeniti p. 120. istum solum de se sollicitum esse monuerunt. Talis homo ille est, qui a Cl. Auctore homo quadrupes nuncupatur. Ast, licet eius modi homo imaginarius videri tantum possit, siquidem primus omnium statim ab initio erecto corpore donatus fuit, tamen, meram hanc possibilitatem non esse, quiuis omnino fatebitur, cui naturalium rerum historiam euoluere placuerit. Fuerunt nimirum, qui, inter animalia fera reperti, quatuor quasi pedibus incesserunt, multaque cum iisdem, quibuscum haecenus vixere, animalibus communia habuerunt. Sic v. g. anno 1694. in syluis Lithuanis puerum inter urfos reppererunt, qui manibus pedibusque cito incessit, cuiusque vox, quam edebat, nullam plane cum humana habuit similitudinem. Hoc pluribusque aliis, quorum mentionem facit Cl. Auctor, hominem quadrupedem non solum possibilem esse, verum etiam dari, comprobare studet, eumque hinc describens asserit, omnes eius partes, ob incesum horizontalem, aliquam in situ et figura pati immutationem. Talis igitur, secundum Nostri descriptionem, quatuor incedit pedibus, caput eius, figura aliquantisper longa praeditum, nasum planiorem, aperturam oris maiorem, mentum elongatum, aures mobiles nec appressas gerit, hirsutum undique est, atque a superiori posteriori et inferiori parte crinibus, cum barba in sexu potiori coniunctis, obtegatur. Brachia pedes eius anteriores constituunt, atque anteriorem partem corporis cum gerant, firmiora ideo fiunt; scapulae nunc immobiles costis se adfociant, axillae in cute se occultantes euanescent, totumque brachium una cum manu eam figuram assumit, quam anteriores animalium pedes habent. Verum mittamus reliquas partes
eadem

eadem ratione descriptas, aliorumque paulisper mentionem faciamus. Fructus v. g. arborei huic alimenta praebent, atque, ad illos colligendos, arbores ideo scandit: Ungues dentesque eius arma sunt, atque nutritio sui ipsius, generatio et somnus omnes eius affectus constituunt. Infantum amor erga matres, harumque erga infantes, tamdiu durat, donec adolescant, postea se inuicem relinquunt. Tale hominum genus, naturae tantum instinctum sequens, nec virtutibus ornatum, nec et ullo vitio contaminatum est, nihilque etiam inuenit, cum nec socialitate, nec signis ad definiendas notiones communes gaudeat. Eiusmodi itaque homines nos et iam nunc essemus, nisi adorandus creator primum hominem erecto statim corpore donasset, eique ita benedixisset, ut omnium animalium nunc dominus ipsam Dei imaginem repraesentare debuisset.

Cum autem homines unius quamuis generis, quo-
p. 129.
 ad mores tamen diuersos, diuersum etiam partium corporis habitum externum, multum variant, diuersitatem ea propter generis humani recenset. Vnum igitur alterumque exemplum adduxisse sufficiet. Describuntur v. g. Iapani, homines facie fusca plana et ampla, corporis habitu corpulento, oculis paruis, barba tenui, nec non coma nigra. Hoc hominum genus superbum, bellicosum atque peritum, valentioribus corporis viribus praeditum, urbanum, gratum atque verborum lenociniis plenum esse dicunt. Paruos pedes, ut Chineses, magni faciunt, mature ea propter infantum pedis digitos sub planta reflectentes. Aliter rursus Persi se habent, hique corpore magno, macilento, ast valido, colore in prouinciis borealibus albo, inque occidentalibus flauo, esse solent. Supercilia et barbam colore nigro obducunt, caputque abrasunt. Comitatus eorum atque iudicium gratos illos acceptosque reddunt, et ingenio viuaci, prompto proficuoque gaudent. Magnopere studia,

artes mathematicas, arma verborumque lenocinia amant; adulatorii, voluptuosi sunt, sumtui non parcunt, amore valde affliguntur, neque bene rem familiarem administrant.

p. 148. Progredimur ad ipsam animalium historiam, a generatione iterum initium capientes, cumque Cl. Auctore annotantes, omnia animalia haud prius ad generationem apta fieri, quam partes generationi dicatae facultatem hanc adquisuerint, signaque pubertatis exhibuerint. Primarium, quod fere in omnibus et homine et animalibus observatur signum, est vox mutata, quae eo tempore, quo animalia ad generandum apta fiunt, et in maribus et feminis mutationem patitur. Praeter hoc singulis animalibus propria etiam sunt signa, sic v. g. canis mas ad generationem nunc aptus pedem attollit, inque cane femina papillae intumescunt. In animalibus cornutis cornua crescere incipiunt, atque pubertatis tempore citius incrementum capiunt, aliaque alia iterum signa exhibent. Certa etiam eis aetas est, ubi generare desinunt. Ita de homine dicunt, eum ad septuagesimum usque annum ad generationem aptum esse, feminam vero circa quadragesimum quintum annum iam sterilem fieri. Elephantum circa vigesimum annum pubescere, diuque ad generationem aptum esse, aliaque animalia, ut canes, tam diu apta manere, donec vivant, alii autem multo brevius tempus concessum esse referunt. Quod vitae terminum concernit, singulis etiam definitus esse solet terminus. Sic homo raro ultra centum annos, elephante usque ad centesimum et quadragesimum annum vivere dicitur. Alia, ut insecta brevius tempus in terrarum orbe consumunt, vixque alterum annum attingunt.

p. 153. Hyeme exeunte ob aerem forte clementiorem plurima animalia coire solent, atque complura tempore tantum verno, nec ullo alio coeunt. Multa tamen et hoc non observant, sed omni fere tempore,
ut

ut homines, coeunt, aliaque iterum, ut insecta, tempore autumnii hoc opus perficiunt, suaque ouula deponunt. Modus coeundi varius est, sic animalia quadrupeda et aues a tergo feminam inscendunt, alia v. g. echinus et hystrix, ut homines, veneream rem tractant, aliisque alius modus est. Ratione fecunditatis animalia etiam variant; ita homo, cetus, elephante, equus cet. unum ut plurimum gerunt foetum, alia autem in primis parua animalia, ut felles, et canes, plures foetus edere, aliaque multo minora, ut insecta, numerosam prolem progignere solent. Alia sunt viuipara, hocque tantum maioribus et quadrupedibus animalibus concessum est, alia autem sunt ouipara, idque auibus et insectis proprium est; interdum vero et exceptio valet, e. g. lacerta ad illud genus pertinet, quod ouiparum et viuiparum simul est: ouula enim habet, haec autem in utero fouens, viuos tandem foetus excludit. Quod conceptionem concernit, haec itidem variat. Sic columbinum et ouillum genus ter et quater coitum repetunt, priusquam concipiunt, alia animalia, ut sues et canes, unico coitu hoc perficiunt. Amor animalium feruidissimus omnium affectus est. Mares nimirum ante coitum atque feminae post partum quasi ferociunt. Sic equus periculose undique calcitratur, seque ipsos dentibus aggrediuntur. Gestationis tempus etiam diuersum est: Sic canes sexaginta dies, sues quinque, camelus vero undecim menses, aliaque animalia plus minusue tempus foetum in utero gerunt. Quod foetus nunc formationem in utero concernit, Cl. Auctor statuit, hanc in viuiparis uno eodemque modo perfici, cumque hominis formatione conuenire, hanc autem secundum rationem formationis foetus in ouo fieri, de qua proinde succinctam nobis secundum optimos obseruatores exhibet relationem. Modus pariendi itidem variat; Sic equa facillime pedibusque insistens parit, atque alia, dum

B 3 iacent,

iacent, partum edunt. Eodem etiam modo alia pedibus insistentia, alia iacendo ubera praebent, atque omnium animalium feminae pullos suos defendunt, nutriunt et amant, potior autem sexus eos relinquit, nec ullum amoris signum erga eosdem dare, imo interdum eos etiam occidere solet.

p. 165. Quodlibet animal talem victum quaerit, qui cum materia, ex qua constat, congruit, quive ad partes, ex quibus masticationis et digestionis organa constant, quadrat. Camelus v. g. plantis locorum arenosorum contentus est, bouilloque contrageneri optima relinquit prata. Alia, ut leo et canes, carnibus vescuntur, aliaque, ut complures aues, grana de-

p. 167. glutunt. Domicilium vel ad necessitatem, victum acquirendi, sese adcommodat, vel animal hunc illumve locum inhabitat, quo pullos secure procreare, securumque ipsum ibi esse possit. Ita non nulla in aqua, quaedam tantum in terra domicilia habent, ibidemque vitam transigunt, alia autem, ut sic dicta amphibia, in terra et aqua simul viuunt, inque terra

p. 168. habitant, in aqua autem victum quaerunt. Et color animalium diuersus est, hicque in primis a sanguinis qualitate dependet, mutationemque patitur, prout regio annique tempus variat.

p. 169. Cuilibet animali propria etiam vox est, ita tamen, ut cuncta, quae organis ad edendam vocem destituuntur, muta, ut pisces, inueniantur.

p. 170. Dormiunt animalia, multaque, ut equus, bos, canis cet. somniare adeo videntur.

p. 171. Mouent se, animalia atque aliter quidem, quam homo. Ita multa quatuor pedibus incedunt, ut quadrupeda, alia, ut aues, volant, alia v. g. insecta repunt, alia, ut pisces natant, atque ratione motus multum hic inter se variare solent, prout organa nimirum ad suscipiendum motum apta se habeant.

p. 179. Quod actiones animalium concernit, Noster animalibus cogitationes non derogat, sed dicit, passerem
v. g.

v. g. alius vocis accentum edere, si grana tritici, neque ita, si hordei inuenerint. Atque ad naturalem instinctum quod attinet, cuilibet animali suas esse actiones, dicit, ita, ut e. g. ursa, si quis hanc persequitur, pullos ore tenens securitatem fuga quaerat, aut, si cedere nequeat, arborem confestim scandat. Praeterea et ideae rerum corporalium brutis adscri- p. 183.
buntur, ita, ut quid gratum quidue ingratum sit, haec sciant. e. g. canis baculum, quocum verberatus fuit, timet, atque pristinus hominis irati gestus ei terrorem incutit.

Tandem et ipsae animalium partes insigniter va- p. 189.
riant, v. g. non nulla capite rotundo, ut feles, aliaque in longum porrecto, ut fues, gaudent. Alia est structura oculi quadrupedibus, quam auibus, hisque alia iterum, quam piscibus est, atque prout partes variant, ita etiam ad varias animalium actiones argumentari licet.

Progredimur ad ipsam quadrupedum historiam, breuius nos expedientes, cum multa, quae iam dicta sunt, huc transferri possint. Secundum ordinem, p. 204.
quem Cl. Auctor de diuersitate animalium quadrupedum viuiparorum exhibet, omnia haec in unguolata et digitata unguiculata diuiduntur. Prior classis unguolata continens, in quinque iterum diuiditur ordines, quorum primus solidipeda sistit. Equinum e. g. ge- p. 227.
nus huc pertinens, pedibus quatuor, ungula rotunda, nec sulcata succinctis, iuba longa, cornibus nullis, auribus erectis paruis, cauda capillata describitur. Alter ordo bisulca tradit. Horum pedes un- p. 252.
gulis bisulcis terminantur. Omnia haec sunt cornuta, excepto suum genere. Omnia cornuta ruminant, nec vice autem versa. Omne animal ruminans stomacho multipliciter diuiso gaudet atque dentibus incisuiis superioribus caret, leporum genere excepto. Vbera inter pedes locantur. In maxilla inferiori sex vel octo dentes molares reperiuntur.

Calcitrant ut ungulata non sulcata. Exemplo bouillum genus esse potest.

p. 368. Tertium ordinem trifulca constituunt, rhinocerosque unicus huius ordinis est: nudus hic, magnitudine bouem superans, breue cornu coniforme in naso gerit.

p. 372. Quartus ordo unicum tetrachelon hippopotamum scilicet sistit. Animal hoc binis dentibus crassis, prominentibus, in maxilla superiori incisuis, in inferiori vero nullis; corpore nudo cancellato; figura suis; atque magnitudine bouis iuueni sese exhibet.

p. 374. Tandem elephantus, animalium terrestrium maximum, pentachelon, proboscide longa, cartilaginosa; uberibus binis inter pedes anteriores locatis; cute nuda, non pilosa; dentibusque caninis longis, prominentibus unice quintum ordinem constituit.

p. 382. Posterior Classis digitata unguiculata continet, atque in sex iterum ordines diuiditur. De animalibus hisce in genere notandum est, cuncta planta pedis nuda incedere, pedumque anteriorum digitos unguibus donatos esse. Omnia animalia digitata pilosa, quorsum etiam, ob immixtos pilos aculeata, loricata cet. referuntur, sunt viuipara, omnia autem, quae

p. 383. non hirsuta, ouipara esse solent. Quod ordines concernit, horum primus monodactyla exhibet; huc e. g. spectat unicum animal tamandua siue coatus americana alba. Huius animalis pedum anteriorum pars extrema uno digito crasso, lato, curuo et acuminato terminatur, cumque urfis formicariis isthoc fere conuenit, capite tamen rotundiore et breuiore, auribus minoribus, oculis paulo maioribus, maxillaque inferiore prolongata, lingua pariter longa et gracili ad capiendas formicas apta, humeris amplioribus, pedibus posterioribus pentadactylis, pilis albis quasi lanuginosis, atque cauda subserispa describitur.

p. 384. Secundi ordinis didactyla sunt, hucque camelorum e. g. genus pertinet. Ruminans hoc non cornutum,

nutum, labra fulcata, pedes in duos digitos diuifos, caput paruum, collum longum, pedes nodofos, gibbumque pilofum in dorfo et pectore habet.

Tertium ordinem tridactyla conftituunt. e. g. p. 391. Ignauorum genus, Ai, ob lentum grefsum atque ob feignitiem in quibuscunque actionibus confpicuum ita nominatum eo refertur. Foliis viuit arboresque ei domicilio funt. Pedes anteriores pofterioribus multo longiores, fingulumque tribus digitis praeditum, nullisque auribus inftitutum.

Quartus ordo tetradactyla exhibet, haecque funt p. 395. vel loricata vel pilofa. Ad loricata v. g. pertinet tamandua cataphracta. Huic animali, nullos dentes habenti, ob alimentum, quod formicae praebent, atque ob linguam cum urfis formicariis conuenientem nomen ifthoc imponitur. Reperitur in regno Siam inque infula formofa. Capite longo, ore tenui, oculis valde pellucidis, auribusque planis et paruis incedit, atque ita fe contrahere valet, ut figura eius diftingui plane nequeat. Lorica squamofa ob omni impetu hoftili illud defendit. Pilofis vero tetradactylis in primis familia cauiarum annumeratur, quarum aliae, ut cuniculus americanus f. mus indicus, pilis tantum, alia fetis, inftitutae funt, ut cuniculus echinatus e freto Hudfoniano.

Quintus ordo pentadactyla continet. Huc v. g. p. 406. fpectat leporinum genus, cuius pedes anteriores quinque pofteriores quatuor digitos habent. Aures graciles longae funt. Medium labii fuperioris diuiditur. Oculi absque palpebris, cauda brevis, planta pedis pilofa, dentes maxillae fuperioris incifui duplices, inferiorisque valde parui funt.

Sextus denique ordo animalia pedibus pinnatis, p. 564. horum fcilicet digitis pellicula, ut in auibus aquaticis, coniunctis exhibet. Exemplo caftor eft; animal hocce paruum nec ponderofum, pilis longis et paruis, capite et oculis itidem paruis, auribusque, ut in

lutra, parvis, rotundis, externe pilosis, interne nudis esse solet. In utraque eius maxilla bini dentes coloris fere crocei, fortes incisivi inveniuntur, quorum pars superior valde acuta atque, ut in muribus, ferrata est. De reliquo sedecim dentibus molaribus gaudet, ac in unoquoque pede quinque digitos habet, quorum posteriores pellicula tantum coniunguntur. Anteriores enim ad arripiendum alimentum ei dati sunt, hique rotundi, obtusi, posteriores vero caui esse solent. Cauda eius in superiori parte glabra non pilosa, nigra crassa, squamosa, ovalis ac valde pinguedinosa est.

Finita hac animalium quadrupedum historia, librorum tandem a Cl. Auctore citatorum catalogus, simulque iconum ab eodem affixarum explicatio subnectitur; quarum quidem magnitudo cum pretio libri accommodanda esset, tanta non est, quae partes praecipuas distincte sistere, et veras ideas excitare possit.

III.

Tentamen medicum de variis calculorum biliarum speciebus diuersoque ab ipsis pendentium morborum genere. Auctore IOANNE PETRO SABATIER et Praeside FRANCISCO IMBERT. Mospelii apud Ioannem Martel. 1758. 8. pl. 13. dimidiat.

Dissertatio haec in octo capita diuisa, in primo non nulla circa biliares calculos exhibet obseruata et experimenta; secundo frequentem biliarium calculorum in humano corpore procreationem enarrat; tertio de characteristicis felleorum calculorum attributis, quarto de quibusdam accidentalibus eorundem qualitatibus agit; quinto distinctionem inter vere biliares et intestinales calculos constituit; sexto fel-

leorum

leorum calculorum in variis cauitatibus ductibusque situs ac dispositionis diuersitatem sistit; septimo illorum petrificationis opus exponit, et octauo denique breuem morborum a calculis felleis oriundorum historiam tradit. - Quod ad obseruationes primo capite contentas attinet, non paucos calculos biliares, hosque in primis diuersae magnitudinis in duodeno non solum, verum in ductu etiam cystico et vesicula fellea a se repertos fuisse, Cl. Auctor refert, quid? quod p. 7. lapidis meminit tanti, qui feminae cuidam, passione iliaca ob hanc causam affectae, posthac sanatae, per anum exiit, et figuram crassitiemue oui gallinacei aequauit: De complurium post modum calculorum egressione p. 13. per anum mentionem facit, ultimaque tandem obseruatione in aperto quodam cadauere vesiculam felleam, tertia parte grandiore et longiorem, inque ea octoginta quinque calculos sese reperiisse perhibet.

Cum calculis biliaribus experimenta Cl. Auctor p. 14. instituit, istosque in puluerem redactos, cum bile exsiccata, itidem in puluerem redacta, plenarie conuenisse, pondere leues, cumque urinariis calculis comparatos, his multo leuiores fuisse, atque eorum plurimos aquae innataffe, peneque omnes candelae admotos ignem concepisse, obseruauit.

Ad biliarium calculorum in humano corpore generationem Noster accedens, complurium medicorum, qui in cadaueribus eiusmodi calculos repereunt, facit mentionem, atque ex crebris horum obseruationibus colligit, frequentem omnino dari lapidum istorum generationem. Prae reliquis in hoc capite notatu digna legitur, a Cl. Auctore adducta obseruatio * Ill. HALLERI, qua Gottingenses raro calculis urinariis, frequenter vero biliaribus esse obnoxios adnotauit, inde calculos hos habito respectu climatum populariter grassari posse, et quod alii iam obserua-

* Opusc. pathol. Lausan. 1755. 8. Obs. 33. pag. 70. et Comment. nostr. Vol. V. Part. I. p. 89.

obseruarunt, in accolis nimirum fluuiorum saepissime reperiri eosdem, Noster adserit. Distinguunt se isti calculi ab aliis, in corpore humano reperiundis, materie, ex qua conflati sunt, biliosa, porro ponderis leuitate, tandemque ignem concipiendi facultate, hosque characteres nulli, nisi calculo biliari proprios esse, experimenta confirmant.

p. 28. Variant quodam modo lapides biliares respectu coloris, superficiei, crassitiei et figurae. Ita enim non nulli luteoli, subuirides alii, aliique rursus atrideprehenduntur. Plurium horum lapidum laeuigata, aliorum inaequalis aliorumque aspera est superficies. Nec etiam omnes unam eandemque habent crassitiem. Ita plurimi granorum milii et lenticularum magnitudine excernuntur, alii autem maiores fabam, oleam maiorem, imo et interdum ouulum gallinaceum aequantes cum faecibus exeunt. Triplex tandem, dictitante Nostro, lapidum memoratorum figura esse solet: multi nimirum facie multiplici sese ostendunt, hique, ut Cl. Auctor obseruauit, nunquam solitarii existunt, sed inter se inuicem conglomerati esse videntur. Alii facie hac destituti praelongi aut ouati, raro globosi obseruantur, hique ut plurimum crasso aut mediocri volumine praediti, semper solitarii deprehenduntur. Tandem et calculi biliares visi fuerunt, qui solitarii, nec multiplicesquam facie donati, ut canales perforati in conspectum prodierunt.

p. 33. At vero cum et calculi reperiantur, quorum ortus in intestinis esse solet, quique primo intuitu, siue in intestinis demortuorum inueniantur, siue a viuis excernantur, cum calculis felleis confundi facile possint, notandum id circo est, intestinales calculos, in aquam proiectos, huic non innatare, neque flammam concipere, nec etiam in puluerem redactos bicysticae similes esse, nullumque praeterea degustatos amaritiei sensum excitare, atque morbos tandem a calculis

calculis biliaribus ortos, alia aliaque a calculis intestinalibus inductos morbos concomitari symptomata.

Vesicula fellea, ductus cysticus ac choledochus p. 38. intestinorumque cauum loca sunt, in quibus calculi isti remorantur, horum autem conditio inde pendens morborum sistit diuersitatem. Calculi e. g. longiores et ouati si transversim in cystide ponuntur, aegris plerumque mortem conciliant, atque eorum alii in intestina delapsi, si eum locum, ubi valuula illa coli est, occludunt, talia producant symptomata, quibus haud raro confundi possunt medentes, atque paucis, prout superficies calculorum eorundemque moles variat, ita etiam symptomata nec non morborum plerumque se habent exitus.

Quod ipsum calculorum generationis opus con- p. 42. cernit, Cl. Auctor statuit, generari lapides in vesicula fellea, bilemque quidem spissam ac tenacem generationis huius causam suppeditare, ex hac ipsa autem sola haud unquam procreari calculos. Largitur nimirum, ut Noster putat, bilis spissae ac tenacis particula fundamentum, cui sensim sensimque ab adueniente bile accrescunt lamellae, quae si quotidie apponuntur, insignis demum magnitudinis calculum sistunt. Itaque bilem tenacem calculorum quidem nucleum, minime vero totius calculi compagem constituere, ex Nostri sententia statuendum est.

Finita hac felleorum lapidum theoria, morbo p. 49. rum etiam inde oriundorum fit mentio, horumque tres constituuntur classes. Prima scilicet morbos a calculis in vesicula fellea habitantibus continet; altera morbos a calculis in vesiculae collo, ductu cystico et choledochu haerentibus exhibet; atque tandem tertia morbos a biliaribus calculis in intestina delapsis breuiter recenset. Primae classis morbos quadruplices esse, icterum nempe, biliosum vesiculae felleae hydropem, illius inflammationem, eiusdemque tandem membranarum rupturam a calculis in vesiculae cauo

cauo existentibus produci, Cl. Auctor ostendit. Icterus oritur, si calculi viam ad ductum cysticum obturant, unde igitur bilis primo accumulatur, tandemque ad venam cauam refluens in exteriori corporis habitu dispergitur. Causa hac disquisita, symptomata ictericis solemnna recensentur, signa diagnostica exponuntur, atque huius mali curatio subnectitur; quam calculorum expulsio, urgentium symptomatum mitigatio, praecauendaque eorum generatio absoluit.

p. 67. Sub vesiculae felleae hydropo bilioso Cl. Auctor intelligit inflatam et a congesta exsuperanteque bile praeter modum tumentem vesiculam, cuius mali ortum in calculis cauum vesiculae occludentibus ponit. Accedit et hoc, quod via ex vesicula ad duodenum penitus praecclusa, bilis interim maiori, ac in naturali statu fieri solet, copia secreta per bibula vasorum oscula resorberi sufficienter nequeat, unde bilis continuo affluens, nec tamen satis resorpta, ita coaceruatur, ut vesicula in immensam saepe magnitudinem excrescat, multaque ac singularia hinc symptomata producantur, quae eo maiorem attentionem merentur, quo magis vesicula haec extenditur, atque eiusdem membranae attenuantur. Ne igitur in curando hocce malo errores postea vix corrigendi committantur, Noster ideo certum atque pathognomicon constituit signum, nimirum hypochondrii dextri tumorem, qui digitis prementibus facile obediat intropulsus et mobilis. Huius dein hydropis prognosin Cl. Auctor exhibens, illum hydropem, qui vesiculae dilaceratione aut huius vicinarumque partium inflammatione finitur, periculosum, qui vero, calculis in intestina delatis et excretis, diarrhoea biliosa terminatur, non adeo periculosum esse, curationemque adhuc admittere exponit, ad quam proinde obtinendam remedia et auxilia non contemnenda commendat.

Cum

Cum antecedenti vesiculae felleae morbo saepe p. 74. simul eiusdem vesiculae inflammatio, quae a Cl. Autore *cystitis* nuncupatur coniuncta est, interdum autem et absque illa sola haec deprehenditur, utrumque tamen malum ab asperis angulosisque calculis vesiculam irritantibus ortum ducit, inque arteriarum cysticarum ac venae portarum ramificationum, vesiculam hanc perreptantium, extremis sedem habet. Inter signa, quae huic inflammationi cum aliis communia sunt, prae reliquis icterus tumorue hypochondrii dextri, calculos tactu manifestans et cum febre acuta coniunctus, inflammationis huius diagnosin praebet, cuius euentus, ut in aliis inflammatoriis morbis, observatur. Vel enim resolvitur, vel in suppurationem abit, vel tandem gangraena sphaceloque finitur, raro autem scirrhusa fit inflammata vesicula, frequentius contra suppurationem mire hic variantem, atque ea propter multa, nec non mirifica symptomata novosque saepe morbos producentem subit. Prout autem locus est, in quem pus euacuatur, ita etiam suppurationis deprehenditur exitus, illaque vel in sanitatem, vel in alium morbum, vel denique mortem absolute aduenientem tendit. Praeter consuetam, inflammatorios morbos curandi, methodum, venae-sectionem nempe, dietam tenuem, diluentem, refrigerantem, potum largum remediaque lenientia, hic in primis clysmata emollientia atque necessaria illa externe applicanda fomenta relaxantia, lenissimaque tandem, inflammatione mitigata, commendantur cathartica; quibus cunctis, frustra tentatis, morbo nimirum in suppurationem abiente, huius ideo subnectitur curatio, aut artificiosa demum, ad exteriora si vergit tumor, suadetur puris extractio.

Ultimus ipsius vesiculae ab intus contentis calculis p. 87. abortus morbus est eius ruptura. Cum autem secundum Nostri sententiam nulla huius mali haberi possit diagnosin, istud tantum nominasse ei sufficit, atque

atque ad alteram horum morborum classem, morbos nimirum a calculis in vesiculae collo, ductu cystico et choledocho haerentibus ortos transit.

p. 89. Praeter icterum, hydropem cystidis biliosum ac inflammationem, a calculis etiam in ductibus nominatis oriundam iamque pertractatam, solius duntaxat colicae hepaticae mentionem facit Cl. Auctor, quam duplicem esse, spuriam nempe, hancque mitiorem a calculis in cystide productam, nec non alteram atrociorē hancque veram a calculis in cystico vel choledocho ductu haerentibus oriri perhibet. Praeter symptomata multis aliis solemnia, bene autem hic collata, regionis vesiculae felleae dolor acutus, fixus, profundus, certis intervallis exacerbatus, ictero flavo saepiusque nigro stipatus certam huius colicae largitur diagnosin. Pessima semper colica ista ominatur; plurimi namque ea vexati iugulantur, aut si mortem effugiunt, aliis tamen inde oriundis morbis v. g. hydropi asciti cet. obnoxii sunt, et tandem pereunt. Ad curandam hanc colicam praeter venae-sectionem, enemata internaque remedia lenientia, oleosa et opiata, hic in primis externa, fomenta nimirum, linimenta ac balnea emollientia applicari, aperientia autem et aëtiua illa remedia omitti prorsus iubet.

p. 99. Tertia tandem ultimaque classis, morbos a calculis in intestina delatis ortos continens, breuiter commemorat, a calculis in intestina deductis vagos dolores colicos, inflammationes, choleram, dysenterias pertinaces, haemorrhagias per anum, passionem iliacam, tenesimum faecumque remoram produci, solisque catharticis mitioribus enematisque frequenter iniectis calculorum horum expulsionem tentandam esse praecipit.



IV.

WILHELMUS HENRICUS KRAMER Phil. et Medic. Doct. Elenchus Vegetabilium, et Animalium, per Austriam inferiorem observatorum, sistens ea in Classes, et Ordines, Genera et Species redacta. Viennae, Pragae et Tergesti. 1756. 1 alph. 3 pl. tab. aen. unica.

Quae fuit industria plurium celeberrimorum virorum, qua plantas, aliasque res naturales per patriam, vel regiones, quas aut peragrarunt, aut inhabitarunt, obvias, et dispersas, annotarent, atque sedulo describerent, quaeque essent privati, publici iuris facerent, eam iam imitatus Cl. Auctor, Austriam inferiorem, in qua degit, *Leytaepontanae parvulae Praef. urbis*, uti fatetur, *nec necessaria ad rerum naturalium scrutatricem vitam prolongandam subministrantis physicus* perscrutatus est, Floramque ac Faunam illius regionis pari munere illustravit: *non largiter effuso a principibus aere, nec societatis cuiusdam impensis* se adiutum fuisse dolet quidem, sed idcirco eidem tribuenda videtur laus et gloria maior, quod privato zelo ductus id operis in se suscipere voluerit. Illustri Nomini **VAN SWIETEN** dicatum opusculum in parte prima ad methodum **LINNAEI** exponit genera plantarum quingenta quatuor, speciebus, quas ibi vidit, summo studio definitis; non vero indigenas solum plantas, sed eas etiam, quae in hortis magnatum asseruantur, exoticas sub se comprehendit; videas enim ibi recensitas Cannam Indicam, Iustitiam, Ipomoeam, Aloen cet. Pars altera septuaginta octo continet genera animalium secundum idem systema disposita, nec haec semper Austriae inquilina, sed simias, leones cet. complectitur, quinimo Rhinocerotem anno 1750. Viennae a Batauo allatum habet. De Aegagropilis observationem adiecit oppido raram: *genuinas siqui-*
Tom. VII. Pars I. C dem

dem esse figurae oblongae, intus fibrosas, fusco viridis coloris; externe pellicula nigra, instar vernicis splendente tectas; has in rupicapris, *Alpes Athamanta* siue *Meo Officin.* carentes inhabitantibus, nunquam inueniri, quae tamen in aliis, hac radice fibris obsita pascentibus, saepe reperirentur: unde et harum pilarum originem, atque effectum emmenagogum declarat; cum nec crusta lapidea illis superinducta sit, verum ex meris fibris radicis *Athamanthae* (quod praeter dicta sapor, ac odor proderet) mediante muco oesophagi, et ventriculi rupicaprarum in formam farciminis, non pilae, sicut adulterata, compactis constarent; non ad calculos animalium, seu regnum minerale referri, sed *Florae* restitui debere autumat.

- p. 381. Animalium duo constituit noua genera, quorum primum ex auium classe, et ordine passerum, *pratincolae* nomine insignitum, adiecta icone illustrauit, eiusque characterem genericum sic definit: *Rostrum ad latera parum compressum, maxilla superiore apice adunco; femora seminuda, pedes tetractyli, postico anticis duplo minore, cauda bifurca. Alae longissimae, compli-*
- p. 396. *catae, caudam fere eminentes.* Alterum ex ordine piscium malacopterygiorum, quod cum cauernas subterraneas luce carentes potissimum inhabitet, *Umbram* vocauit, eiusque characterem genericum adiecit: *Membrana branchiostega ossiculorum sex. Dentes in maxillis, palato. Oculus in utroque latere unus, pinnae vertebrales duae, dorsi unica ossiculis suffulta, in medio fere dorsi sita, nec a capite ad caudam extensa. Optandum omnino est, ut filius, qui patris laboriosissimi vestigia premit, melioribus subsidiis in colenda historia naturali sustineatur.*

V.

CHRISTIAN GÖTTLIEB LUDWIG, P. P. O.
Lipsiens. Institutiones historico physicae
Regni vegetabilis, praelectionibus Academi-
cis accommodatae. Editio altera aucta et
emendata. Lipsiae apud I. F. Gleditsch. 1757.
8. plag. 18.

Quos anno 1738 prima vice euulgauit Cl. LVD-
WIG aphorismos botanicos, breues ad modum
atque concinnos, mutatos, multumque auctiores,
titulo Institutionum an. 1742. edidit, nunc denuo
typis mandauit. In qua editione ordinem tractatio-
nis, diu probatum, haud mutatum quidem retinuit,
multa vero correxit, alia expunxit, alia, in primis,
quae his diebus inuenta fuerunt, addidit, definitio-
nes praesertim partium plantae accuratiores concin-
nauit, simulque optimos fontes, citatis studiose Au-
ctorum scriptis, hinc inde annotauit. Vt vero lucu-
lentiùs pateat, hanc auctam et emendatam esse edi-
tionem, quaedam sigillatim annotemus. Contra
fundamentum diuisionis trium regnorum, a LIN-
NAEO assumptum, bene monuit, vitam et incre-
mentum plantarum in uno eodemque motu fluido-
rum per solida consistere, et sensus, qui corporibus,
quatenus ab obiectis externis mouentur, conceditur,
simili ratione per definitas fluidi, in uasis moti, mu-
tationes declarari posse. Et licet, ut alii statuerunt,
fabrica similis in congregatione particularum mine-
ralibus propria sit, telaque cellularis motum succo-
rum in vegetabilibus, ac fabrica vasculosa eundem in
animalibus dirigat perficiatque; mineralia porro igne,
vegetabilia aere per ignem animato, animalia proprio
spiritu moueantur, tamen cum hae differentiae co-
gnitae partim difficillimae, partim in limitibus, con-
stituendis vagae deprehendantur, antea propositum,
C 2 funda-

- fundamentum, in forma externa mutabili vel persistente, ac loco motiua facultate positum, denuo assumfit Noster atque retinuit. Retinuit quoque consuetum naturae regnorum numerum, et nec aqueo WALLERII, nec igneo DENSONIS illum augendum esse, existimauit; obiecta enim hucrelata vel ad congressum elementorum in mixtione perficienda, vel ad minerale regnum, vel ad arte facta optime reduci possunt, immo debent.
- p. 6.
- p. 20. Differentiam radicum mutata paulo ratione proposuit; assumfit quidem et nunc radices dari caudice vel tenuiores vel crassiores, ultimis autem generale nomen tuberosarum dedit, harumque species, caulescentes et nodosas, quae tuberosis strictissimo in sensu conueniunt, fibras in omni superficie adnatas ostendere, illas vero vel ex parte caudici opposita, ut in transversis et bulbosis*, vel ad caput radiceis carnosae ex nodo, inter caudicem et radiceis crassior
- p. 22. rem partem formato, eius modi protrudere, assumfit, hasque speciali nomine comosas, et a figura crassioris partis testiculatas, palmatas, et squamosas ad-
- p. 25. pellauit. Folia in primaria et accessoria diuidit, priora folii nomen retinent, posteriora, quae vel petiolos succingunt, vel colore viridi non conspicua sunt, bracteae, stipulaeque dicuntur. Nerui et venae no-
- p. 26. men, minus accurate haecenus determinatum, ita forte determinari posse, docuit, ut costae folii emnens diuisio neruus, pellucens vero vena nominetur.

Foliis

* Bulbosae radices Cl. Auctor denuo, ut antea fecit, in squamosam, tunicatam et solidam distinguit, et Lilium, Tulipam, Crocumque exempli loco adducit. Verum dubitamus, an radix detur bulbosa solida; Crocus omnino eam tunicatam habet, id, quod non modo ex siccis externisque laminis, quae sponte separantur, elucescit, sed et media, solida visa substantia, in veras tunicas, crassas modo, potest separari.

Foliis articulatis, ubi unum ex altero producitur, p. 28. distinctionis nota praesente, pyxidata addidit, in quibus folium in foveam alterius quasi immittitur; sic et ab oppositis distycha separavit, quae oppositis semper lateribus caudicis vel ramorum accrescunt. Den- p. 31. tata, crenata, ferrata, ciliata, et spinosa seorsim consideravit, curatiusque definiuit. Pilos quoque et p. 36. glandulas, quae tubercula humore exsudante conspicua dicuntur, nunc adduxit; spicae subdivisiones tradidit, dum illam seminum, umbellae similem, fasciculum, globosam autem, florum capitulum adpellavit; Calicis species sigillatim etiam exposuit; spatha p. 41. itaque est calix, vaginam longitudinaliter fissam referens, gluma autem calix rigidior graminum, amentum series squamarum, filamento centrali adhaerentium; calyptram in muscis, in fungis voluam pro calicis synonymo assumpsit. Florem, qui stamina p. 51. modo continet, a variis, minus recte, sterilem nominari monuit, cum ille potius sterilis dicendus sit, qui corollam solam, nec staminibus, nec pistillis refertam, sistit et eunuchus est. In capsulis praeter valvas, septum quoque et futuram descripsit, prius est paries intermedius, qui cauum capsulae, semina suscipiens, in caua minora siue loculos distinguit, futura autem linea vocatur, quae fissurae, in maturitate succedentis, vestigia ostendit. Dubios tandem baccam inter atque drupam limites nouo forte fundamento determinare nos posse, docuit, dum drupae nucem, pomo cartilaginea loculamenta, baccae autem semina sparsa tribuamus, verum et hic incertos esse limites, ipse Cl. Auctor fatetur.

In Cap. II. de diuersis plantarum methodis agens, p. 60. Auctorum, quos excitauit, scripta, in notis accurate annotauit, fundamenta diuisionum sollicitè, ast strictim recensuit, et catalogum Auctorum auxit. Ex veteribus nunc etiam ZALVZIANSKIVM, ex illis, qui partim Raianam methodum secuti, partim in ea

perfectius elaboranda occupati fuerunt, HEISTER-
 RVN atque HALLERVN commemoravit; BOER-
 HAAVII methodo inhaesit MORANDVS et ERN-
 STINGIVS, Cl. Auctoris methodum Riuino - Lin-
 naeanam adsumserunt WEDELIVS et BOEHMERVS.
 Tournefortiana usus quoque fuit VALENTINI,
 PLUMIERIVS, cum Riuiniana eam coniunxit KRA-
 MERVS, auxit vero parum SEGVIERIVS. Inter
 illos, qui LINNAEI vestigia presserunt, in primis
 excitatur GRONOVIVS, DALIBARDVS atque HIL-
 LIVS, qui in fungis, muscis, plantisque submarinis
 plura noua genera condidit. ROYENI methodum
 adsumsit GMELINVS. Nouas praeterea exhibuerunt
 WACHENDORFIVS, GLEDITSCHIVS et de SAV-
 VAGES. Inter particulares methodicos, qui grami-
 na, fungos et s. p. pertractarant, MONTIVM quo-
 que, GLEDITSCHIVM, BATTARRAM, KLEI-
 NIVM atque DONATI excitauit.

- p. 72. In III. et IV. Capite, quibus de Generibus et Spe-
 ciebus locutus fuit, ante stabilitas regulas fere ubique
 retinuit, selectiora autem exempla hinc inde annota-
 uit; de nominibus, quae generibus, si duo in unum
 coguntur, imponenda sunt, aliter nunc sensit, et ne
 p. 85. nimia nominum mutatio, dum semper tertium no-
 uumque, ut Rumicis, Achilleae, eligendum sit, mo-
 lesta instituatur, potioris generis primum nomen
 stare et retineri posse, Lauendulae aliarumque exem-
 plo docuit, simulque etiam monuit, ea nomina, quae
 graeca et latina lingua eandem ideam exprimunt, di-
 uersis generibus minime tribuenda, sed ut synonyma
 consideranda esse, ut auena et bromos, lentiscus et
 p. 98. schinus. Nouorum vegetabilium ortum, dum vel
 plantae diuersi generis, vel congeneres ad nouum
 corpus vegetabile constituendum concurrunt, et hy-
 bridas plantas efformant, ex obseruationibus in pri-
 mis LINNAEI adsumsit; huius Cl. Viri compendia-
 ria nomina, triuialia dicta, in designandis speciebus
 admit-

admittit, et in omnibus plantis euidenter dari characteres, ex quibus nomina specifica compendiarie possint desumi, asseruit, ac exemplis comprobauit. Ita e. gr. dici posset *Mollugo foliis oppositis, tetraphylla, pentaphylla, verticillata.*

Cap. V. de methodo plantarum propria inscribi p. 101. tur, inque eodem floris monopetali compositi characterem accuratius determinauit, dum non solum communi calici, sed et thalamo communi plures flosculos adhaerere posse monuit; corollas horum flosculorum, lingulorum et tubulorum speciatim definiuit, thalami varias proprietates commemorauit, et regularitatis characteres non tantum ex corolla, sed etiam pistilli staminumque declinato situ cognoscendos esse, *Amaryllidis* exemplo declarauit. In tabulis, quas ut specimen suae methodi denuo adiecit, alios saepe characteres adduxit, ac in primis ad corollae proprietates prius, quam ad fructum, respexit. Plantas marinas ex vegetabilium numero eximendas, et ut opus polyptorum considerandas esse, de non p. 134. nullis quidem, non vero omnibus concessit, hinc corallia, madreporas cet. vegetabilibus adhuc adnumerauit.

In Partis secundae, qua Physicam vegetabilium p. 160. pertractauit, Cap. I. easdem generales notiones, in Cap. II. autem varias nouas ideas inuenimus. Ita cuticulam animali et vegetabili corpori quidem conuenire, at pilos, glandulas, et alia, quae superficiem inaequalem reddunt, ex profundiori sede propullulare, affirmauit, simulque docuit, caua plantarum, ut sunt capsulae et fructuum loculi, simili tenui obducta esse membrana, quae ad fabricam cuticulae proxime accedit, et ab externa non adeo differt, quam in animalibus. Telae cellularis usum et dignitatem curatius exposuit, illamque non tantum mouendis, sed et mutandis elaborandisque succis inferuire, recte statuit. Vascula vario modo inter se

coire, et anastomoses efficere, in quibus contextus cellulosus, intus contentus, cum oppositis communicat, et succorum progressui fauet, nunc ostendit; spirales autem fistulas peculiarem quidem vegetationis mechanismum ostendere concedit, an vero aerae dici queant, aerique tantum pateant, in dubio adhuc relinquit.

p. 174. Cap. III. de partibus vegetabilium fluidis differens, nunc in primis contendit, humum, praeter terreas, salinas quoque et oleosas partes continere, quae quidem ex variis corporibus motu intestino et putredine resolutae, terraeque unitae, et mediante aqua extractae, unguinosum succum praebent, qui vero in crudo statu a plantis suscipi non potest, nisi in aerem eleuetur, novas resolutiones et mixtiones subiret, et subtilisatus iterum in terram praecipitaretur; hinc fertilitatem terrae ex aere repetendam esse, concludit. Nullam quoque succi, in terra praeparati, differentiam agnuit, sed alias radices in sabuloso, minus cohaerente, alias in lutofo et tenaci solo melius disponi, modo tradidit.

p. 180. In Cap. IV. de motu fluidorum per solida inscripto, phaenomena accuratius determinavit, et rationes dilucidius explicavit, caeterum autem easdem

p. 187. propositiones retinuit. Cap. V. de ortu et descensu fibrillarum ipsiusque radice specialius egit, medullamque copiosiore fibras corporis lignosi distendere, et minimum tuberculum efficere, in quo parenchyma copiosiore succum suscipit, et in extensione facta filum corporis lignosi et medullae secum rapit, ac in terrae rimas diducit, asseruit; descensum autem ex spongioso parenchymate, quod, copioso humore resorpto, extenditur et fibram mediam deorsum ducit, nec non humida terra attrahitur, et ad maio-

p. 199. rem succi resorptionem disponitur, deduxit. Librum non modo lignosis caudicibus tribuit, sed eandem parenchymatis mutationem in annuis caulibus fieri,

Lini

Lini et Cannabis in primis exemplo declaravit. De circulis sic dictis annuis differens, etiam ad mutationes, a plaga coeli introductas, respexit, idque in directione arborum transplantandarum annotandum esse, annotavit. De foliorum ortu quodam modo p. 206. suam sententiam mutavit Cl. Auctor, et dum olim assumeret corporis lignosi fibras huc non accedere, nunc potius docuit, id quidem interdum verum esse, attamen etiam vel a libro, vel ex ipsis corporis lignosi stratis fibras prodire, et ad petiolum foliumque duci. Praeparationem foliorum per macerationem plenius p. 213. exposuit, annotavitque laminas retis, si molles adhuc et humidae separentur, telam cellulofam tenerimam interpositam, laminasque coniungentem, ostendere, eamque, si sufficientibus succis scateat, separationem laminarum admittere, si vero exsucca sit, retia coalita, nulla arte distinguenda efficere. De foliorum usu quoque, et quomodo succi ad folium dirigantur, in eodem moueantur, praeparati-que succi, vel ad plantam retrogrado motu deferantur, vel perspirent, fusiori doctrina usus fuit. An autem folia simul perspirent et inspirent, et an su- p. 218. perficies superior perspiret, inferior autem inspiret, nondum, vel per experimenta, a Cl. BONNETO facta, determinare potuit. Petala cum foliis apte comparavit; unguis scilicet petioli, et corollae monopetalae folii vaginantis ideam referunt, succosque praeparatos ad interiores partes perficiendas deducunt. Nectaria nunc organa secretoria dixit, quae p. 497. succos spissiores, motum humoris subtilioris in vasis plantarum impediētes, secernant, et ita cum glandulis conveniunt. Adscensum succorum ad thalamum, qui marcidis florum partibus semina suscipit, non modo denuo stabilivit, sed alia quoque, ad stylum directā vasa, inversa ratione ab Auctore considerantur, ipsisque communicatio quaedam cum antheris tribuitur, qua fit, ut particulae, fertilitatem

feminis perficientes ad thalamum deferri possint.
 p. 249. Densitatem laminarum cartilaginearum, quae in non nullis fructibus pulposis femina cingunt, a pressione succi, in pulposo et celluloso contextu moti, olim deriuauit Cl. Auctor; hanc vero sententiam veritati non respondere, cum femina abortiua tam densum loculum habeant, quam perfectiora, postea cognouit, hinc in ipsa iam delineatione, densiores esse nunc affirmauit.

Verum haec speciminis loco annotata sufficiant; plura enim et omnia, quae mutata curatiusque proposita in hac noua editione inueniuntur, si nunc adducere vellemus, nimis longa fieret nostra recensio. Publice modo Cl. Auctori grates persoluimus, quod, aliis negotiis fere obrutus, in commodum tamen et docentium et discipulorum hasce Institutiones locupletiores reddere, et denuo euulgare voluerit.

VI.

IOANNIS GEORGII ROEDERERI, D. Med. et Anat. P. P. O. Societ. Reg. Gotting. Sod. de Vteri scirrho commentatio medica. Gottinae. Sumtibus Victorini Bossigeli. 1756. 4. pl. 5. tab. aen. I.

p. 5. Sicut ad alia corporis humani viscera, ita et ad uterum variae fieri possunt materiae morbosae metastases. Duplicem istae agnoscunt originem, vel enim a morbo in uterum aliquid maligni deponitur, vel externae, vulnerando nimirum et comprimendo, aut a partu difficili peruersaque in eodem adhibita medicatione chirurgica illatae, violentiae ei persaepe mali moris contrahunt vitia. Quae a morbis in illum sunt depositiones, interdum inflammationem excitant, interdum autem lente tantum et absque inflammatione colliguntur. Externis contra laesionibus

nibus semper subnascitur inflammatio, quam pari modo, ac illas a morbo factas depositiones, haud raro sequitur scirrhus. Frequenter tamen iste inflammationem non resolutam nec ulcerosam excipit, pariterque fluoris albi, menstruorum lochiorumue stagnationes.

Inflammationem excipiens scirrhus cognoscitur, p. 9. si symptomata inflammationis absque sanitatis vigore corporisque refectione cessant, et ponderis in simul sensus in pubis regione animaduertitur. Fluxus menstruus imminutus aut plane cessans, corpus extenuatum, appetitus interdum languens, interdum nimius, febris lenta, os foetens et ulcerosum, atque regionis pubis et hypogastricae in primis expansio, grauiditatem mentiens, dura, resistens, dolens, ne manus quidem tactum interdum ferens, signa sunt, quibus scirrhus, a materia morbi eo delata ortus, et vel partem uteri vel totum illum occupans, cognoscitur. Praeter haec pondus in peluim descendens, rara et molesta lotii et foecum excretio, uteri duri tumensque descensus, vel et eiusdem prolapsus, rectique intestini aut vesicae compressiones, uteri scirrhusi diagnosis confirmant ulterius.

Sterilis manet, quae hoc laborat femina, in mitiori autem malo, scirrhus nimirum, uteri duntaxat partem occupante, interdum concipit, dolenda tamen, si ad partum componitur. Vel enim scirrhus, ceruicem uteri claudente, partus fieri nequit, vel idem ille efficit, ut partus tempore uterus rumpatur, fetusque in abdomen dilabatur. Si tandem scirrhus uteri extensionem impedit, hic abortus etiam causa interdum esse potest.

Ne autem medici ab inflato abdomine, grauiditatem mentiente, decipiantur, signa ideo a Cl. Auctore notantur, lentumque in primis a scirrhus abdominis incrementum, nec non morbosorum, eo incrementum, symptomatum augmentum; absentem porro

porro mammarum eleuationem, lactisque defectum, nec non deficientem quoque embryonis motum, ab abdomine cito ob grauiditatem intumefcente, cumque sanitatis integritate coniuncto, satis distingui ostendit.

- p. 21. Nunquam ipsius naturae beneficio cedit scirrhus, idemque, si remediis minus aptis in carcinoma mutatur, sponte in durissimam massam abit, omneque pariter respuit artis auxilium. Iste vero, qui omni uteri sensu nondum plane caret, aliquam adhuc admittit curationem, ad quam ideo suscipiendam martialia et mercurialia, interpositis euacuantibus, commendantur.
- p. 23. Haecenus dicta binis obseruationibus a Cl. Auctore illustrantur, quarum prior scirrhum uteri in dissecto corpore concernit. In femina nimirum, viginti annos nata, venereo olim morbo laborante, phthisticaque inde facta et tandem febre lenta mortua, praeter emaciatum corporis statum, intestinorum in primis flexuras cohaerentes, inque angustum glomum collectas, et cum vicinis visceribus coalitas; totum dein peritoneum, quod abdominis cauum non solum amplectitur, verum etiam quod in abdominis viscera producit, scirrhosis undiquaque corpusculis oblitum obseruauit. Glandulae praeterea mesenterii obstructae, atque pulmones, ubiuis cum pleura concreti, hepar autem, lien et renes in naturali fere statu reperti fuerunt. In disquirendis partibus genitalibus, omnem fere peluis capacitatem, copiosis corporibus induratis occupatam, duram dein in fundo uteri substantiam, et ad eius orificium tumorem, interiorum vero illius superficiem inaequalem, asperam, peculiari substantia, cum ouis congelatis comparanda, tectam, annotauit. Tubae Fallopianae distinctae et conspicuae non apparuerunt, pariterque sinistri lateris ouarium discerni non potuit, dextrum vero, statu naturali fere praeditum, medio in glomere, ex cellulosa quadam, crassa, cum sanguiferis vasis, muscularibus fibris et adiposis globulis confusa
massa

massa composito situm obtinuit. Omnium horum p. 30.
viscerum morbosum statum ex colluie venerea de-
posita spissataque ortum, atque natam dein sine ulce-
re phthisin solis concretionibus scirrhis originem
debuisse, Noster coniicit.

Observatio posterior uterini scirrhi sanati tradit p. 31.
historiam. Descripto igitur feminae, hoc laboran-
tis, statu, remedia chalybeata cum ingenti soluentium
herbarum, beccabungae v. g. chaerefolii cet. copia
cumque lactis sero adhibita fuisse annotatur. Cum
autem horum usu continuato aegritudines istius femi-
nae non cessarint, potius adauctae fuerint, mutato
ea propter medicationis consilio ad mercurialia con-
fugisse medicum, legimus. Quo circa mercurio dul-
ci, hunc in finem dato, et per aliquod tempus con-
tinuato, uterus non solum optimo cum successu,
egrediente scilicet e genitalibus lymphā albicante, ef-
fusoque posthac sanguine copioso iterumque minuto,
reperatus fuit, verum etiam symptomata cuncta ces-
sarunt, integraque demum huic feminae restituta fuit
sanitas.

VII.

Observationum medicarum de partu laborioso
decades duae; prima et secunda. Auctore
IOANNE GEORGIO ROEDERER, D. Med.
et Anat. P. P. O. Gottingae, 1756. 4. Sum-
tibus Bossiegelianis, pl. 11¹/₂.

Observationes hae, quarum Cl. Auctor suam in
arte obstetricia peritiam plus quam simplici vice
comprobavit, laboriosum ex brachio in primis et ca-
pite prolapsis iam tradunt partum, harumue prima
partum sistit difficilem ex prolapsu capitis cum extre-
ma manu. Ad parientem feminam nimirum No- p. 1.
ster accersitus fetus faciem, ad ilia matris dextra ver-
sam,

sam, illiusque manum sinistram, simili auri applicatam, ulteriori lapsui obstantem obseruans, faciem tenelli versus os sacrum conuertit, manumque sinistram extraxit, quo facto partum tunc naturalem accelerauit, leuissimamque partus huius difficilis speciem esse, hancque saepe solis naturae viribus absolui annotauit.

p. 3. Secunda obseruatione brachii prolapsi historiam exhibente Cl. Auctor ostendit, qualem foetus partes obtineant hic positum, quae tunc via manus obstetricantis sit ducenda. Morem igitur consuetum, manum nempe ad corpusculi ductum ducendi damnans suadet, eam trans medium corpusculum promouere, quo pedes dein trahi, in abdomen flecti, eoque aptius ergastula aperiri possint.

p. 6. Obseruatio tertia casum continet, ubi manus, pes et facies prolapsi fuerunt. Partium igitur mortui sub ipso partu foetus male locatarum, pariterque hinc suscipiendae foetus conuersionis descriptione facta, nullam hic brachii prolapsi curam se habuisse Noster refert, brachiique in uterum refusionem superfluum obstetricum morem esse notat.

p. 8. Obseruatione quarta partus ex prolapso brachio ad modum laboriosus describitur. Frustra illa necessaria foetus conuersione tentata, signisque mortui eiusdem iam praesentibus, sectio foetus in utero suscepta fuit, qua multo quidem, ast felici, labore peracta, matris vita seruata fuit. Ad suscipiendam hanc sectionem non nisi necessitate urgente, versione nimium incassum tentata, aut utero ob continuatam dolorum atque spasmodum vim rigente iamque indurato, confugiendum esse, Cl. Auctor praecipit, simulque operationem hanc iis, qui remediis mitioribus neglectis omni festinatione ad eam properant, optimo iure vitio vertit. Contra vero eos, qui desperatis omnibus aliis remediis ad hoc auxilium compelluntur, monet, summam huic operationi cautionem lentam-

lentamque moderationem adhibendam esse, hancque ultimam in primis non nocuisse, sed potius profuisse expertus loquitur. At festinationem tamen non in uniuersum reiiciens, signa ea propter subnectit, quibus ad properandam sectionem certi fiant operadores.

Quinta obseruatio brachii cum fune prolapsi par- p. 18.
tusque conduplicato corpore facti meminit. Brachii huius refusionem frustraneo labore saepe tentans obstetrix, id tandem cum alia femina seruiente attrahere constituit, quo facto femina mortuum quidem puerum enixa, at laborioso tamen partu liberata, salua euasit. Notabile hic fuit, quod foetus conduplicato corpore, dorsoque primo nato editus fuerit. Cum autem femina haec tribus vicibus talem partum unaque fetum, pedibus praeuiis, viuum ediderit, Noster ideo, amplissimam huic peluim esse, indeque infantes facili opera in pedes conuertendos seruari potuisse colligit.

Obseruatio sexta partum quidem facilem con- p. 20.
tinet, matrem. vero, statim a partu ob sanguinis fluxum nimium, obiisse refert. Mortuam hanc feminam Cl. Auctor secans, placentam violenter ab utero solutam, internamque uteri superficiem laceratam, indeque sanguinis fontes apertos reperit. Vtrum vero obstetricis nimia festinatione, an infantis lapsu praecipiti placenta abrupta fuerit, diiudicare non audet, hoc tamen notans, obstetrices nimis officiosas in attrahenda placenta se praebere. Quo circa multis obseruationibus, suo tempore communicandis, Noster confirmatus, spontaneam placentae solutionem expectari, solutamque trahi dein, iubet.

Obseruatione septima lentus propter foetus mor- p. 25.
tem describitur partus. Ex consuetae illius, qua foetuum corpora obducuntur, vernicis albae seu caseosae defectu, foetum hunc per aliquod tempus ante partum mortuum iam fuisse Noster colligit, in-
que

que nota ob hanc rem adiecta quaerit , *anne vernicis caseosae defectus foetum ante partum mortuum a foetu, quem partus suffocavit, distinguat?* Ipsum autem foetus corpusculum mollius factum et maceratum lenti huius partus causam fuisse , asserit.

p. 28. Observatio octava difficilem ob pelvim angustam et uterum obliquum partum sistit. Perijt sub ipso partu foetus ante vius, pariterque mater inflammatione uteri statim a partu correpta, febreque malae indolis afflicta, paucis post partum diebus diem obiit supremum. In cadauere aperto, praeter malum reliquorum viscerum habitum, summas pelvis angustias, uterum oblique situm ulcusque inueteratum ad istius ceruicem reperit Cl. Auctor, atque mortis embryonis causam, capitis in inferiorem pelvis aperturam defixi compressionem, fuisse, et uteri inflammationem secutamque gangraenam ab uteri ceruice inter caput et pelvim diu pressa deducendam esse, ulcus autem inueteratum inflammationis et gangraenae ortum faciliorem reddidisse, declarat.

p. 38. Observatione nona partus describitur, ubi cum latis humeris et abdomine caput prolapsum fuit. Cum lati foetus humeri, ut post partum observauit Cl. Auctor, partui moram interposuerint, Noster ideo arte succurrit, cunctaque ita disposuit, ut perfectum demum femina ediderit partum. Rariorem hunc partum esse, eumque semper serotinum fieri, asserit.

p. 42. Observatio decima eius modi partus mentionem facit, qui ob obliquum infantis situm ad peiorem speciem refertur. Posterior nimirum capitis pars ex obliquo utero prolapsa fuit, ita, ut capite ad os sacrum directo nucha cum occipite primo in conspectum venerit. Partu igitur difficili ob hanc causam facto, dolorumque subsidio frustra expectato, versio tentata fuit, qua magno cum labore sudoreue perfecta, amissa quidem foetus vita, at optime tamen post

post partum calente matre partus absolutus demum fuit.

Observatio undecima lenti tradit partus historiam. p. 47.
Causam huius lentoris capitis amplitudo, rigidus pudendorum sinus et in primis uteri orificium, collum embryonis stringens, suppeditavit. Insigni cum difficultate obstetricantisque defatigatione operationem hanc factam, matremque servatam fuisse, infanti vero vitam uteri stricturam ademisse legimus.

Observatio duodecima partus descriptionem ex. P. 49.
hibet, ubi vecte opus fuit. Cum nimirum aliis remediis tentatis partus promoueri non potuerit, de vecte admouendo cogitare Noster coactus fuit. Eo igitur admoto partum dein absoluit, matrique vitam una cum prole servavit. Cum facies foetus praeuia hic fuerit, atque puer ingrato aspectu sese praeberit, Cl. Auctor ideo notat, tali statu fieri, ut foetus varie vitietur, aethiopis formam aliaque acquirat; profluens autem meconium, quo etiam hic foetus conspurcatus fuit, infantis quidem pressi, mortui autem signum non praebere refert. Vectem in tali negotio Noster laudat, cui autem tanquam universali instrumento in prolapsio capite non fident, atque inde monet, interdum versionis artificium praefendum, alio tempore forcipe utendum, imo et alio iterum tempore ad perforatorium confugiendum esse

Observatio decima tertia casum sistit, ubi facie p. 53.
prolapsa, forcipeque adhibita viuis, matre insimul superstite, extractus fuit foetus. Instrumentum hoc temporibus foetus supra aures applicatur, eiusque pressio cum integritate prolis fieri potest. Ad mitius instrumentorum genus id refert Cl. Auctor, anceps tamen esse, foetuique, si strictissima pressio diutiusque protracta requiritur, vim inferre notat.

Observatio decima quarta partus meminit, ubi p. 56.
foetus in ipso partu ob funem, collum bis stringen-

tem, mortuus, forcipe adhibita, excussus vitæque matris seruata fuit. Ad funis, collum cingentis, signa refertur lentus capitis progressus, foetus retractio, sanguinisque ex genitalibus iunctum stillicidium. Inter reliqua autem foetus mortui signa, peculiaris etiam laxi mollisque capitis ossiculorum stridor, nec non tumor capitis, incrementi expers, annotatur. Tandem et hic casus, placentam ob funem, foetus artui circumpositum, ab eo attractam sponte sæpius secedere posse docet.

p. 60. Observazione decima quinta iterum forcipis usus mentio facta est. Cum nimirum, uti post partum vidit Cl. Auctor, funis bis collo et semel brachio sinistro arte circumpositus, capitisque moles magna, situs iniquus, sinus angustissimus genitaliumque rigor partum ad modum difficilem reddiderint, atque foetus vita sub ipso partu, ob adductas causas, priuatus fuerit, forcipem ideo Noster applicuit, qua ultra octo vices applicata foetus tandem solutus, salua matris vita, fuit. Perforatorio quidem hic opus fuisset, sed ob crudelem huius visum, adstantes terrentem, atque ob ipsius operatoris euitandas contumelias, quibus ii hunc, si usurpato perforatorio mortuus extrahitur foetus, haud raro afficere solent, instrumentum hoc non applicitum fuit. Optimo cum successu ante partum foeminae huic venam secavit Cl. Auctor, atque opiata, peregrinos noxiosue in partu spasmos abdominales ac uterinos compescentia, adeoque uterum roborantia, nec non parturientem reficientia exhibuit, horumque inde usum sedulo in eius modi casu commendat.

p. 69. Observatio decima sexta partum commemorat, ubi perforatorio opus fuit. Ad parturientem nempe vocatus Cl. Auctor, partusque regionem statim explorans, funem propendentem, amplum atque obliquum, ad dextra scilicet dimotum ossibusque pubis infixum, caput observauit. De mortuo igitur foetu

foetu illico Noster cogitans, aliis prius remediis mitioribus, sed frustra tentatis, ad perforatorium confugere coactus fuit, hocque in delapsi occipitis hiatum, fontanellam posteriorem alias dictam, artis lege deiciens, factum dein foramen illud et digitis etiam dilatauit, membranas lacerauit, ipsisque digitis partem cerebri excussit. Quo facto capitis descensum promouit, hocque in vaginam delapsum forcipe arripuit, atque huius ope in sinum detractum solis tandem manibus extraxit, superstitemque matrem partu hoc feliciter liberauit. Cum ante susceptam operationem enema parturienti iniectum fuerit, rectumque intestinum hoc retinuerit, Noster ideo, enema ab intestino parturientis retentum, inter alia uteri obliqui signa refert, simulque illud in naturali partu a presso intestino recto non admitti notat.

Observatio decima septima partus meminit, ubi p. 74.
foetus mortuus forcipe extractus fuit. Notabile hic est, quod plures obstetrices, ad parturientem accedentes, miseram hanc ruditer vexarint, foetusque capitis cutem lacerarint, cranii ossicula diffregerint, viam effluxuro cerebro parauerint, ita, ut accersitus dein Noster pudendorum sinum cum tota vagina in insignem durumque tumorem eleuatum, craniique ossicula nuda, soluta passim vaginamque acuminibus laedentia, repererit. Gangraenam igitur uteri metuens, ei statim promptissimo auxilio succurrit atque seruauit.

Observatio decima octaua gemellorum partum p. 77
describit, quorum alter modo naturali prodiit, alter autem, cuius caput pelui infixum laboriosum reddidit partum, operatoris auxilio extractus est. Antequam Cl. Auctor accessit, chirurgus quidam uncino caput expellere tentauit, nihil vero praeter bina bregmatis ossa soluit, matre interim instrumento hoc laesa. Noster posthac adueniens, perforatoriique necessitatem cognoscens, hoc statim applicuit, eo

caput extenuauit, foetumque dein extraxit. Mater, uteri gangraena correpta, paulo post periit. Signa igitur gangraenae Noster exhibens, de hisce bene ad discendis tirones monet, hosque matris in primis quiete, integram valetudinem mentiente, persaepe falli, ostendit.

p. 80. Obseruatio decima nona partus ob faciem, alterutrum os ischii respicientem, humerorumque alterum ossibus pubis inhaerentem, laboriosi meminit. Cum miseram feminam imperita obstetrix male tractauerit, atque chirurgus posthaec accersitus illam uncino laeserit, Noster ideo de miseris illis atque violenter illatis parturientium afflictionibus iustas querelas instituere commotus est. Dicit nimirum, admonitiones illas ad nifus edendos, operosas et molestas, praeter necessitatem, obstetricum manus, violentas secundinarum ereptiones, porro crudelem uncini applicationem, spiritusque vini et aliorum ab usum imprudentem tot matres immolare, quae aliter tractatae seruari omnino potuissent.

p. 85. Vltima tandem obseruatio feminam ex gangraena uteri, a partu gemellorum violento, mortuam commemorat. Accersitus Noster ob mortem iam instantem ab operatione abstinens, monet hic, manus non adinouendas esse, si inter operandum mors metuatur, operationes tamen ipsi famae anteponere mauult. Atque cum ingenuus huius viri candor atque dexteritas ubique ex his obseruationibus, quorum continuationem auide expectamus, elucescant, ipsissimis verbis, humanitatem eius praedicantibus, nostram recensionem finire malumus. *Praestat, ait, utique sexcentas operationes, ut unica mater seruetur, facere, quam soli suae famae consulendo, dubias operas reiicere. Ancipiti tamen tristisque prognosi utique famam suam munire in ancipiti casu operatori licet.*

VIII.

IOANNIS PETRI NORDMANN, Moeno-
Francofurtensis, Dissert. inaug. med. de
ischuria grauidarum. Argent. 1758. 4. pl. 4¹/₂.

De grauiissimo grauidarum symptomate, ischuria,
auctor Cl. Auctor, atque causas huius mali ex-
plicaturus, primo non nulla de vesicae urinariae fa-
brica, de formatione et gestatione foetus, de uteri
habitu et structura ex principiis anatomicis et physio-
logicis praestruit, quae cum satis nota sint, lubenter
praetermittimus. Velox embryonis in utero incre-
mentum in scholio ad paragraphum nonum observa-
tione quadam Cl. FRIEDII comprobare annitur, p. 7.
qui ex utero feminae cuiusdam, quae ante tres heb-
domadas abortierat, graui haemorrhagia accedente,
neque tamen prohibitum rei venereae exercitium in-
termiserat, eadem vero iterum uteri haemorrhagia
laborantis, massam quandam carnosam extraxerit, mul-
tis vasculis adhaerentibus, ceu suae cum utero cohae-
sionis vestigiis, praeditam, quae dissecta ouulum
ostenderit, quod intus nebulosum quoddam corpus,
in quo omnes foetus partes, praesertim oculi, tan-
quam duo puncta nigricantia, et hepar per abdomen
pellucidum discerni potuerint, in se continuisset.
Vbi vero propius ad ischuriam grauidarum confide-
randam accedit, praeter consuetam illius causam,
compressionem nempe ab utero turgido, tanquam
minus consuetas ex Cl. FRIEDII et KVLMI obser-
uationibus, prolapsum uteri verum, atque herniam
vesicae urinariae adducit. Postquam de diagnosi et
prognosi huius mali varia differuit, ad auxilia tan-
dem peruenit, optimumque, praeter decubitus
supinum reclinatumue, in catheteris applicatione,
usque ad partum imminens frequentius continu-
anda ponit, varias cautelas circa hoc negotium obser-

- uandas addit, atque omnia fere remedia interna, in primis diuretica, utpote, quae causam morbi non tollant, non sine ratione reiicit. In ischuria a prolapsu uteri praeter catheteris usum ante omnia de utero reponendo cogitandum esse arbitratur; atque in
- p. 27. ischuria, ab hernia vesicae urinariae orta, necessarium esse putat, ut primo tentetur, an tumor digitis sensim paullatimque reprimi queat; sin minus, opus esse, ut vel cathetere per vices grauidae succurratur, vel si incarcerata sit hernia, sectio instituatur, atque in his etiam circumstantiis catheteris applicatio non
- p. 30. negligatur. Sub finem dissertationis, de illis ischuriae speciebus, quae grauiditatis termino ad finem properante, et partu quodam praeternaturali imminente, aliquando foemellas afficere solent, pauca proponit.

IX.

Dissert. inaug. med. de viribus vitri antimonii cerati ad rationes suas reuocatis; Praeside D. ANDREA ELIA BÜCHNERO, Resp. Auctore Io. Frid. Arnoldo Müller. Hal. 1757. 4. pl. 4.

- Cum Cl. huius dissertationis Auctor animaduertisset, neminem huc usque ita in vitrum antimonii ceratum inquisuisse, ut appareat, quid potissimum sit, cui tantas in illo remedio vires adscribere debeamus, laudabili consilio apud se constituit, genuinas huius remedii vires ex singularum, quibus constat, partium natura ac indole eruere. Vt vero nihil eorum omisisse videatur, quae ad remedii huius explorationem pertinent, primo historiam illius enarrat, atque ex Ephemeridibus naturae curiosorum *
- p. 8. docet, quod et ad dysenteriam et alios quosdam morbos

* Integra historia legitur in Ephem. Acad. Nat. Cur. Dec. III. Ann. III. Obs. 51. p. 58.

bos curandas, superiori iamiam saeculo ipsum anti-
 monii vitrum fuerit usurpatum. Deinde methodum p. 11.
 illud parandi docet, neque varias enchireses in illius
 praeparatione utiles negligit. Quo autem sententiam
 suam eo luculentius commonstrare queat, omnem
 nimirum vim agendique potentiam antimoniale hoc
 remedium a vitrescibili sua parte, acido inflammabili-
 que vegetabili cerae quodam modo temperata ac in-
 uoluta, accipere, ante omnia docet, quid sit antimo- p. 14.
 nii vitrum, illudque partem mere regulinam, ter-
 ream vitrescibilem, omni sulphurea acidaque portio-
 ne penitus liberatam esse contendit, eamque arsenica-
 li quodam principio impraegnata esse variis argu-
 mentis comprobat, ex diuersis vitrescibilis huius an-
 timonialis portionis erga acida mineralia relationibus
 concludit, vitrescibili non solum cum arsenicali in-
 quinamento commixto deberi, quod drastica violen-
 taque quadam vi polleant non nulla remedia ex an-
 timonio parata, sed illam quoque, si omnis substan-
 tia inflammabilis ex antimonio ablata fuerit, ab aci-
 do vitriolico et nitroso figi, eiusque vim infringi ac
 temperari posse. His demonstratis ad ceram progre- p. 20.
 ditur, atque ab hac, veluti ex inflammabili acidoque
 principio, quod ad nitrosum proxime accedat, plu-
 rimum participante, talem correctionem ac virium
 drasticarum mitigationem fieri posse arbitratur. Ge-
 nerales autem huius remedii virtutes a leni stimulo p. 22.
 ac solidorum vellicatione deriuari posse autumat No-
 ster; quod cum in primis potissimum viis contingat,
 lenem emeticam ac purgantem vim in eo praecipuas
 esse asserit, diaphoreticam tamen, et rarius diureti-
 cam ipsi non plane posse denegari. Speciales vero, p. 26.
 quas in dysenteria, diarrhoea, colica, variis uterinis
 euacuationibus mitigandis, maniacis ac epilepticis, ac
 denique varii generis febribus possidere compertum
 est, ex non nullorum recentiorum Anglorum scri-
 ptis recenset, atque exemplum viri cuiusdam in me-

p. 30. dia aetate constituti, et catarrho suffocatio affecti, ex medici cuiusdam sibi noti obseruatione commemorat, in quo quinque huius remedii grana hunc affectum lethalem non tantum sustulerunt, sed et quater repetita nouas illius accessiones praeuerterunt, omnibus aliis medicamentis frustra adhibitis. Eandem utilitatem et in peste spondet Noster, cum iam a solius vitri antimonii, nulla cera correcti, usu laudabiles effectus viderint non nulli medici: e. g. FREYTAGIUS et KERNERVS. Sub finem methodum hanc medicinam adhibendi, variasque cautelas circa usum illius obseruandas docet.

X.

DOMINICI VANDELII, Phil. ac Medici, Dissertationes tres. De Aponi thermis: de nonnullis insectis terrestribus, et Zoophytis marinis; et de vermium terrae reproductione, atque taenia canis. Patauii 1758, ex typographia Io. Baptistae Konzatti. 8. pl. 12. et tabb. aen. 5.

p. 1. Tres, diuersae tamen materiae, dissertationes in hoc continentur libello. Harum *prima* inscribitur: *Obseruationes variae de Aponi, montis Orthoni, montis Grotti et S. Petri thermis*; et in quinque diuiditur capita. *Primum* agit de Aponi loco. Aponi thermae prosiliunt in agro Aponitano, qui quinque fere passuum milliaria Patauio distat. Ex summitate collis tophacea cum impetu erumpunt, et una cum fumosis vaporibus per viciniam odorem spargunt sulphureum. Has aquas Cl. Auctor *feruentes* nominat, respectu scaturiginis vicinae, quae tepidam tantum emittit aquam. Gradum caloris horum fontium emensus quidem est thermometro, sed arbitrario in 80 gradus

gradus diuiso, quare hos cum aliarum thermarum gradibus comparare non possumus. Ascendit autem mercurius in *feruentibus* ad 53 gradus, quum in *tepidā* aqua ad 26 gradus tantum peruenit. In causam caloris thermarum inquirere non audet, quum *explicitis hypotheseibus* egeat, obiter tamen monet, non a fermentatione contrariorum salium et mineralium, sed ab ignibus subterraneis calefieri. Quum multa huc et illuc hiant foramina, per quae una cum aqua calidissimi vapores exhalant, exstructum est laconicum, seu balneum vaporis, in quod aegri, lue venerea praesertim adfecti, intrant, in quo vero ultra 10, ad summum 16 temporis minuta non commorari possunt ob vehementem calorem. Occasione horum vaporum de construendo laconico sicco, ut illud super Baias, cogitauit, quod nobis non impossibile visum fuit. Quando autem putat, ibi etiam exstrui p. 11. posse hibernacula, pro asseruandis plantis exoticis, ubi melius seruantur, quam in hypocaustis artefactis, merito de eo dubitamus, quia, nisi nos omnia fallunt, vapores calidi, quum simul sint humidi, plantas citius perire facerent. Caput secundum de p. 12. contentis aquarum feruentium Aponi disserit. In ea est opinione Cl. Auctor, aquas medicatas in sua origine mineralibus carere, solumque illis imbui, dum per fodinarum strata transeunt, ibique forsan etiam calorem accipere. Praecipuae partes, quas thermae nostrae continent, sunt *argillosoe* et *tophaceae*, has prope scaturigines deponunt. Quae autem de *herbaceo viridi* profert *sedamine*, quod ex herbarum arborumque particulis, in itinere sub terra abrasis, constare affirmat, intelligere plane, ut verum fateamur, non valemus. Rei enim natura nos cogit indolem *herbaceam* et colorem viridem sub terra destructum nobis concipere. Aut fallimur, aut Cl. Auctor confundit herbaceum hoc sedimen, cum viridescente illa materia, quae tophos omnium thermarum, quas quidem

- nos nouimus, tegit, et ad conferuarum et tremellarum species, de quibus capite sequenti agit, pertinet.
- p. 15. Tophorum duas species describit, *spumofum* et *vermiculatum*, quem ultimum etiam depingi curauit. Hos ex particulis *tartareis*, quae aliis scriptoribus *calcareae* audiunt, et *lapideis* concrefcere, et ope caloris in tophum commutari autumat. Nos potius defectu caloris tophum formari credimus. Ope enim caloris, si recte quidem iudicamus, particulae tophaceae soluuntur, et solutae in terrae cryptis tenentur. Simul ac autem hae aquae prorumpunt, et aeri liber accessus conceditur, calor aquarum necessario decrefcit, et particulae terreae se praecipitant atque coeunt, seu formatur tophus. Alterum harum aquarum contentum, secundum Cl. Auctorem, est materia *calcareo lapidea*, quae, uti nobis quidem videtur, cum praecedenti conuenit. Obducit haec paucis diebus omnia his aquis imposita, e. g. stamina, ligna, arborum folia, ouorum testas crusta tophacea, seu lapidea, qua in re hae thermae multum similitudinis cum thermis Carolinis, in Bohemia scatentibus, habent. Deponunt nostrae thermae Aponitanae etiam purissimum sulphur, quod, uti Cl. Auctor ait, *a nullis unquam fide dignis, qui de his aquis scripserunt, inuentum est*. Hoc eo magis mirum nobis visum fuit, quo certius Cl. Auctor affirmat, se *plus quam libram unam sulphuris in duorum pedum spatio* reperisse, quod canalium lateribus, ad instar florum, eodem, sine dubio, modo, ac in thermis Aquisgranensibus, adhaesit. Praeter sulphur in eodem canali inuenit Cl. Auctor quoque ferrum purissimum, quod a magnete in experimentis statim adtrahitur. Ad hoc detexit in terra subuiridi, quam aquae in canali deponunt, partes metallicas, quas cum borace veneto et nitro fudit, et purissimum pariter ferrum inde accepit.
- p. 26. Mentionem quoque facit salis, quem aquae super faxis reponunt. Hic sal hoc peculiare habet, quod
tantum

tantum mane, antequam sol oriatur, colligi possit, post meridiem autem a solis calore solvatur, et nihil aliud supra saxa remaneat, nisi albissima terra. Nobis in mentem venit, an non hic sal, quod naturam et speciem eius attinet, simillimus sit sali mirabili GLAUBERI, qui tam diu, quoad satis humiditatis habet, formam crystallorum retinet, sed dissipato, a solis vel aeris calore, humido, in terram albissimam dilabitur, quae tamen salis naturam ideo non perdit, sed addito sufficienti humido, lege artis in priores crystallos denuo conuertitur. Hoc nobis eo magis probabile videtur, quo sales thermarum plus ad naturam salis mirabilis vergunt. Refert nunc Cl. p. 31.

Auctor quantitates et proportiones materiae illius residuae terreo - salinae, quam ex *Aponi* aquis, tam *feruidis*, quam *tepidis*, ex aquis *montis Orthoni*, et denique ex aquis *virginis* eiusdem montis, quos non solum sole lente, sed etiam igne citius exhalare fecit, acquisiuit. Sale posthaec a terra arte separato, concludit, hanc ad terras calcareas et gypseas pertinere, illum autem verum salem neutrum esse, qui, propter coniunctum sulphur et nitrum, quod ultimum tamen in prioribus non probauit, non multum distaret a natura *salis polychrestii*. Si autem nostram sententiam adicere debemus, persuasi sumus, hunc salem similiter ac priorem, ad naturam salium thermarum, quibus cum, ut modo monuimus, sal mirabilis perfecte conuenit, accedere: id quod ex experientia tertia, mutatione scilicet solutionis mercurii viui, et ex experientia sexta, materiae nempe luteae, ex solutione argenti viui, ope aquae fortis facta, praecipitatae, suspicamur. Interim a vero parum vel nihil aberrat Cl. Auctor, quando, ad speciem salis non attendendo, in fine capitis secundi in genere dicit: *aquae thermales Aponitanae continent salem, sulphur, ferrum, aliquid gypsi et terram calcaream*, Caput ter- p. 35.
tium memorat herbas, quae in aquis calidis et feruentibus

tibus viuunt. Quem ad modum lacus, stagna, riui, fluuii, et maria suas habent plantas, quae in iis crescunt, florent et vigent: sic thermae peculiares et specificas habent, quae in calidis tantum aquis virent. Conferuarum generi eas adnumerauit, celeberrimum secutus LINNAEVM, qui conferuas sub cryptogamiis Classe XXIV comprehendit. Obseruauit autem quinque conferuarum species. Prima est, *Conferua Aponitana folio triquetro, fere algae marinae simili*: altera, *Conferua ramosa Aponitana in fibra longissima capillari vesiculis donata*: tertia, *Conferua ramosa alba St. Petri*: quarta, *Conferua capillacea simplex montis Grotti*: et quinta, *Conferua capillacea ramosa montis Grotti ab herbacea membrana oriens*. Has omnes satis nitidis exprimit iconibus. Reperit quoque in cauitatibus saxorum, per quas aqua feruens excurrit, *Tremellae* speciem. Hanc cum ea, quam Cl. SPRINGSFELD in thermis Carolinis obseruauit, et in *Commentariis Berolinensibus* * descripsit, comparat: diuersam tamen ab illa, quum hanc ipsi vidimus, esse iudicamus. Adiicit tandem Cl. Auctor quasdam plantas sponte circa thermas Aponitanas nascentes, quas vero, quum non nouae sint, p. 49. praetermittimus. Caput quartum animalia refert *aquarum thermalium*. Sunt autem haec parua *buccina*, paruae *cantharides*, et quaedam *squillarum* species, p. 61. quae omnia depingi curauit. Caput quintum pauca habet de *admirabili Aponi et montis Orthoni thermalium virtute*. Adhibentur eae externe et interne. Interne sumtae aluum blande saepe ducunt, aquae vero montis *Orthoni* urinam praesertim copiose mouent, et perspirationem augent. Gaudent in primis eximia virtute resoluendi et aperiendi, quare crassos et viscidos humores hisce attenuatos; flatus hypochondria-

* *Histoire de l'Academie Royale des Sciences, année 1752. à Berlin, p. 104. et Comment. nostr. Vol. III. P. IV. p. 688.*

chondriacos et hystericos hisce mitigatos atque correctos; viscerum obstructions et infarctus hisce solutos recenset Cl. Auctor. Laudat praeter ea harum thermarum facultatem tonum roborandi, et solida laxata firmandi. Balnea externe usurpata medentur praesertim morbis cutaneis et tumoribus oedematosis frigidis. Lutum thermarum simul adhibitum curat dolores arthriticos, et morborum resolutiones. Memoratu autem dignum est hydrocephalon infantis hisce balneis sanatum. In fine huius dissertationis prima adhuc addit Cl. Auctor D. IOSEPH. BERTOS-
SIVM de *Aponi* thermis proxime esse plura scripturum.

Sequitur nunc dissertatio *secunda* de quibusdamp. 67. infectis, balano et zoophytis marinis, quae sex diversis capitibus absolvitur. Horum *primum* probat, quod *scorpionum filioli non semper a matre occiduntur*, sicut multi eruditi, et nuper Ill. MAVPERTVIS perhibuere, sed sub terra a matris voracitate se defendunt. *Secundum* caput, quod de *subtilissimis equorum* p. 71. *vermibus* inscribitur, docet, in equis extra intestina in abdominis cavitate, praesertim prope hepar, reperiri vermiculos albos, subtilissimos et teretes, qui abdomen libere perreptant. Equorum laniones fidem fecerunt Cl. Auctori in omnibus equis eius modi vermiculos, minori aut maiori tantum quantitate, inueniri, quod Cl. Auctor eo magis miratur, quia neque Cll. RHEDIUS, neque CAROLVS RVINVS, qui de industria de equorum morbis scripsit, horum vermiculorum mentionem fecerunt: licet Cl. BERNARDINVS GALLEGARIUS in falconibus, et Cl. WELSCHIVS in alaudis istius speciei vermiculos observauerint. Vt igitur eo facilius in posterum ab observatoribus cognoscerentur, eorum iconem adiecit. Sequentia capita de marinis, et caput in primis *ter-* p. 77. *tium* de *balanis Venetiarum*, *quartum* de *uua marina*, *quintum* de *cucumere marino*, et *sextum* de *mentula ma-*
rina

rina litoris maris Adriatici agit. Horum structuram examinat Cl. Auctor, eorumque figuras exhibet.

- p. 98. Opusculum claudit dissertatio *tertia*, de *vermium seu lumbricorum terrae reproductione* controuersiam mouens. Quatuor haec comprehendit capita. *Primum* narrat historiam, quae Cl. Auctori occasionem dedit has instituendi experientias. Non nulli rerum naturalium scrutatores, praesertim Ill. REAUMUR adseuerarunt, vermes terrenos in multas partes dissectos, aliquorum mensium spatio unamquamque eorundem partem restitui, perfectumque vermem denuo fieri, procreando sibi omnes illas partes, quas in sectione lumbrici pars amiserat, eadem ratione, qua illud in quibusdam insectis aquaticis accidit, et a Cl. TREMBLEY, polyporum exemplis probatum est. Ast perpendens Cl. Auctor lumbricorum structuram minime, ut polyporum, plantarum structuram aemulari: potius lumbricos structura gaudere mechanica, aliorum animalium non adeo absimili, de assertae rei veritate dubitare coepit, ipseque per-
- p. 105. cula fecit. Inuenit autem illam partem solum modo, quae os, oesophagum, ventriculum, intestini et mesenterii principium, cerebrum, cor et ouaria retinebat, incrementum paulatim capere, amissasque partes rursus producere, adeoque integrum lumbricum euadere; eodem modo, quo lacertae caudas, cancri deperditas chelas, cerui quotannis cornua, sepia suos articulos amissos cet. recuperant. Si vero dissectio ita facta erat, ut cerebrum, cor, aut ventriculus laederentur, illae partes abscissae, quia organis vitae et nutritionis carebant, perierunt: ut igitur superiori opinioni non, nisi multum limitatis
- p. 110. sub conditionibus, adsentendum sit. Ad omnia autem melius capienda *secundum caput anatomiam lumbricorum terrestrium* exponit, primariasque partes figuris illustrat. Quum vero dicta sine adiectis figuris

ris intelligi nequeant, ad librum ipsum lectores ablegamus. Caput *tertium experimenta* ipsa recenset, p. 132. nosque docet, quanta cautione, quibusque sub circumstantiis facta sint, ubi Cl. Auctor simul affirmat, se p. 147. similia experimenta in aliis terrae insectis, v. c. tere-dine terrestri, scolopendria, millepedibus et cochlea nuda instituisse, et semper reperisse huius modi insecta, eorumque partes abscissas paucis diebus perisse. Quartum et ultimum caput continet observatio- p. 148. nem de *taenia canis*, quam Cl. Auctor, dum viuum canem alius experimenti causa publice, in praesentia non nullorum sociorum, dissecabat, in ieiuno intestino reperit, viuumque extraxit. Vermicularem suum motum per duo horae minuta continuavit, sed breui tempore post obiit. Examinauit deinde Cl. Auctor, num composita sit ex pluribus cucurbitinis, ut multi putarunt. Sed omnia internodia ita harmonice erant disposita, firmiterque inter se connexa, ut nullum relinquerent dubium, hanc taeniam unum atque continuum esse vermem. Magis autem illum, praeter sectionem anatomicam, conuicit extensio cum specillo crassiori immisso facta, et iniectio cera-ceae materiae coloratae ultra annulos, absque eorum disruptione, propulsae. Ex quibus simul sumtis, una cum Sociis praesentibus, concludit, *taeniam non ex aliis vermibus constare, sed esse ex se verum atque unicum vermem.*



XI.

Saggi di Medicina degli Accademici Conghiet-
tुरanti di Modena Tomo primo in Carpi,
nella stampa del Publ. per Francesco Torri.
1756. 4to. pl. II.

i. c.

Tentamina medica Academicorum Modenen-
sium coniecturas facientium Tom. I.

Licet in speciminibus ab hac academia propositis nondum inueniamus dissertationes, quae nouis inuentis placeant, tamen cum res paruae saepius crescant et futura commoda promittant, initia eius breuiter indicare conuenit. Iuniores Medici Collegii Modenensis in societatem quandam coiuerunt, in qua noua inuenta in medicina facta disquirerent, ipsique dissertationes varias medici argumenti elaborarent. Mense aprili anni huius seculi quinquagesimi primi Serenissimus Princeps FRANCISCVS III Dux Modenensis, academiam hanc medicorum sua auctoritate stabiliiuit; Socii itaque in conuentibus suis intra anni spatium duodecim dissertationes praelegunt, ex quibus quatuor prelo dignae iudicantur. Praeses huius academiae electus erat Cl. MORANDO MORANDO Medicus principis haereditarii Modenensis, qui vero eo ipso anno, quo tentaminum horum primum volumen editum fuit, morte praematura ereptus, societati eum non reddere potuit splendorem, quem ab eius cura expectabant. Praefationis loco sermo additur, quem in consessu publico primo recitauit Cl. MORANDO, in quo tamen, utpote breuissimo, non nisi generalis exhortatio ad labores acriter suscipiendos continetur.

P. 7.

Diff. I. D. IOSEPHI RAMAZZINI, Medici aggregati, et primi Censoris Sodalium coniecturas facientium, an gutta serena siue amaurosis dependeat a para-

paralysi partium organi visus principalium, disquirat.
 Est vero *gutta serena*, ex mente Auctoris, *affectio praeternaturalis*, quae oculum laedit, *immediata potissimum ac principalia instrumenta visus afficiens*; unde *visio prorsus aboletur, licet extime in aegrorum bulbo nil morbofi animaduertatur.* Sedem huius mali sistunt partes principales visionis, siue nervus opticus, in plures ramificationes distinctus: cuius enim ab obstructione et laxitate suam illud trahit originem. Quum autem paralysis nervi optici a plerisque nostri aevi medicis statuatur princeps causa amauroseos, Cl. Auctor hanc sibi multis rationibus infringendam re-
 p. 11.
futandamque sumit sententiam, quae vero nobis obscurae satis et mancae visae sunt. *Subtiliori enim magisterio* adserit Noster formatum esse nervum opticum, quam alii nervi, ideo, ut fibrarum eius parallelismum haud aequae, ac alios nervos, laceßere possit multiplex morborum agmen; neque etiam addit idem observari in nervo optico resolutionem ullam, neque ariduram. Quibus praemissis, veras
 p. 16.
 morbi istius causas in primis quatuor idem fuso sermone comprobare annititur: nimirum 1) retinae inflammationem vel humorum in filamentis eius concretionem; 2) nervi optici, a thalamis ad bulbum usque progressi, compressionem vel corruptionem; 3) cerebri medullam lue gallica affectorum simul, cum periosteo basis cranii vel ossis cuneiformis, supuratione vitiata; 4) tetras denique et caliginosas exhalationes, e sanguine vel lymphatico humore in ipso cortice cerebri extra vasa effuso, fines nervorum comprimente, eleuatas, luminis organum obtenebrantes. Quae quidem causae propositae quonam fundamento nitantur, iam non diiudicamus, certe Auctoris mentem ob impurum obscurumque dicendi genus, quo usus est, non ubique capientes.

Diff. 2. Secretarium Academiae Cl. WOLFGANG p. 30.

ANNIBAL LEPORATI, Med. Doct. et societatis

Tom. VII. Pars I.

E

bota-

botanicae florentinae socium, Auctorem habet et lingua italica conscripta est. Quaestionem mouet: *an potus Coffee, qui inter alios effectus mensirua et haemorrhagias periodicas excitat, feminis grauidis periculum inferat?* Varia itaque generalia de nomine et virtutibus, nec non de examine chemico fructus Coffee, ex diuersis auctoribus collecta praemittuntur, et inde speciatim colligitur, hoc potus genus ventriculo haustum, aromaticis et volatilibus oleosis particulis in sanguinem abire, et dum minima corporis vasa penetrat, motus oscillatorios in fibris minimis excitare, ideoque etiam ad uterum peruenire, et in eius arterias violentius impelli, per venas vero valvulis destitutas, nulloque motu musculari adiutas, celeriter recurrere non posse, sed stagnando vasa distendere et non raro perumpere. Ex quibus omnibus, citatis simul praestantissimorum scriptorum testimoniis, incommoda, quae grauidis a potu Coffee superuenire possint, recenset, eiusque usum damnat.

P. 43. *Diff. 3. D. ANTONIVS MORANDI, Modenensis, Academicus coniecturas facientium, cognitionem anatomicam multum conferre medico, sed eadem medicum non conflare, usu potius, continua aegrotantium inspectione, rerumque naturalium cognitione ipsum fieri, copiosius comprobare studuit.*

P. 72. *Diff. 4. De utilitate sanguinis missionis in pede in pectoris morbis inflammatoriis disserit IOSEPHVS PAVARELLI, Med. Doct. In pectoris inflammationibus venam cubiti secandam esse asserit HIPPOCRATES et alii artis doctores eum hac in re sequuti sunt, cum autem non nulli venae sectionem in pede prospero cum successu instituerint, et Cl. Auctor ad suam quoque prouocet experientiam, hanc argumentis adductis commendare intendit. Praemissa itaque differentia venae sectionis euacuatoriae, deriuatoriae et reuulsoriae, euacuatoriam in brachio et in latere quidem affecto fieri debere ipse concedit, reuulsoriam autem*

autem in pede praestandam esse porro asserit. Ad locum HIPPOCRATIS prouocat, quo quam longissime a loco affecto secandam esse venam urget, et licet PROSPER MARTIANVS hanc venae sectionem praeseruatoriam esse dicat, tamen Noster de reuulsoria intelligendum esse contendit. Postquam itaque de deriuatoria quaedam proposuit, ostendit quoque sanguinem non cum tanto impetu per aortae ramos ascendentes ferri posse, ubi euacuatione in venis pedis facta celerius in eius arterias fertur, tandemque ad experientiam prouocat, qua apparet venae sectionem in pede fluxum menstruum accelerare, et sanguifugas, haemorrhoidibus tumentibus applicatas, dolores capitis sedare.



XII.

Essays and Observations, physical and literary, read before a Society in Edinburgh, and published by them. Volume II. Edimburgh; printed by G. Hamilton and I. Balfour, 1756. 8 mai. pagin. 436. tab. aen. 7.*

h. e.

Tentamina et obseruationes medici et litterarii argumenti, coram Societate Edimburgensi praelectae atque ab eadem in lucem editae. Vol. II.

Indicauimus alio tempore ** Volumen primum tentaminum et obseruationum, quas edidit praeclara medicorum Edinburgensium societas, atque lubentes iam continuatos in Volumine secundo eorum labores egregios exponere nostris lectoribus adgredimur.

p. I. 1) *Descriptionem nouae* plantae dedit D. ALEXANDER GARDEN, medicus Charlestonensis, qui eam, haud procul ab Eboraco nouo Nouae Angliae inuentam, primo intuitu putauit esse Hypericum, sed examinando accuratius omnino diuersam ab Hyperico deprehendit: Id, quod etiam Cl. COLDEN, femina rei herbariae deditissima, cui eandem ad examinandum miserat Cl. GARDEN, et qua etiam hanc et descripsit et nomine GARDENIAE insigniuit, sua sententia confirmauit. Duplex autem hic legitur
plantae

* Prodiit iamiam anno 1757. Altenburgi germanica versio huius secundi voluminis, cuius priores sex articulos Cl. KAESTNER, reliquos omnes vero Zuickauiensium olim, nunc Ptochodochii Waldheimensis Medicus Ordinarius. Lic. IOANNES ERNESTVS GREDING transtulit.

** vid. Comment. nostr. Vol. V. P. I. p. 54 sqq.

plantae istius descriptio; una, quam Cl. GARDEN, altera quam Cl. COLDEN exhibuit. Ex utraque praecipua momenta descriptionis huc transferamus: Radix est perpendicularis, simplex, mollis, in plures diuisa fibras: caulis simplex fruticosus, teres, rectus glaber, ex alis foliorum ramosus: folia simplicia, sessilia ex opposito alterna, integerrima, ouata, aurita, superne viridia, inferne glauca, punctis lucidis hyperici foliorum instar perforata: pedunculus nunc alaris, nunc filiformis terminatrix: calyx pentaphyllus, foliolis linearibus, lanceolaris acutis: corolla pentapetala pallide rubra, bracteis lanceolatis: Stamina; Filamenta nouem filiformia, basi in tria corpora coalita, inter quae tria nectaria stant obtusa, crassa; Antherae subrotundae, paruae luteae. Pistillum germen trigonum: styli tres reflexi teretes; stigma nullum. Pericarpium capsula oblonga, obtuse triquetra, trilocularis, triualuis: Semina plurima, parua, obtuse cylindrica, in duobus ordinibus filamentis adhaerentia receptaculo suo. Differt adeo *Gardenia* ab *Hyperico* in primis numero staminum et nectariis: haec enim desunt in *Hyperico*, et stamina plurima habet *Hypericum*, nouem vero *Gardenia*.

2) *Matricem* siue *ouarium Buccini ampullati* descri- p. 8. bit et delineat ROB. WHYT T, M. D. Societ. Reg. et Colleg. Reg. Medic. Sodalis et Prof. Medic. Edimburgens. Est vero longa satis congeries cellarum, e succo glutinoso, quem purpurae et buccina solent versus hyemem et vere primo excernere, conformatarum, in quibus latent recens natae purpurae, quarum tamen structura admiranda non potest intelligi facile sine iconibus.

3) *Fragmenta ossium aliquot vastae molis* depinxit p. 11. GEORGE CLERK. Scapula fuit, costa et fragmenta
E 3 costa-

costarum fractarum prope urbem Drumfries in terrae margaceae fodina effossa, breuique post reliqua ossa eiusdem animalis, sed destructa, et putantur fuisse alcis vel alius animalis, quod iam non amplius habitet in istis terris.

p. 12. 4) *Observationes de luce et coloribus* exhibet THOMAS MELVILL, M. A. qui decembri mense 1753. anno aetatis 27, magno scientiarum damno obiit. Displicuit Auctori, quod theoriae lucis et colorum nihil plane post NEWTONVM additum sit, nihil eorum, quae dubia vir summus reliquerat, propius ad certitudinem adductum. Igitur progredi ulterius in his disquisitionibus decreuit, et progressuum specimina egregia hic exhibuit. Illa nunc enumerare longum nimis esset, ut est ab instituto nostro alienum, igitur titulos sectionum saltem indicabimus, unde intelligant harum rerum studiosi, quantum ex scripti ipsius lectione proficere possint.

p. 18. Sectio I. *de mutua penetratione lucis*, unde summam raritatem aequae ac tenuitatem particularum lucis colligit. Sectio II. *quo modo corpora calefiant a luce*. Cum certum sit lucem in medio homogeneo nullas amplius mutationes pati, non nisi a superficie corporis ad interiora calor a luce natus propagatur, lumen vero ipsum corpori iam immissum, illud non amplius calefacit. Vnde Cl. BOERHAAVE in Elem. Chem. Art. de igne cor. 5. post Exper. 14. et cor. 1. 7. post Exper. 17. de vehementissimo igne in foco speculi caustici, dum focus ille cadit in liberum aërem, quaedam non satis vera protulit. Scilicet aer hic ipse a foco non calefit, eo indicio, quod plumula immediate supra focum suspensa, aut fumi tabaci flumen supra eum emissum, non agitentur, ut fieri deberet, si aer in foco calefieret, cum tunc expansus se esset et adscensus. Sectio III. *de guttulis pluviae in foliis brassicae aut aliarum plantarum, mercurii*

curii ad modum splendentibus. Ait Noster illas non contingere folia, sed vi quadam repellente ad exiguam a foliis distantiam in aere pendula sustineri. Sect. IV. *quo modo mutantur colores corporum, varia* P. 31. *luce collustratorum.* Colores principes, flauus, viridis, coeruleus, ad lucem spirituum ardentium perparum mutantur, varie vero, si spiritibus continuo fales iniiciuntur. Sale ammoniaco, cineribus clauellatis aut alumine infusis, rubicunda corpora sordida veluti apparent; viridis et coeruleus iidem fere, ac ad candelae lucem videntur, sed debiles et qui vix agnosci possint, albus et flauus vix mutantur. Nitro aut sale marino abunde spiritibus ardentibus immixtis, omnibusque violenter agitatatis, corpora splendide rubicunda ad hanc lucem visa, colore sordide fusco obducuntur, qualis est facierum, quas sol adusit, et in quo nihil rubri detegitur: viridis color in alium fuscum abit, qui a praecedente eo differt, quod ad liuidum olium inclinatur: nitro admixto adhuc residuum viridescens coloris cernitur, nisi maxima copia admisceatur: color saturate coeruleus a nigro vix distingui potest, immo nigro ipso profundius niger videtur: coeruleus minus saturus in fuscum parum saturum (*very light brown*) sui generis; albus ad liuidum subflauum vergit; flauus solus nihil mutatur, et valde splendet. Experimenta haec Noster cum p. 33. corporibus viuidis coloribus tinctis, textis sericeis et picturis fecit. Cuprum politum, quod ab aere colorem flammae nactum est, in eadem luce orichalci ad modum conspicitur, facies manusque spectatorum cadauera referunt. Sect. V. contra Cl. EVLE- p. 36. RI sententiam, opaca corpora non reflectere lucem acceptam, sed vim illis propriam ad vibrationes in materia lucis excitandas, a luce immissa velut procurari, monetur nihil esse in rerum natura, quod vim talem corporibus tribuere iubeat. Sect. VI. *de caus-* p. 40. *sis, cur radii diuersimode sint refrangibiles,* agit, quam

in diuersa radiorum velocitate rectius, quam in densi-
 p. 54. tate diuersa, poni ostendit. Sect. VII. quam parum
 p. 59. adhuc *inflexionem lucis* noscarnus, monstrat. Sect. VIII.
dubia, difficultates et coniecturas de luce, coloribus et
coloratis corporibus continet. Inter haec multa sunt,
 quae cum theoria colorum Newtoniana vix videntur
 conciliari posse. Id vero, ut Cl. Auctor existimat,
 non indicat theoriam esse falsam, sed illam non
 omnia, unde lucis phaenomena pendent, continere,
 futura physicorum industria detegenda.

p. 91. 5) *Anonymus* facilem methodum computandae pa-
 rallaxeos lunae edit.

p. 105. 6) Cl. KEPLERI Problema *de inuenienda anoma-*
lia eccentrici ex anomalia media soluit MATTH. STE-
 WART, Prof. Mathes. Edimb. Etsi plures proble-
 matis solutiones iam prostant, hanc tamen utilem ef-
 fe posse credit iis, qui in altiora matheseos non mul-
 tum penetrarunt.

p. 145. 7) *De frigore ab euaporatione fluidorum producto,*
nec non de aliis quibusdam frigus producendi auxiliis
 differit Cl. GVILIELMVS CVLLEN*. Mercurii
 descensus, in thermometro Fahrenheitiano, statim
 post eius extractionem ex spiritu vini, eiusdem cum
 ambiente aere caloris, vel parum frigidior, constan-
 ter obseruatus, similiumque Cl. DE MAIRAN expe-
 rimentorum recordatio, Nostrum induxerunt, ut ad
 indagandam huius phaenomeni causam varia alia ad-

p. 146. huc experimenta institueret. Repetita itaque hac
 cum spiritu vini facta obseruatione inuenit, mercu-
 rium per iteratas immersiones extractionesque ther-
 metri, eiusdemque, quamdiu humidum mane-
 bat, in aere libero celeres commotiones, vel aeris
 follium ope afflatum, a gradibus 44 infra frigoris
 gradum,

* d. 1 maii 1755.

gradum, et si alia quaedam fluida adhiberet, longe
 magis adhuc descendere. Adhibuit vero spiritum p. 149.
 salis ammoniaci cum calce viua factum, aetherem
 FROBENII, aetherem nitrosum, tincturam sulphu-
 ris volatilem, spiritum vini, spiritum salis ammoniaci
 cum alcali fixo paratum, spiritum frumenti, vinum,
 acetum, aquam, oleum terebinthinae, menthae et
 amomi. Et cum ordo, secundum quem *Cl. Auctor*
 haec fluida recensuit, proportionatam insimul fluidi
 cuiuslibet in producendo frigore virtutem indicet,
 qua, quodlibet priore loco nominatum, non solum
 proxime subsequens, sed et omnia reliqua antecellat;
 potentiam horum fluidorum in producendo frigore p. 150.
 proportionatam fere eorum gradui volatilitatis esse
 concludit, atque hinc quoque colligit, frigus produ-
 ctum euaporationis effectum, admodumque proba p. 151.
 bile esse, omnia fluida, miscelam aeris immediate
 non afficientia, euaporando frigus producere. Li-
 cet enim thermometer, acido quodam fossili hu-
 mectatum, considerabilem caloris gradum indicet,
 hunc tamen non ab ipso acido, sed ab aqua, quam
 acida haec ex aere attrahunt, huiusque cum acido
 miscela, oriri, ex eo quoque probari arbitratur, quia
 acidum vitrioli duplae aquae fontanae quantitati mix-
 tum, in thermometro, refrigerata hac miscela hu-
 mectato, maiorem sane, quam aqua sola, frigoris p. 152.
 gradum ipsi produxisse visum est. Antlia pneumati-
 ca vero ipsum docuit, frigus in ante memoratis ten-
 taminibus productum nequaquam effectum miscelae
 variorum horum fluidorum cum aere esse, cum po-
 tius constanter inuenerit, euaporationem spiritus vi p. 154.
 ni in vacuo maiorem adhuc frigoris gradum, quam
 in aere libero producere. Eadem quoque experi- p. 155.
 menta cum spiritu calcis viuae, cum sale ammoniaco
 parato, et utroque aethere sub antlia repetiit, atque
 mercurium eo tempore, quo aer exhauriebatur, ad-
 modum celeriter et profunde, et quidem semel a

- gradu 50 infra 20 descendisse inuenit. In alio cum aethere nitroso instituto experimento, cum aer externus 53 graduum esset, vas aetherem continens in aliud aqua plenum posuit. Recipiente vero exhausto, p. 156. vasisque per pauca minuta in vacuo relictis, maximam aquae partem congelatam, et vas aetherem continens, crassa firmaque glaciei crusta circumdatum reperiit; et hunc, tantum frigus producendi modum, antea non cognitum, ulteriori examine dignum esse iudicauit.
- p. 157. 8) *Experimenta cum magnesia alba, calce viua, et quibusdam aliis alcalinis substantiis* instituit Cl. IOSEPHVS BLACK.* Egregiam hanc disquisitionem Cl. Auctor in duas partes diuisit, in quarum prima in magnesia naturam inquisiturus, et speciatim eius proprietates cum aliarum absorbentium proprietatibus comparaturus, harum ad modum diuersa genera, licet sub uno plerumque nomine comprehensa, p. 184. detexit. In altera vero naturam calcis ita explicare tentauit, ut facili modo plurimarum huius substantiae proprietatum rationes redderet, omniaque experimentis saepius repetitis confirmaret. Ex defectu p. 161. vero aliarum magnesia specierum, illam, quae ex sale Epsomensi, secundum praeparationem, a Cl. p. 164. Auctore indicatam, obtinetur, adhibuit; et, medica eius virtute, purgandi nimirum facultate, disquisita, ostendit, quatenus salia neutra ex coniunctione magnesia cum quolibet vulgarium acidorum oriantur. p. 166. Ex quo porro differentiam suae ipsius magnesia ab illis duabus, Ill. FRID. HOFFMANNO cognitae, magnesia speciebus, nec non a terris calcariis, declarat, utpote, quae se non solum in coniunctione cum acido vitrioli, sed et cum acido nitri et vegetabili facile manifestaret. Inquisiturus postea, quatenus locum magnesia in Cl. GEOFFROY tabula electiuae

* d. 5 iunii 1755.

Etivae attractionis obtinere queat, inuenit, alcali volatile magnesia fortius attrahere acida, lenem vero calorem hanc attractionis excellentiam ita superare, ut alcali sensim eleuetur, et magnesia cum minus volatili acido relinquatur: Acidum terram calcariam P. 170. derelinquere, ut sese cum magnesia uniat: Paruam quoque magnesia quantitatē, solutioni mercurii sublimati corrosiui additam, statim mercurii partem in forma obscure rubri pulueris separare, ipsamque dissolui. Similitudinem igitur quandam inter magnesia et alcalium proprietates percipiens, Cl. Auctor experiri voluit, quamnam mutationem huic substantiae addita calx viua induceret, atque inuenit, magnesia calcem ex aqua calcis viuae separare, aquamque calcis insipidam puramque reddere; cum calce viua P. 172. paruaque aquae quantitate bene tritam, calcem viuam leniorem reddere. Magnesia postea in calcem viuam reducturus, illam per horam calcinauit, ita, ut $\frac{7}{12}$ de pondere suo amitteret, quo facto, antecedentia experimenta repetens inuenit, hanc magnesia ab acidis absque ullo efferuescentiae gradu dissolui, mercurium sublimatum corrosiuum in forma nigri pulueris praecipitare, separare alcali volatile ab acido in sale ammoniaco, neutiquam vero acidum quoddam a terra quadam calcaria, nec aquae calcis viuae minimam inducere mutationem. Volatilem P. 174. vero istam partem, quam magnesia in igne de pondere suo amittit, quoad maximam partem aerem esse per experimenta cognouit, id, quod ex eo etiam apparuit, quod calcinata magnesia in sufficienti P. 176. quantitate spiritus vitrioli dissoluta, et hinc, addito alcali, separata, non solum proprietates ante calcinationem praesentes, sed et pondus amissum fere totum recuperaret, et praeter ea quoque cum acidis rursus efferuesceret, quum contra alcali ad separandam magnesia additum, cum acido sese absque ulla P. 177. efferuescentia iungeret, manifesto indicio, aerem in
alcali

- alkali praesentem ex hoc in magnesiā rursus transiisse. Addidit dein experimenta quaedam, ex quibus cognosceret, quaenam aeris quantitas ex alcali quodam seu ex magnesia per acida expellatur, et hac de-
- p. 187. terminata, inter alia quoque ostendit, Cl. HOMBERGII aestimationem salis solidi, in acido quodam contenti, per admixtionem alcalium inuestigatam, ideo haud satis accuratam esse, quia alcali additum aequae de pondere suo quidpiam amittere, ac nouum pondus ex acidis acquirere debeat. Trium denique absorbentium terrarum, cretae nimirum, terrae ex ossibus animalium paratae, et terrae aluminosae proprietates quasdam per experimenta elicere annisus est.
- p. 184. In parte vero secunda explicationem naturae calcis Cl. Auctori dedit, quae facili modo plurimarum proprietatum huius substantiae rationes redderet. Cum enim satis certum ipsi videretur, terras calcarias in statu natiuo, nec non alcalia et magnesiā in statu suo ordinario, largam fixi aeris quantitatem
- p. 185. continere, qui ipsis tanta vi adhaereat, ut vehemens ignis necessario requiratur ad illum a magnesia separandum, vehementissimusque non sufficiat ad illum prorsus ab alcalicis fixis expellendum; hinc conclusit, relationes, inter fixum aerem alcalicasque substantias, similitudinem quandam habere, cum relatione, inter has et acida, ita, ut, quem ad modum terrae calcariae et alcalia, acida fortiter attrahunt, cum iisdemque saturari possunt, sic quoque illae fixum aerem attrahant, et in statu suo ordinario cum illo saturatae sint, qui aer vero tunc, si acidum cum alcali quodam seu cum terra quadam absorbente misceatur, ideo rursus liberetur et cum violentia erumpat, quia alcalinum corpus aerem debilius quam acida attrahat, et quia acidum et aer simul eidem corpori eodem tempore iungi nequeant. Sibi ipsi itaque persuasit, terras calcarias, quando actioni ignis violenti exponantur,

tur, atque hac ratione in calcem viuam conuertantur, nullam aliam mutationem in compositione sua subire, quam quod paruam aquae quantitatem et fixum aerem suum perdant: acrimoniam vero, quap. 186. post hunc processum gaudeant, non ab addita quadam atque in igne recepta materia dependere, sed essentialem quandam purioris terrae proprietatem esse videri, dependentem ab attractione quadam diuersarum harum substantiarum, quas tunc corrodere seu dissoluere capax est, quaeque attractio, ut ipsi videtur, tamdiu insensibilis fuit, quamdiu aer terrae adhaesit, seque post separationem demum manifestauit. Id, quod ex compositione aliorum corporum, et praecipue salium neutrorum ante et post compositionem ex alcali et acido illustrare conatur. Secunp. 188. dum hanc igitur theoriam relatio terrae calcariae ad aerem et aquam ipsi conuenire videtur cum relatione eiusdem terrae ad acidum vitriolicum et vegetabile. Terra enim calcaria aere suo priuata seu in statu calcis viuae magnam aquae quantitatem auide absorbet, in hoc fluido soluitur, et tunc calx exstincta dicitur, quam primum vero aeri fixo occurrit, aquam derelinquit, seque cum aere fixo iungit. Quando igitur calx exstincta cum aqua miscetur, fixus aer in aqua a calce attrahitur, paruaque eius portio saturatur, quae p. 189. dein rursus dissolutionis capax non est, pars vero remanentis calcis exstinctae dissoluitur et aquam calcis componit. Quodsi igitur hoc fluidum aeri libero exponitur, particulae calcis viuae superficiei proximae sensim particulas fixi aeris in atmosphaera, vel sub forma subtilissimi pulueris, vel, quod magis probabile, sub forma elastici cuiusdam fluidi, fluctuantes attrahunt, cum aere fixo saturantur, restituunturque natiuo statui insolubilitatis, et cum tota haec mutatio in superficie accadat, sensim quoque omnis calx in superficie, sub originaria sua forma insipidae calcariae terrae, cremor seu crusta aquae calcis dictus, colligitur.

- p. 190. colligitur. Hinc explicat quoque, cur magnesia aquam calcis puram insipidamque reddat, eadem vero, aere suo priuata, aquam calcis nequaquam mutet. Porro ostendit, calcem viuam, alcali dissoluto mixtam, hoc aere suo fixo priuare, ipsam vero hac ratione extinctam reddi, cum alcali magis corrosiuum euadat. Cum ex hac vero explicatione variae conclusiones primo intuitu minus probabiles deduci queant, v. g. 1) si qua aeris quantitas a calce et alcalicis separatur, quando illa caustica reddimus, sequitur, haec partem ponderis in operatione perdere, eandem tamen, quam ante operationem, acidi quantitatem saturare debere, saturationemque ipsam absque
- p. 191. ulla efferuescentia peragi; 2) si calx viua nil, nisi terra calcaria aere suo priuata est, quae aerem fixum fortius, quam alcali attrahit, sequitur, calcem viuam, si ipsi sufficiens quantitas alcali aere saturati addatur, omnem aerem suum recuperare, et originario suo ponderi atque conditioni restitui: sequitur porro, terram ex aqua calcis viuae per alcali separatam, nil nisi calcem in aqua antea dissolutam, nunc vero originario leni et insolubili statui suo restitutam esse. 3) Hinc insuper sequitur, si aqua calcis nil nisi compositum uniforme ex aqua et calce est, et si pars calcis sic in aqua dissolui potest, procul dubio quoque omnem calcem viuam in aqua dissolui posse. 4) Lixiuum saponariorum quoque nullam calcem continere debet, nisi forsitan quantitas calcis ad aerem
- p. 193. ex alcali extrahendum iusto maior adsumta sit. 5) Si alcali causticum aere destitutum sit, tunc magnesiam ab acido quodam sub forma magnesia ab aere liberatae, seu quae cum acidis non efferuescet, separabit; idemque alcali causticum separabit quoque terram quandam calcariam ab acidis sub forma terrae calcariae aere destitutae, at cum aqua saturatae seu sub forma calcis extinctae. Has, inquam, conclusiones omnes, utut minus probabiles videantur, per experimen-

experimenta saepius repetita, descriptaque, veritati quam maxime consentaneas inuenit. Experimenta p. 218. quoque a Cl. Auctore ad cognoscendam vim relatiuam, qua diuersae alcalinae substantiae aerem fixum attrahunt, instituta, ipsum docuerunt, quod in Cl. GEOFFROY tabula electiuae attractionis quaedam p. 224. mutari, eidemque noua columna addi debeat, secundum sequens additum schema, in quo alcalinas substantias omnes, tanquam in statu puro et a fixo aere liberatas considerauit. Monet tamen sub finem pri- p. 225. mae columnae alcali volatile et magnesiā ideo in eadem linea posita esse, quia eorum vis attractiua fere aequalis esse videatur, haec sequi posse varia metalla, et tandem terram aluminis. En schema! *

Acida.	Aer fixus.
Alcali fixum,	Terra calcaria.
Terra calcaria,	Alcali fixum.
Alcali volatile et magnesia.	Magnesia
	Alcali volatile.

9) *De analysi et usu turfae* exponit ALEXANDER p. 226. LIND. Primo quidem loco, quod ipse cum turfa prope Edinburgum effossa instituit, examen chemicum enarrat Noster, dein Cl. DEGNERI cum turfa germanica facta tentamina recenset, eaque cum suis comparat

* Cum egregia hac disquisitione omnino conferri merentur, quae Cl. GEOFFROY *Histoire de l'academie royale des sciences* année 1746. Paris. 1751. pag. 284 seq. et *Comment. nostr.* Vol. I. P. II. p. 292. 293. item Cl. DV HAMEL, *Histoire de l'academie royale des sciences* année 1747. Paris. 1752. p. 59 seq. et *Comment. nostr.* Vol. II. P. II. p. 204 seq. nec non Cl. ROBERT. WHYTT, in *Essays and Observations, Physical and Literary. Read before a Society in Edinburgh.* Vol. I. 1754. p. 372 seq. et *Comment. nostr.* Vol. V. P. I. p. 67. seq. de calcis viuae, et aquae huius calcis natura proposuerunt.

comparat, ut si qua detur, turfae scoticae a germanica inde pateſcat differentia. Obtinuit vero Noſter ex turfae ſiccioris, obſcure fulcae, unciiis quinque, deſtillationis ope, primo unciam unam et ſemiſſem aquae inſipidae limpidae, dein liquoris acido oleoſi, flauelcentis, et ſenſim obſcurioris facti, empyreumatici drachmas tres, cuius parua copia tandem alcalini quid proderet, denique calore intenſiore facto olei empyreumatici picei drachmas duas et ſemiſſem; atque in fundo vitri remanſere carbonum unciae duae, quae igne libero combuſtae exhibuere drachmas undecim et aliquot grana cinerum flauelcentium, e quibus extraxit ſal ruſcens impurum, falſum magis, quam alcalicum, in aere tamen facile fluens. Noſter liquorem magis acidae indolis, Cl. DEGNER contra illum alcalino volatilem e turfa ſeſe obtinuiſſe profitentur; quam etiam DEGNERI ſententiam confirmant duorum virorum D. SCHMIDBERG Phyſici Haggenſis, et OTTMANNI Pharmacopolae Stuttbergenſis, experimenta cum turfa facta, quae Noſter ipſe p. 231. allegat. Quibus de analyſi turfae expoſitis, non nulla de uſu eius ſubnectit Cl. Auſtor. Varias vero turfae differentias, ratione loci, e quo effoditur, et materiae ipſius, e qua conſtat, itemque praeparationum variarum, quas adhibere diuerſis in locis ſolent, adnotandas ſibi ante ſumſit idem, quam ad ipſum uſum ſeſe conuerteret. Quem quidem principem conſtat ſatis inter omnes in eo conſiſtere, ut ligni in modum ignis pabulum praebeat, et huius loco etiam ad comburendum adhibeatur: alium tamen eius Noſter commendat eumque duplicem uſum. Suadet nimirum et multis rationibus demonſtrat, turfam magno cum commodo, ad fundendam mineram ferri non minus, ac ad agros foecundandos adhiberi poſſe. Ferro enim ipſam inter fundendum aliquam phlogiſti ſui partem praebere, indeque eidem malleabilitatem conciliare; cineres vero eius optimam copioſamque

piofamque materiem agris fimi loco suppeditare, comprobat. Ultimo loco addit Noster, forte etiam turfam alio modo eoque duplici suam praestare posse utilitatem, ut vel pulvis eius agris pratisque intratus plantas et semina a frigore defendat, vel etiam in stagnis et piscinis aquarum impetum coerceat et oppilet.

10) *Effectus seminis Hyoscyami* recenset D. A R- p. 143.

CHIBALD. PITCARNIVS, Medicus Edimburgensis *. Iuuenis viginti annorum, tenerioris corporis habitus, medicinae cultor, ante duos annos consueverat sibi, seminis hyoscyami albi parua adsumta dosi, somnum inducere, idque sine ullo malo effectu; sed quum aliquando, a meridie, duplam portionem eius, circiter 25 granorum, sumsisset, hora una post multam in somnum propensionem, totiusque corporis lassitudinem inde sensit. Quae symptomata sensim increuere, aliaque accessere peiora, nimirum siccitas faucium et constrictio, dolores colici, conuulsionones et deliria, ut adstantes neque distinguere, neque mali sui causas explicare posset interrogatus. In tam tristi statu Noster vocatus vidit iuuenem, oculis apertis et fluctuantibus, tremore conuulsionibusque agitatum, varias corporis sui partes et lectuli vellicantem, pulsum autem obseruauit paruum et debilem cum tendinum subsultu, nullum vomendi vel desidendi conatum. Datum bis vomitorium statim iterum reiecit; solutionem vitrioli albi deglutiit, sed sine optato effectu. Clyisma etiam cum vino stibiato bis iniectum, et vesicatorium capiti, et sinapismi plantis pedum applicati fuere. Noctem transegit sine somno, conuulsionibus saepe agitatus, sed mane altero mentis constantia et vox rediit, caput vero adhuc fuit graue et perturbatum, ut iam ipse, quid
adsum-

* lecta fuit d. 1 maii 1755.

adsumsisset, enarrare posset. Pulsus quoque paullo fortior. Infusum purgans datum cum effectu optimo. Cum autem adhuc dolor et grauitas capitis superesset, sanguinis unciae duodecim missae fuere post meridiem, sed sudore et somno tranquillo reffectus, sequenti mane bene iterum valuit iuuenis.

P. 247. II) *Effectus stramonii* tradit D. ABRAHAM SWAINE, Medicus Brentfordensis *. Senex sexaginta novem annorum, robustus, qui integra semper usus sanitate, calculo aliquot annos ante laborare coepit, ex amici consilio bardanae vulgaris fructus colligere quum vellet, ut decoctum inde sibi pararet salutare, ex errore collegit poma stramonii, et horum cum lacte factam decoctionem bibit: mox vertigine tactus tentat plurimum colligendorum fructuum causa e domo egredi, sed non longe progressus reuertitur letumque petit, multum conquestus de linguae fauciumque siccitate insigni et anxietate praecordiorum; vox perit, et sensus; inquietudo summa et murmura frequentia; pulsus parvus et celer; extrema frigentia; oculi torui observabantur, cum delirio feroci, ut duo robusti homines ipsum tenere vix possent. Tandem quietus factus vesperi, eodem die adhuc conualuit, sumtoque purgante totam noctem bene dormiit, et mane aliquoties aluus soluta fuit. Notari meretur, senem hunc intra quatuordecim horas neque dormiisse, neque ullam euacuationem vomitu, per aluum, urinamque expertum fuisse, licet alias calculo laborans frequens urinae experiretur stillicidium.

P. 250. 12) *Effectus moschi in tollenda arthritica ventriculi affectione* exponit JAMES PRINGLE, nobilis et olim chirurgus legionis tertiae pedestris **. Femina quadraginta tres annos nata, tenerioris texturae corporis,

* lecta fuit d. I maii 1755.

** lecta d. 3 april. 1746.

ris, multos annos hysterico malo affecta cum asthma-
te sicco, frequentes insultus arthriticos experiebatur,
eosque violentiores in capite et ventriculo non mi-
nus, ac in extremitatibus, totam fere aestatem anni
saeculi huius quadragesimo quinto. Mensis nouem-
bris sub initium iterum vehementiores ventriculi
spasmos patiebatur et conuulsiones, inde per spinam
ad fauces tendentes, quae suffocationis inferebant
periculum, et ipsam erecto situ corpus tenere noctu
atque interdiu cogeant. Femora intumescebant, et
tumor subsidebat iterum, si in sedili decumberet, sed
tum mox asthma reuertebatur. Nihil vero praeter
haustum vini generosi vel tincturae sacrae * et regi-
men calidum, tentabat aegra adhibere auxilii. Cl.
PRINGLE, moschi de virtute in neruosis affectioni-
bus persuasus, bolum aegrae misit, e cinnab. nativ.
et antimon. ana gr. 25. moschi opt. gr. 16. cum
syrup. balsam. q. s. paratum, dimidiamque partem
mox, et sexta hora post alteram sumendam praece-
pit. Sequenti mane se melius habuit aegra, con-
uulsionibus parcius tentata, et post adsumtos aliquot
bolos cum moscho, secutumque inde sudorem largio-
rem et somnum, iam in lecto decumbere potuit,
cessantibus sensim symptomatibus reliquis. Stomachi
iteratos dein spasmos, mox bolo laudato sumto coer-
cuit, beneque iam valet.

13) *Insolitos effectus vini antimoniatum refert D. 1A. p. 254.*

MES WALKER, Chirurgus et rei nauticae negotio-
rum Edimburgi administer **. Febriles aliquando

F 2

sentiens

* Tinctura sacra paratur ex Aloes succotr. uncia una,
cardamomi min. et serpentar. virgin. ana drachma
una, cochinillae scrupulo uno, vini albi Hisp. sesqui
libra. conf Pharmacopoeia Collegii medic. Edimburg.
1746.8. pag. 58.

** lecta d. 5 febr. 1756.

sentiens motus, mature lectum petiit, pota ante feri lactis, cum vino hispanico facti, libra una, sed totam noctem insignem soporem sensit aequae, ac primo mane, cum multa lassitudine et debilitate; equo dein vectus non diu, domumque redux eundem soporem et torporem percepit, ac duos famulos eodem affectos inuenit malo. In causam effectus huius insoliti inquirens tandem reperit Noster, loco vini Vlyssiponensis, vinum benedictum ad feri lactis praeparationem, ex errore, adhibitum fuisse; nullos vero inde vomendi conatus et se ipsum et famulos duos expertos valde miratur. Ipse post quatuor dies, uterque famulus post duos, iterum conualuere, unicumque illud adhuc adnotat, pulsum in semet ipso eodem die, quo biberat vinum memoratum, multo debiliorem fuisse, ac nocte praecedente.

- P. 257. 14) *Dysenteriam pertinaciorē, aquae calcis viuae ope curatam* tradit IAMES GRAINGER, M. D. et Medicus Londinensis. * Dysenteria, quae Maryburgi prope arcem a Wilhelmo dictam (Fort-William) epidemice per autumnum plerumque grassatur, malignis stipata symptomatibus et saepe mortifera, militem quendam, mediae aetatis, sed dissolutae vitae, inuaserat, et integrum fere per annum, frustra adhibitis medicamentis omnibus, excruciauērat, tuberculis haemorrhoidalibus, vermibus, fluxuque nunc cruento, nunc mucoso, nunc ichoroso comitata. Tandem vero aquae calcis viuae libra una semis cum tertia parte lactis singulis diebus epota mox symptomatum remissionem effecit, libraeque tres per diem, continuato per tres hebdomadas usu, adsumtae, omnem mali adeo diri curationem absoluerunt, aluum autem simul reddiderunt strictiorem, ut dosis eius diminui, clysmaque emolliens deberet iniici.

Sex

* lecta d. 3 maii 1753.

Sex hebdomadas post aeger e nosodochio dimissus fuit, integrae sanitati redditus.

15) *Epistola* PETRI DVGVID, * Chirurgi olim p. 264. in Iamaica, ad Cl. ALEXANDRUM MONRO, *Seniorem*, M. D. et P. A. de *anthelmintica virtute corticis Palmae*, the wild Cabbage seu Bulge-water tree dictae **. Refert autem Cl. DVGVID, incolas insulae Iamaicae, praeter alios morbos, vermibus plerumque, iisque longis et teretibus e lumbricorum genere, vexari, ipsumque in dissecto infantis cadauere, aliquando duodecim eorum inuenisse, quorum unus appendicem vermiformem, tres valuulam coli, reliqui intestina occupant; sed addit naturam illis quoque tamquam specificum ad hos depellendos dedisse corticem arboris laudatae, cuius decoctione cum successu utantur, nulla quidem determinata dosi. In qua iam per repetita tentamina determinanda occupatus, pollicetur alio tempore se communicaturum accuratiorem et doseos medicamenti huius et naturae indolisque ipsius corticis expositionem.

16) *Foetum monstrosum* describit IOHN MOWAT, p. 266. *Chirurgus Langholmenfis*, in *epistola* ad ALEXANDRUM MONRO, *Sen. data* ***, additaque icone illustrat. Fuit foetus iste duplex coalitus, quem mater sexto mense grauiditatis enixa est, horam semis vitae fruitus usura. Vterque foetus femella, communi funiculo instructus umbilicali, omento, pancreate et diaphragmate simplicibus, reliquis partibus quisque suis gaudebat distinctis. Vnicum cerebrum, duo

F 3 cerebella

* lecta d. 1 maii 1755.

** Est vero haec *Palma altissima non spinosa, fructu pruiniformi, minore, racemoso, sparsa*. SLOAN. *Voyage of Iamaica*. Vol. II. London. 1725. fol. pag. 115. tab. 215.

*** d. 1 maii 1755.

cerebella visa sunt. In capitis posteriore parte aures duae externae coniunctae apparuere, duobus meatibus auditoriis instructae, alioque in medio praeditae ductu, qui ad oesophagum ducebat. Reliqua ex iconibus distinctius intelliguntur.

p. 270. 17) *Eiusdem foetus continuatam anatomen* tradit ALEXANDER MONRO iunior, M. D. et Prof. Anat. Edimburgensis.* Quum ipsi non licuerit foetum dissecando accuratius perlustrare, pauca tantum adnotat Cl. Auctor in capite memoratu digniora visa. Cranium in naturali statu antica parte ad sellam turcicam usque observatum fuit, inde duo processus cuneiformes ossis occipitalis coniuncti, in duo distincta ossa occipitalia, quorum utrumque foramine magno instructum erat, extendebantur; duo ossa petrosa, squamosa parte destituta, et inter haec, loco ossis sphenoidei et squamosi temporum, paruum os triangulare interpositum, occurrebant. In ore vero alterius foetus perfectioris rite formatae fuerunt partes, larynx, pharynx, reliquae, pone has alius larynx cum trachea descendit, cuius glottidi adhaesit parua excrecentia linguae instar, et e naribus canalis cum alio ex auribus, ut supra dictum, egrediente, in unum confluens communem canalem, alterum dedit oesophagum.

p. 275. 18) *Ossa in ovario feminae reperta* descripsit D. GEORGE YOUNG et cum Societate communicavit per D. JOHN BOSWELL, Membrum Collegii reg. medic. Edimburg. ** In feminae, quinquaginta circiter annorum, post menstruorum suppressionem hydrope defunctae cadauere dissecto, inuenit abdomen cruore multisque plenum hydatidibus, quarum aliae pomi, aliae oui columbini magnitudine erant, et in
maiori

* d. 1 maii lecta.

** d. 1 nou. 1737.

maiori communi continebantur omnes. Viscera reliqua sana, sed tuba fallopiana sinistra solito amplior, ouariumque sinistrum nihil, nisi hydatidis maior, illudque dextrum caput recens nati infantis aequans, continebat materiam viscidam albam serosam, cum fragmentis maxillae, cui dentes tres molares inhaerebant, hic depictis.

19) *Pulmones et pleuram sibi contiguos esse demon-* p. 276.

strat ALEXANDER MONRO, senior. * Licet experimentum ab Ill. LIEBERKÜHN et HALLER hunc in finem factum adserti huius veritatem euincat, alium tamen eumque faciliorem illud demonstrandi iam docet modum. Separatis enim caute a pleura integumentis et intercostalibus musculis in mortuo animali, si tunc alternatim attollas sternum et costas, contiguos pulmones videbis, sed pleurá laesa statim oculos fugiunt collapsi pulmones. Porro in viuo animali idem si feceris, pulmones quoque arcte applicatos pleurae, et hanc inter inspirandum concavam, et inter expirandum conuexam, ob atmosphaerae molem incumbentem, videbis. Facilis etiam frequensque pulmonum cum pleura concretio idem probat. Noster tandem quaerit, quae quantaque vis sit, quae attollat sternum, quando pleura in experimento concava facta fuerit, quo inde vis atmosphaerae incumbenti renitens determinari possit. Addit alias quaestiones, num vis organorum inspirationis minor sit vi atmosphaerae? an illa superent resistantiam organorum expirationis? an denique costae arcuatae angustaque earum interualla ideo facta sint, ut ab atmosphaerae inter inspirandum defendant nos impetu?

20) *Experimenta cum opio in viuis et moribundis* p. 280.
animalibus facta recenset ROBERT WHYTT. ** Plu-

F 4

ribus

* d. 7 febr. 1754.

** d. 7 aug. 1755.

ribus ranis solutionem opii aquosam in os infudit Cl. Auctor, alias integras vel aperto abdomine, et thorace, vel corda earum in similem solutionem immisit, et canibus aliquot per anum et abdominis vulnus opium aqua solutum applicauit, indeque insequuta sedulo adnotauit phaenomena, quorum praecipua ex additis corollariis huc transferamus. Opium ventriculo, thoraci abdominique iniectum, et partes has, quas tangit, et totum corpus sensu motuque priuat, illudque non transeundo cum sanguine ad cerebrum, ut plures affirmant, sed immediate in affectas partes operando efficit: agit vero potissimum in cerebrum totumque systema neruosum, neque tamen solum in fines extremos neruorum in corde valisque sese terminantes; neque a resorpta subtiliori parte opii haec pendet eius efficacia; neque cor ab actione opii liberum manet, sed eandem, ut reliqui muscoli, quamuis paullo tardius, experitur. Porro opium vim musculorum motricem tollit, non solum intercipiendo fluidi neruei influxum, sed ipsas fibras eorum debilitando, atque hinc irritabilitatem eorum infringit aequae ac sensibilitatem. Illud quidem somnum inducendo agit, sed somnum tamquam effectum destructae prius neruorum sensibilitatis producit: Eidemque causae tribui debent euacuationes nimiae ab opio coercitae, vel impeditae ab eodem liberae redditae. Tandem mortem animalium ab opio sumto Noster deriuat ab eadem causa, quae nimirum organa eorum naturali suo stimulo priuet, unde cessaret non modo motus peristalticus intestinorum et chyli transitus, sed et in vasis minoribus primo, ac maioribus post fluida stagnare inciperent.

p. 317. 21) *Historiam luxationis verae femoris* tradit D. JAMES MACKENZIE, Medicus olim Worcesteriensis, * in epistola ad D. JOHN RYTHERFOORD, Praesidem

* d. 6 martii 1755.

Praesidem Collegii Regii Medicorum et Professore
 medicinae Edimburgensem data. In nosodochium
 Vigornienſe quum deferabatur vir robuſtus et vege-
 tus, quinquaginta ſex annorum, lanio, quem equus,
 quo vehebatur, in terram proſtratum per aliquod
 ſpatium ſecum traxerat, et in cauſſam ſublatis inde fe-
 moris motus chirurgus quum inquirebat ſedulo, in-
 uenit ille femur ex acetabulo extractum et in inguine
 caput eius oculo tactuque conſpicuum, idemque plu-
 ribus medicis primum de re ipſa dubitantibus oſten-
 dit. Dein de reducendo in articulum femore ſollici-
 ti diu, et apud auctores chirurgicos conſilia haud in-
 uenientes conuenientia, tandem extensionis et ſi haec
 non ſuccederet, percuſſionis vim hoc in caſu tentare
 decreuerunt. Apparatu, qui hic deſcribitur fuſius,
 utrumque in finem rite diſpoſito, primum extenſio-
 nem, ſed incaſſum, moliti fuere; breui poſt per-
 cuſſionis adplicata vi, femur ſubito cum multo ſtre-
 pitu in acetabulum reducit. Atque aeger poſt tres
 hebdomadas reſtitutus ſanitati integrae, iam incede-
 re et longum ſatis ſpatium per diem ſine incommo-
 do abſoluere valet, licet affectum femur adhuc ſit
 paullo longius altero.

22) *Obſervationes non nullas ſuper noua ſanandae* p. 324.
per extractionem lentis cryſtallinae cataractae methodo,
 proponit THOMAS YOUNG, Chirurgus Edimbur-
 genſis.* Quamuis infelix aliquando depositae cata-
 ractae ſucceſſus ab operatione hac iterum peragenda
 diu Noſtrum deterruerat, tandem tamen amicorum
 preeibus commotus, noua Cl. DAVIEL methodo ope-
 rationem iſtam ſexies ſuſcepit, atque nunc modum
 et inſtrumenta, quibus uſus fuit, et ſucceſſum ope-
 rationum ingenue expoſuit. Exemplo Cl. SHARP
 ductus, ſimplicior, ac Cl. DAVIEL, inſtrumento-
 rum adhibuit Noſter apparatus, cultello paruo cor-
 neam,

F 5

** d. 4 mart. 1756.

neam, semilunari amplexu plaga dissectam, spatula minori dein eleuauit, lentemque, incisa prius eius capsula, vel acu consueta vel sola pressione extraxit.

p. 327. Succesius operationi non in omnibus semper idem respondit, in plerisque tamen ex voto fuit. In viro quodam mediae aetatis bis peracta fuit diuersis temporibus in utroque oculo operatio, primum in sinistro, cuius inter operandum laesa iris eandem interceptit, nulla sequente inde noxa, dein in dextro feliciter, ita, ut iam distincte iterum utroque oculo obiecta videat. In alio viro cataracta, ob contractam nimis et immobilem pupillam aliis chirurgis insanabilis visa, a Nostro extracta eo cum euentu fuit, ut pupilla quidem adhuc immobilis, oculus tamen clarior factus lucis splendorem facilius, ac olim, ferat. Vtroque in oculo alius viri Cl. YOUNG operationem suscipiens, e capsula lentis lactescentem humorem et lentem ipsam obscure fuscam euocauit, paruaque obiecta iam distinguere valent eius oculi. Tandem in femina ob palpebras angustiores tussimque excitatam difficilius quidem, cum successu tamen absoluta fuit operatio. Ex quibus dictis colligit Noster, oculos, ampliori bulbo corneaque magis conuexa instructos, melius admittere extractionem, quam paruos planioresque in primis feminarum; reliquam vero curationem absolui venae sectione, diaeta parca, et repetitis laxantibus, pannique aceto et aqua imbuti ad oculum iterata applicatione. Quamuis autem ipsi peractarum operationum nondum sufficere videatur numerus, ut comparare earum successum cum iis in Gallia* frequentius peractis, indeque nouae methodi huius excellentiam comprobare possit, eidem tamen omnino ex experientia propria praerogatiuam tribuens spem alit, fore, ut alii exemplo ipsius excitati plura repetitaque operationis laudatae, faciant pericula.

23) *Epi-*

* vid. Comment. nostr. Vol. III. P. IV. p. 620.

23) *Epiplocele in scrotum descendente* describit p. 333.

THOMAS LIVINSTON, M. D. et Medicus Aberdoniensis.* Post sumtum mane vomitorium vir quidam, viginti octo annorum, teneriorisque corporis habitus, versus vesperam acutis imi ventris tentatur doloribus, qui dato anodyno et clysmate per noctem sedati, primo mane redeunt, in primis in sinistra umbilici parte sinistroque testiculo acutiores redditi. Hernioso ibidem iam nato tumori duro et dolorifico applicantur foci emollientes, manuque tentatur reductio; venae sectio repetita febrem imminuit et clysteres crebrius iniectioni, quin et infusum purgans antiphlogisticum datum foeces copiosas induratas secum euocarunt; sed hernia non mutata, pulsu debili facta, singultuque accedente, aeger tandem moritur. In cadauere dein aperto statim apparuit omentum valde distentum et prolapsum, ventriculus et zona coli e situ suo naturali inferiora versus tracti, ieiunum et ileum inflammata aereque distenta; in scroto autem dissecto sese obtulit saccus herniosus tenuis, tensus rigensque, ac in eodem omentum gangraena corruptum, ileique intestini gyrus in annuli abdominalis apertura haesit gangraena itidem affectus, cuius pars altera intus adhuc remanens et coli caput inflammata, angustiora, putridum chylum viscidum continebant. Tunica vaginalis amplo foramine seu cauo susceperat omentum, sex et dimidiam uncias pondere aequans, testiculo illaeso relicto.

24) *Partus per rupturam abdominis facti historia* p. 338.

traditur ab ALEXANDRO MONRO, Seniore.** Femina doloribus ad partum tres dies iam tentata, subito facta ingenti cum strepitu ventris imi ab umbilico ad pubem sinistri lateris ruptura ita, ut viscera intus conspici potuerint, infantem per hanc rimam enixa

* d. 5 febr. 1755.

** d. 1 mai. 1755.

enixa fuit feliciter cum secundinis; vulnus vero solo butyro cum saccharo applicato facile coaluit cicatrice clausum parua; cuius admirandae rei in fidem testes Noster allegat, qui coram iudicio iureiurando rem
P. 339. confirmarunt. Addit similem, sed minus felicem Cl. MONRO casum, quo infans e rupto utero in abdomen transiit. Femina nimirum mediae aetatis, inter dolores ad partum veros per dies duos continuatos, fluentibus iam aquis, subito e sella resiliit, acutissimo ventris affecta dolore, infans amplius tactu non potuit explorari, sed mater, mentis quidem compos, tertio die vita defuncta fuit. In aperto dein cadaueris abdomine mox apparuit foetus perfectus cum secundis integris, cruore multo circumfuso, uterique fundus antrorsum integer, mollis, et ad umbilicum prominens, sed versus ossa pubis circa cervicem ruptus. Quam rupturam dissecto utero, ab orificio interno oblique dextrorsum ad quatuor digitorum longitudinem factam fuisse, cervicem vero distentam communem cum fundo formasse saccum, angustiore reddito simul uteri orificio, patuit.

P. 342. 25) *Praeternaturalis aquarum cum gemellis in utero facta collectio*, a STEPHEN FELL, chirurgo Vuerstonensi describitur.* Sub initium octavi grauiditatis mensis dolores ad partum sensit femina, primo spurios visos, post veros cum delirio sitique magna, abdomine eius in immensam molem distento; sedatis clystere et opiato symptomatibus, tactu caput infantis in aquis fluctuans quum percepit Noster, statim ruptis membranis extraxit gemellos, masculos, perfecti infantis dimidiam vix aequantes molem, quorum alter fuit mortuus, tumens et liuidus, alter vita usus sexaginta quatuor horas, absque ullo sumto alimento, ullaue per aluum aut urinam facta excretionem. Aquae simul effusae copia quinquaginta librarum

* d. 6 febr. 1755.

brarum fuit. Vtero autem, post secundinarum exclusionem, in naturalem contracto magnitudinem, aegra, adhibitis aptis medicamentis, sensim conualuit.

26) *Tophacearum concretionum, in canali alimen-* p. 345.
torum repertarum historias tradit ALEXANDER MON-
 RO, Senior.* Quae quidem quo rariores sint, eo
 digniores omnino memoratu nobis ipsae videntur
 calculorum in primis viis observationes. Atque ho-
 rum exempla aliquot ex propria experientia in aegris
 facta adducit, alia ab amico Cl. STEPHENSON
 communicata, alia denique ex animalibus brutis peti-
 ta, describit Cl. Auctor. Puer, duodecim anno-
 rum, doloribus colicis, borborygmis, vomituque
 frequenti emaciatus, nullumque a variis adhibitis
 medicinis expertus auxilium, tandem, cessantibus
 illis symptomatibus, tenesmo et ischuria vexatur, tu-
 more simul duro in inguine sinistro nato, valde do-
 lente, in quo tactu percipi duo corpora dura potu-
 erunt. Haec vero dein in rectum intestinum cum
 tribus aliis protrusa, forcipe extracta cum successu
 fuere, quorum maximum quinque digitos volumine
 aequauit, globosae et angulosae figurae, crusta tar-
 tarea splendente obductum, intus spongiosum, ru-
 bellum; reliqua minora, figura coloreque diuersa
 fuere; in uno diffracto paruum officulum planum ve-
 luti nucleus latuit, indeque cognita mali causa est:
 Deglutiebat enim saepe una cum carne ouilla tenerio-
 ra etiam officula. Puer iterum posthaec conualuit et
 incrementum laetius corporis cepit. In alio viro in p. 348.
 tumuit abdomen in dextra inguinis regione et in-
 duruit, nunc diarrhoeis et vomitu, nunc obstructio-
 ne alui succedentibus: Cl. MONRO suspicatus calcu-
 lum in colo haerere, clysmate iniecto crebrius et
 pressione manuum ope tentata, sed incassum, eius
 extractionem molitus est, et aeger emaciatus mor-
 tuus.

* d. 6 febr. 1755.

tuus. In quo dein aperto tophus, septem digitorum mole, caput coli occupans nulla crusta tartarea obductus, nucleo calcareo instructus, deprehensus fuit, intestinum vero circum circa adeo contractum, ut discindi deberet ante, quam tophus eximi potuerit. A Cl. STEPHENSON e tribus aegris Noster similes tophaceas concretiones obtinuit, quarum aliquot nucleo pruni instructae, clysmate e pueri ano euocatae fuere, reliquae e stratis pluribus formatae, cinerei coloris, nulla crusta tartarea praeditae. Symptomata aegris eiusmodi solemnia esse maciem corporis, sine appetitu laeso, borborygmus frequentes ventrisque inde mutatam formam, addit idem ex relatione Cl. STEPHENSON.

P. 353. 27) *Observationes de procidentia ani, intussusceptione, inflammatione et voluulo intestinorum* exhibet IDEM, * et icone addita illustrat. Quando pars interior intestini recti cum foecibus protrusa non retrahitur, sed a sphinctere ani contracta intumescit, rubet mucoque viscido madet, procidentia ani oritur, frequens infantum, senum, debiliumque post morbos hominum morbus, plerumque non funestus, aliquando tamen, si altius descendat duplicata intestini pars, lethalis visus in puero, in quo nec reductio intestini, nec iniecto lactis calidi, nec specilli cum spongia oleo imbuti immissio, locum habuit, sed in mortuo apparuit mesocolon disruptum et inuersio recti a flexura sigmoididea coli deriuata. Curatio huius morbi omnis absoluitur reductione intestini, quam vero non uno impetu, pannisque calidis, ut solent mulierculae, sed sensim sensimque digitis, oleo imbutis vel butyro non salito, suscipiendam esse recte monet Noster: neque opus esse fomentis calidis partes relaxantibus, nec si nimis tumeat inuersa pars, scarificatione idem addit, parumque tribuit externo adstringentium

* d. 6 febr. 1755.

gentium usui, commendans potius tincturas calidas aromaticas, ut iis tangantur partes relaxatae, et ad arcendam inflammationem venae sectionem diaetamque refrigerantem.

Alius morbus, neque adeo infrequens est *intus-* p. 358.
susceptio, quando intestini alicuius pars duplicata in canali alimentorum expanditur, nullo externe in ano apparente eius signo: Exempla aliquot hominum hoc morbo defunctorum adducit Noster, qui fere omnes conquesti diu de doloribus colicis, distensione abdominis, vomitu, tenesmo, tandemque emaciati diem obierant supremum. In duobus magna pars coli duplicata, obscure rubens et angusta fuit inuenta; in alio vero pars ilei, coecum et appendix vermiformis a colo intususcepta ad duodecim digitorum altitudinem, atque haec duplicata portio inaequalis, fusca, altero fine coeca, sed a latere aperta, angusta quidem nimis, caua tamen obseruata fuere.

Tandem ex alio puero communicauit cum No- p. 361.
stro Cl. CVLLEN admirandum intususceptionis exemplum, quod etiam delineatum hic exhibetur. Diu vexatus puer iste doloribus colicis et diarrhoea, emaciatusque excreuit per aluum liuidam membranaceam substantiam, quae accuratius perlustrata, conuolutio intestini alicuius fuit tredecim digitos longa, cum mesenterio annexo, et post haec plures minores particulas cum scybalis reiecit; in mortuo vero dein aperto intestina et omentum inuicem coalita, ileique intestini pars, circa ingressum in colon, contracta, et cicatrice notata, intus crassa et angusta apparuerunt, hic quoque delineata. In quibus et aliis ab Auctore adductis exemplis illud omnino admirationem mouet, quo modo adhuc vita frui tali morbo affecti per longum satis tempus potuerint. Quum vero plerumque ad colicos dolores spirituosius calidis uti soleant homines, illudque in colica flatulenta cum
successu

succellu faciant, haec ipsa, tamquam nociua saepius et in inflammatoria dispositione exitiosa, vitanda caute monet Noster; et venae sectionem largam vel repetendam in imminente intestinorum inflammatione, ubi plerumque medicos decipit virium languor et pulsus debilitas, si modo dolor acutus et fixus adsit, prudens suadet idem. Sub finem verum voluulū seu complicationem intestini nodosam vel impossibilem vel certe rarissimum esse pronunciat Noster.

p. 368. 28) *Veri voluuli intestinorum historiam* tradit ALEXANDER MONRO, dignus parente magni nominis filius-*. In senis colica demortui cadauere dissecto inuenit partem intestini ilei, quatuordecim digitorum longitudine, e sinu quodam in peluem dependentem, nigram sphaceloque corruptam; sinum autem istum formarunt partes ilei superiores, ab appendice vermiformi arctius constrictae, qui quidem pone has ipsas haesit, sed sine suo trans easdem antrosum descendit in plicam mesenterii, atque ex hac difficiliter potuit extrahi; finis enim eius coecus a liquore gelatinoso distentus, in cauo quodam mesenterii latuit, cuius ostium angustius fuit nimisque constrictum.

p. 370. 29) *Descriptio febris biliosae, Americanis flauae dictae*, (Yellow Fever) proponitur a D. IOHN LINNING, Medico Carlstonensi in Carolina meridionali, in epistola ad D. ROBERT WHYTT, Prof. Med. Edimburg. data.** Morbi maligni, qui anno saeculi huius quadragesimo octauo Carlstouni grassatus fuit, et frequentius in meridionalibus Americae prouinciis pestis instar grassari solet, historiam solam cum prognosi addita Noster exhibuit, missis et caussarum investigatione et medendi methodo; quae quidem quum

fidam

* d. 6 febr. 1755.

** d. 7 mart. 1754.

fidam pleniorēque phaenomenorum omnium complectatur recensionem, vel ipsa ad formandum de natura morbi et curatione iudicium sufficere videtur Cl. Auctori, adnotationes tamen, e defunctorum morbo isto dissectionibus factas, se casu quodam perdidisse valde dolet. Est vero haec febris, flaua dicta, maligna, duos tresue dies durans, sine ulla critica terminata excretionē, relinquens aegrum valde debilitatum cum pulsu paruo, a leui causa magis deprimendo, stipata mox flauo colore albugineae oculi et cutis, vomitu, haemorrhagiis, calore tamen pulsuque febrili destituta, atque ita per tria stadia distincta cursum suum absoluit, quae sigillatim Noster considerauit, fusiorique sermone exposuit. Ex his praecipua hic adnotasse sufficiant. Contagiosa est febris ista, sed a singulari aeris constitutione aut tempestatum vicissitudine haud pendet: Subiecta eidem opta in primis sunt albi homines, utriusque sexus, et e frigidiori climate aduenae; sed infantes, et qui ex eadem semel euaserunt, et Nigritae, biliosa alias febre affecti, ab hac prorsus immunes manent. Augusti sub finem plerumque incipit grassari et ad medium octobrem durat, donec frigidior facta tempestas eius impetum infringit. Febrem praecedunt capitis et extremitatum; in primis genuum et surarum, dolores, appetitus prostratio et virium debilitas: febris ipsa subito inuadit cum leui horrore; pulsus est frequens, plerumque plenus et durus, in aliis paruus et durus, in aliis mollis et paruus, sub finem morbi durior factus et rarior; calor variat saepe et 102 gradus thermometri Fahrenheit. nunquam excedit. Sudor profusus, mox temperatior, cutisque sicca est; lingua humida rubet et albescit; sitis haud ingens; frequens nausea et vomitus; anxietas praecordiorum, inquietudo et virium prostratio; sanguis floridus, sine crusta inflammatoria, a sero non separandus; deiectiones foetidae, nigrae; mox obstipata aluus; urina

Tom. VII. Pars I. G. limpi-

- limpida, copiosa, saepe turbida cum sedimento;
 p. 382. Febris iam secundo tertioque die cessat sine ulla facta
 crisi, paucos si excipias, sudore largo leuatos, et in-
 cipit alterum stadium in peiora plerumque ruens:
 symptomata enim memorata persistunt vel augentur,
 aliaque sequuntur. Pulsus est durus, et saepe mol-
 lis fit; vomitus niger, e moleculis flocculentis nigris
 bilis cum muco ventriculi abrafo conflatus; inquietu-
 do maior; delirium; iæterus; maculae cutis purpu-
 reae, liuidae in pectore et collo; menstrua in feminis
 nimia; sanguis resolutus per sputa, nares; oculos,
 aures, et urinam reiectus; aluus obstipata, nunc li-
 quida, nunc nigra et tenax; urina copiosa, interdum
 flaua, interdum sanguinea, et turbida cum sedimen-
 to viscido; atque haec per octo dies perdurabant,
 et aegrum vel interficiebant, vel sanitati restituebant.
 p. 388. Tertium tunc stadium incipiebat vel remissione omni-
 um symptomatum, si in sanitatem vergebant omnia,
 vel augmento eorum subito, si in mortem ruebant.
 Pulsus tunc inaequalis paruus; extrema frigida liuida;
 facies et maculae liuidae; palpitatio cordis; respira-
 tio difficilis et anxia; sudor colliquatiuus; sanguis ex
 ore, naribus et auribus fluens; singultus, tendinum
 subsultus; conuulsiones vitae finem faciebant. Ex
 quibus vero iam facile intelligi possunt deriuarique
 signa prognostica a Nostro subiuncta, quorum pluri-
 ma malignitatis notam prae se ferentia nihil omnino
 boni portendebant, pauca ad modum salutis spem
 excitabant.

- p. 396. 30) *Ad obiectionem, contra inoculationem variola-
 rum factam, responsum* dedit EBENEZER GILCHRIST,
 M. D. Medicus Dumfregensis.* Obiectio haec in
 societate quadam eruditissimorum virorum mota il-
 lud in primis urgebat, quod variolae a natura ad pur-
 gandos ab impuritatibus humores praecauendosque
 inde

* d. 5 febr. 1756.

inde morbos excitentur, variolarum vero inoculatione excitatarum suppuratio huic fini obtinendo impar fit et minus sufficiens, et totidem moriantur ante virilem aetatem infantes, qui inoculati sint, ac ante, quam haec inualuit operatio. Sed Noster experientia viginti annorum felicem inoculationis successum edoctus, respondet aliorum quoque virorum, qui eandem administrarunt, confirmatus testimonio et auctoritate, pauciores omnino ex infantibus inoculatis, et vix duos vel tres e centum diem obiisse supremum, et variolosum pus insitione corpori applicatum destruere ac expellere multa morborum semina ante, quam euolui aetate adultiori possint, adeoque, quo maturius instituatur operatio, tanto insignius inde in corpus redundare emolumentum.

31) *Nouam methodum medendi obstructis menstruis* p.403.
proponit D. ARCHIBALD HAMILTON, Medicus Edinburgensis. * Commendatam ab amico D. HUNTER ad remouendam mensium obstructionem iliacorum externorum vasorum compressionem mechanicam in femina felici cum successu adplicauit. Quae quidem femina viginti circiter annorum, a refrigerio suppressionem mensium passa, iam pallida et emaciata, appetitum prostratum, digestionem laesam, et vomendi conatus, pulsum languentem et lassitudinem insignem simul experiebatur; Noster post balneum purgansque aloeticum adhibitum, torcular arteriis cruralibus caute applicauit, et iam hora semis praeterlapsa aegra sentit pondus in regione uteri, et pectoris capitisque leuamen, breuique post redit ipse menstruus fluxus, cessans a remota fascia, sed eadem applicata iterum bene fluxit per tres dies, atque proxima periodo rediit, salua vegetaque femina.

G 2

32) *Hydro,*

* d. 1 maii 1755.

p.407. 32) *Hydropis praeter spem atque expectationem sanatae historiam* enarrat THOMAS LIVINGSTON, Medicus Aberdoniensis.* In nosodochium delatus fuerat pauper homo, viginti circiter annorum, qui inter labores frigori nimis expositus, tandem ventrem et extremitates intumescere sentierat, cum siti ingenti, urina pauca, appetitus viriumque prostratione; quae symptomata, nullo ante adhibito auxilio, breui adeo increuerant, ut iam omnis salutis recuperandae spes deesset, et aeger suo fato relinqueretur, paucis tantum vino aqua diluto sustentatus: anasarca enim corpus totum et in primis scrotum, femora et crura occupauerat, cum vesiculis gangraenosis hinc inde conspicuis, dyspnoea tantoque defectu virium, ut pulsus nullus percipi digitis posset, cordisque non nisi tremula videretur superesse vibratio. Verum altero mane aegrum Noster viuum adhuc et paullulum leuatum quum inueniret, istas in femore et crure vesiculas et scrotum lanceola hinc inde incidit, multumque feri cruenti e vesiculis, sed limpidi e scroto euocauit, applicatis dein e decocto aromatico fomentis, dedit aegro iulapium diureticum et vinum aqua dilutum pro potu ordinario. Repetitis incisionibus usuque continuato iulapii et vini, ingens copia feri effluxit non modo quotidie tandemque cessauit, sed symptomata etiam sensim disparuerunt omnia, et aeger perfecte conualuit, et adhibitis prius ad ventris tumorem fugandum squilliticis cum rhabbaro atque pilulis mercurialibus laxantibus, integrae sanitati restitutus e nosodochio exiit.

p.412. 33) *Historiam aegri periodicis nephriticis conuulsionibus affecti* exhibet CORNWELL TATHWELL, M. D. Medicus Stamfordiensis.* Femina vegeta, septendecim annorum, a mense iulio ad nouembrem, per
interualla

* d. 6 febr. 1755.

** d. 1 maii 1755.

interualla tres insultus spasmodicos experta fuit, quorum prior subito inuasit totum corpus violentis conuulsionibus, delirio stipatus ingenti, et post sex horas somno solutus est, relicta simul vertigine, et aegra post usum venae sectionis et vesicatorii adhibitum iterum conualuit. Sed quatuor hebdomadibus praeterlapsis praegressa diarrhoea, redit alter insultus eodem modo, ac prior, incipiens terminatusque, sed lingua obscure fusca, pulsus celer, urina pallida et pauca obseruantur. Venae sectio repetita, emplastrum foetidum ventri applicatum, pilulae aloeticae cum sapone, et valerianae radix cum liquore salino, setaceum nuchae admotum, amara et cortex chinae, balneumque frigidum adhibita fuerunt. Ultimo augusto accedit tertius post diarrhoeam, cum vertigine, propensione in somnum leuique delirio, nullis tamen stipatus conuulsionibus; aegra post somnum captum diu de doloribus ventriculi et dorsi conquesta, nec a venae sectione, nec a balneo, nec ab opiato leuata, vomitu quoque et dysuria tentatur; post balneum vero repetitum, pilulasque e sapone et martis sale datas, urina copiosa cum sedimento albo reddita fuit, doloresque prorsus cessarunt. Menstrua semper rite fluxerunt, et una hebdomade post singulos insultus praeterlapsa accesserunt. Vfus pilularum saponatarum et aquae spadanae et balnei frigidi continuatus illud effecit, ut nouembre mense leuis admodum dolor reuerteretur, fomentis applicatis facile dissipatus. Iam bene iterum valet aegra. Ex quibus omnibus dictis dein No-

p. 414.

ster quaestionem mouet, an spasmi isti fuerint conuulsiones nephriticae periodicae? illudque omnino vel ex eo affirmat, quod in aliis feminis similes obseruauerit dolores nephriticos, ante mensium ingressum a turgentibus magis et distentis eo tempore partium utero vicinarum vasis oriundos; et quamuis nullum adfuerit symptoma nephritidi proprium, et

G 3

dysuria

dysuria tertio demum insultu accesserit, diarrhoea vero per consensum ab irritatis urinariis viis nata sit, vel inde tamen illud patere Cl. Auctor colligit, mementos nimirum in morbis, in primis in nervorum affectionibus, vel ad leuissima symptomata, et potissimum ad iuuantium laedentiumque effectus attentos esse debere.

p. 417. 34) *Febris post partum historiam* tradit IDEM.*
Femina, quae duobus abhinc annis post refrigerium semper sub mensium accessionem insultus hystericos experta fuerat, iam partu feliciter peracto, lochiisque bene fluentibus, febre lactea corripitur quarto a partu die, languore, vigiliis, purpura comitata; accessit delirium, lingua fit sicca et nigra, pulsusque parvus et celer. Diaphoreticis mitioribus datis et antispasmodicis, vesicatorioque capiti applicato, multum inde feri euocatum fuit; nono die febris se remisit et aegra paululum dormiit, melius se habens, spiritumque MINDERERI cum diluentibus perspirationis sustinendae causa sumsit, lateribus calidis simul pedibus applicatis: Sed duodecimo die increuit delirium, accessit coma perpetuum et conuulsio, respiratio difficilis, inquietudo, pulsusque vix persentiscitur: stimulant clyisma non retinetur, vesicarium non attrahitur, urina inuoluntarie effluit: tandem sinapismi in pedibus vesicam cient humoresque alliciunt, quorum affluxus, cataplasmate emolliente et unguento ad vesicatoria applicatis, largiter promouetur. Quum ore nihil ingeri posset, cortex peruvianus in decocto capiti papaueris albi clysmatibus bis per diem repetitis iniectus fuit cum optimo successu, ut sensim cessarent dira illa symptomata, et post continuatum clysmatum dictorum usum, iam ore corticem et cibos iterum adsumeret aegra, pristinasque vires recuperaret.

35) *Fe-*

* d. 1 maii 1755.

35) *Febris malignis symptomatibus stipatae historia* p. 420.

recensetur ab EODEM.* Virum mediae aetatis animi affectu vehementiore agitated inuasit febris, atque vomitorio et diaphoreticis, venae sectioni vesicatoriisque adhibitis pertinax haud cessit, sed increuit potius, exanthematibus, delirio, vigiliisque stipata, et a dato moscho et cortice peruuiano nihil mutata, per integrum fere mensem perdurauit: Tandem Noster in auxilium vocatus, continuos tremores et subsultus tendinum, pulsum paruum, vix digitis percipiendum, linguam muco obductam, auditum grauem, sudorem fere colliquantem, delirium, inquietudinem, pustulas rubellas in pectore, purpureo liuidas in dorso obseruauit. Aluo primum clysmatis calidi ope libera reddita, dein tinctura antimonii cum vino rubro, elixirium vitrioli et tinctura volatilis cort. peruuiani cum liquore salino vel tinctura rosarum tam exoptato cum successu exhibita fuerunt, ut post tres dies sudor sensim parcius flueret, pustulae rubellae bene suppurarent, liuidaeque cum tremoribus, subsultu, delirioque prorsus disparerent, et morbus abscessu in aure dextra formato solueretur. Cuius abscessus, vesicatorio pone aures applicato, suppuratio larga cum sustineretur, omnia in melius mutata, pulsus fortior et plenior, urina saturata cum sedimento, linguaque naturali colore conspicua post aliquot dies fuerunt. Tandem tincturae simplex chinae corticis et breui post eius decoctum saturatum, cum interpositis rhabarbarinis, omnem curationem perfecte absoluerunt.

36) *De insolitis aquarum in variis Britanniae se-* p. 423.

ptemtrionalis locis motibus, terraeque Dunbartoni sentito tremore relationes a non nullis viris exhibitae leguntur, quas quidem ipsa societas iudicauit non adeo singulares esse notatuque dignas, aliquam tamen ad
plenior

G 4

* d. 1 maii 1755.

pleniorẽ tanti phaenomeni unitis doctorum laboribus formandam historiam praeberẽ materiẽ. Ex his, quas sigillatim recensere iam haud licet, illud omnino memorari meretur, vehementissimas aquarum agitationes, calendis nouembris ipsis, quibus Lisbonae contigerat dirus ille terrae motus, in continenti terra non sentitas, in variis tamen lacubus et stagnis et in primis in profundiori palude, *Lockness* dicta, quae vel dirissima hyeme non congelata umquam fuit, obseruatas fuisse, ad plurium pedum altitudinem eleuatis aquis et vicinos agros inundantibus.

XIII.

De Bagni di Pisa posti a pie del monte di san Giuliano Trattato del Dottor GIOVANNI BIANCHI, Medico primario di Rimini. Firenze 1757: à spese della stamperia Paperiniana. 8 mai. pl. 6. c. icon.

h. e.

De balneis Pisanis, ad radicem montis St. Iuliani positis, Tractatus Auctore D. IOH. BIANCHI.

Breuẽ balneorum Pisanorum descriptionem expectabant non nulli Cl. Auctoris amici, quam in epistola quadam exhibere secum constituerat, sed crescente eius mole, melioris ordinis gratia in capita quinque diuisit, et ita praesentem libellum conscripsit, qui minus necessarius videbatur, cum Cl. COCCHI paucis ante annis ampliorẽ tractatum de iisdem conscripsisset. Noster vero opusculum hoc iis utile esse statuit, qui aquarum harum naturam et indolem ex succincta quadam descriptione cognoscere cupiebant

bant, passim etiam non nulla, quae a Cl. COCCHI sententia recedunt, proponit.

Opusculum in quinque capita diuisum est, in quo- p. 1.
rum primo *situs balneorum* describitur. Cum in alia parte territorii Pisani balnea quoque deprehendantur, antiquitate et aquarum bonitate celebria, minus tamen ab aegris frequentata, quam ea, quorum aquae ad radicem montis St. Iuliani scaturiunt, ea sedulo distinguit Noster, tractum huius montis curiosius describit, et simul aliarum aquae scaturiginum, ex eodem monte promanantium, mentionem iniicit. Saxum montis St. Iuliani durum est, flauescente et coeruleo colore conspicuum, impressionesque arbusculorum, dentritas vocant, ostendit; ipsum vero ad aedes exstruendas aliaque vitae commoda adhibetur. Huic vicinus est mons ex saxo albido compositus, et inter utrumque hunc montem aqua medicata nunc describenda erumpit. Cum in his montibus vestigia rerum marinarum petrefactarum non inueniantur, quae tamen in colliculis vicinis copiosa deprehenduntur, illos primigenios esse asserit, et arbores, situm terrarum vicinarum earumque culturam studiose describit.

Caput secundum de *antiquitatibus balneorum Pisa-* p. 9.
norum exponit. PLINIVS iam eorundem mentionem iniicit, eaque cum balneo Paduano, d' Abano dicto comparat, fragmentum etiam inscriptionis, in iis locis repertum, antiquitatem earundem declarat, immo ex columnis earumque capitellis, ad architecturam etruscam pertinentibus, vere colligitur, ante tempora imperatorum haec balnea frequentata fuisse. Ab antiquissimis his temporibus usque ad seculum decimum tertium, nulla vestigia descriptorum horum balneorum inueniuntur, eo autem tempore Pisis leges stabilitae fuerunt, de bono ordine, in his balneis

conferuando. De varia instauratione horum balneorum, ac de scriptis, qui eorum mentionem iniiciunt, postea agit Noster et non tantum editiones citat, sed varias res, quae historiam horum balneorum illustrant, excerptit. Monet inter alia *Traſſatum MERCVRIALIS* de balneis Pisanis non Francofurti 1602 primum editum fuisse, sed in eius pralectionibus Pisanis Venetiis 1597. in fol. impressis, simul exhiberi.

p. 23. Caput tertium *instaurationem recentissimam horum balneorum* considerat, quae a FRANCISCO I. Imperatore Romanorum et magno duce Hetruariae, anno huius seculi quadragesimo secundo, suscepta fuit, opus dirigente Ill. Comite de RICHECOURT. Aedificia igitur, quae ad balneum orientale et occidentale pertinent, balnea varia nominibus deorum gentilium insignita et distincta, cameras, in quibus embrocha, scilicet flumen aquarum per tubos versatiles ad varias corporis partes validius applicatur, nec non alias, in quibus balnea laconica per calorem siccum et sudorem excitantur, succincte describit. Icon ad-dita elegantiam aedificiorum et situm balneorum non nihil adumbrat.

p. 32. Caput quartum *praecipuas qualitates aquarum balnei Pisani* recenset. In calore aquarum definiendo usus est thermometro Fahrenheitiano, quod inter punctum glaciale et aquam ebullientem ducentos et duodecim gradus, et in nonagesimo sexto gradu calorem circiter sanguinis naturalem ponit. Maximus calor aquarum in balneo orientali, speciatim in cisterna magna est graduum 106, decem igitur gradibus superat calorem sanguinis naturalem. Magis temperatus itaque est in reliquis balneis, scilicet in cisterna laterali grad. 105 et in puteo, ex quo bibitur grad. 103, in balneis reliquis grad. 100 vix excedit, qui igitur

igitur balnea intrant, refrigerium admittunt viri ad grad. 98. foeminae ad grad. 94. In balneo occidentali calor ad grad. 100 non accedit, balnea lateralialia longe temperatiora sunt, et a Cl. Auctore accurate definiuntur.

In causas caloris aquae breuiter inquirat Noster p. 43. et eas supra mineras sulphuris et ferri progredientes incallescere cum aliis affirmat. Porro quoque aquas sua natura calidas citius ebullire, quam frigidas, experimento instituto contra aliorum sententiam asserit.

Praeter calorem, cremorem et sal harum aquarum p. 47. describit Cl. Auctor, in superficie enim materia calcarea siue cremor albissimus et splendens coit, et collectus subsidet, id, quod etiam sub euaporatione cognoscitur, diuersimode tamen in diuersis aquis: in cisterna enim magna duodecim librae grana 113 dederunt; haec satis calida est, in fonte Neptuni utpote frigidior sex scrupuli et gr. 14 inuenta fuerunt, in occidentalibus balneis ex simili quantitate aquae gr. 109 materiae calcareae collectae fuerunt, in frigidioribus minor semper quantitas. Si calcarea haec materia in aquis deprehenditur, instillato oleo tartari per deliquium lactescunt, acido vero vitrioli vel nitri super addito iterum pellucidae fiunt. In acidulis Asciani fontis, in quibus pauca materiae calcareae vestigia deprehenduntur, oleum tartari per deliquium aquas non turbauit. Materia calcarea insipida quidem est, calcinata tamen salis, arcano duplicato similis, exiguum partem exhibuit.

In balneis orientalibus, speciatim in balneo Neptuni p. 50. libra aquae tria grana salis amari Epsomensi similis exhibuit, occidentalia vero balnea, speciatim balneum reginae, vix unum alterumque granum salis marino simillimum dedit, nulla vero aluminis indicia praebuit, quae his aquis a multis adscribuntur. Fons Ascianus vix granum semis in libra aquae continet.

His

p. 53. His de caloris, terrae calcareae et salis praesentia in balneis Pisanis demonstratis, ad qualitates quasdam, sensibus quidem non ita obuias, sed tamen sat certas enarrandas progreditur, cum in his ipsis vis

p. 56. aquarum magis nobilior reddatur. Adducit ideo primo loco spiritum elasticum mineralem, qui in aqua calida non tantum, sed in aqua frigida quoque Asciani fontis deprehenditur, et quem in persanandis morbis per usum harum aquarum praecipue cognoscunt medentes. Simili etiam modo ferri particulas assumit, quae quidem post euaporationem magnete vel alio experimento chemico deteguntur, sed ex virtute roborante innotescunt; illis itaque aliquam volatilem indolem adscribit, quam non nulli quidem negabant, ipse autem ex aquis martialibus arte factis demonstrat, quae ferro candefacto immisso vim martialem recipiunt, licet martis particulae inde reduci nequeant. Addit et alia argumenta, quibus martis praesentiam euincit, v. c. dentritas lapidibus impressas, quae non nisi a tinctura ferri oriuntur, rubrum colorem in quibusdam montis partibus a marte tingente deducendum, maculas flauas in lintheis eorum relictas, qui balneis utuntur. Porro quoque his aquis sulphureum vaporem adscribit, licet nec odore nec sapore displiceant, eumque potissimum ex aquis Asciani fontis demonstrat, in quibus ferrum politum nigrescit, et odor ingratus sulphuris spargitur, tandem etiam acidum volatile spirituosum, siue spiritum volatilem aluminosum, immo nitrosum, euincere tentat, et inde etiam ad vim earundem solida roborantem concludit, qua de causa in morbis chronicis potissimum egregios effectus producant.

p. 69. Caput quintum *morbos particulares recenset, quibus aquae balneorum Pisanorum medentur*; declarat itaque, quomodo apoplecticis, paralyticis, epilepticis, vertiginosis et conuulsivis insultibus, doloribus capitis aliarum-

aliarumque partium, asthmati in primis conuulsivo, tussi inueteratae et laesionibus pulmonum, tanquam praestantissimum remedium opponi possint. Et aneurysmatibus pectoris eiusque hydropi opponi posse contendit, non tantum ob diluentem et roborantem virtutem, sed quoniam sanguinem liberum reddunt a particulis corrosiuis, quae tunicas aortae arrodunt, et ideo dilatationi praeternaturali ansam praebent. Qua in re aliisque non nullis Cl. Auctor magis subtili theoriae, quam fidae experientiae inhaerere videtur. In anorexia, diarrhoea, dysenteria, lienteria et colicis periodicis ceu vitiis primarum viarum, nec non in morbis renum et vesicae praestantissimos interdum effectus expectari posse lubentius concedimus. Tandem quoque non nulla de podagra et morbis venereis subnectit.

In Appendice *regulae generales de usu harum aquarum adduntur*. Equidem vix dari possunt regulae generales, cum morborum et aegrorum differentia satis ostendat, et usum internum et balnea et stillicidia et vapores vel coniunctim vel separatim adhiberi posse, et haec omnia a medico rerum perito diiudicari debere, interim de victu, somno, quiete et motu breuissimis agit, et quantitatem, tempus et locum simul definire studet.



XIV.

Raccolta d' Opuscoli scientifici e filologici, Tomo L. in Venezia, 1754. 12. 21 pl. 2 tabb. aen. Tomo LI. in Venezia, 1757. 1 alph. 2 plag.

i. e.

Collectio Opusculorum scientias et philologiam illustrantium. Tom. L. LI.

Cepimus in antecedentibus Tomos huius sylloges priores indicare, et eorum argumentum, pro instituti Nostri ratione, qua physicam et medicinam, breuiter enarrare. Eadem nunc vestigia prementes, Tomos huius operis ultimos recensebimus, siquidem continuatio eius nacta nomen nouae collectionis Opusculorum, noua tomorum serie ab anno inde 1755 editur; de qua alibi nobis sermo erit.

Tomus L. continet, primo quidem loco **STEPHANI M. FABBRVCCI**, I. C. Florentini Opusculum XI super historia critica Pisana Vniuersitatis, ex quo, cum in plerisque ad nostrum scopum non facit, hoc tamen unum decerpere licebit, quod de schedis **Duumuironum** illustrium **GALILAEI** et **TORRICELLII** ibidem refertur, physicis praesertim gratissimum. Dignus est locus, quem ipsis **FABBRVCCI** verbis huc transcribamus. *Superses est* **IO. BAPTISTA Florentini Senatoris** **IO. BAPT. NELLI** posthumus filius, qui celeberrimo **GALILAEO** ex testamentaria **VINCENTII VIVIANI** dispositione, obstrictus, in ecclesia Florentina S. Crucis P P. Minorum, elegantissimam epigraphen, subsidiario calamo, adhuc adolescens, et pene potius puer apposuit, et nunc **I. V. Laurea** donatus et decenti connubio iunctus haereditaria quaedam praelaudati **VIVIANI**, et exiguo impendio forte fortunae emtas ipsius **GALILAEI** et **IO. EVANGELISTAE**

GELISTAE TORRICELLII pretiosissimas schedas haëtenus squallore ac puluere obfitas, in rempublicam literariam, obstetricio munere, inuecturum sese recepit; et utinam tam lautae suppellectilis, hac vel alia ratione, aliquando compotes efficiamur. Huic FABERVCCI voto, ut pio et rei physicae perquam profuturo, exhortationem nostram addimus et Consultissimum NEL-LIVM vel publico nomine rogamus, huius promissi, nisi iam facti, aliquando immemor ne fiat.

Hoc opusculum excipit IOSEPHI ANTONII p. 127.
 PVSATI ad filium ANTONIVM GAETANVM epistola, de causa motus animalis in corpore humano; in qua Cl. Auctor contra STAHLIVM eiusque sequaces docet, animam non adeo influere in corpus, ut huius motus animales ab ea deduci proxime debeant, neque functiones animales, secretiones et excretiones, motus sanguinis et liquorum ab anima immediate regi. Corpus enim, ut complexus plurium ordi- p. 161.
 num mirabilium, ab anima tanquam a causa primitiva vitam et sanitatem remote mutuatur, attamen anima non pro causa immediata et proxima motionum naturalium, multo minus pro causa motionum irregularium, sanitatem turbantium, habenda est. Adicit Auctor hanc STAHLII opinionem minime novam, sed antiquitus nonnullis iam usitatam esse, quorum meminit GALENVS Cap. I. libri de plenitudine. Et hoc quidem loco Doctissimi SAVVAGES examinat argumenta, pro confirmanda Stahlianâ hac de re sententia in medium adducta: Neque hos praeteruehitur Auctor, qui naturam quaevis dicunt in corpore nostro operari, aut viribus animalibus omnia ibidem absolui, ante quam explicent, quid per naturam viresque animales velint intelligi. Tandem argumentis aequae ac experientia euincit, non opus esse operatione animae immediata ad actiones mere animales producendas, sed sufficere mechanismum, quo

quo ad motum sollicitato omnia reliqua perfici facile possunt.

p. 245. Sequitur *historiae fossilium in agro Pisauriensi locisque vicinis reperiundorum pars secunda*; Auctore IOAN. BAPTISTA PASSERI, cuius partem primam in antecedentibus iam indicauimus * continet haec secunda pars praeter relationem de conchis montium Pisaurinorum aliorumque locorum, ubi forte occurrunt, breuem explanationem modi, quo huius modi fossilia a natura huc reposita et conseruata fuerint. Quo ipso Auctor examinata eorum sententia, qui testaceorum in montium visceribus existentiam a diluuiio repetunt, eam cum recensitis aliis opinionibus non solum reiicit, sed aliam quoque substituit, partim ex terrae motibus, partim ex aquis naturaliter et successu temporis subsidentibus, nouam terram continentem, colles item, ac montes producentibus: id, quod Auctor, si non de omnibus fossilibus, saltem de corporibus marinis sub iugis montium latentibus, probari posse sibi persuadet.

p. 301. Posthaec Ill. Comes MUCIVS MVZANVS modum exponit *detegendi varios motus macularum solis veros et apparentes, usu earundem simul declarato*; ad quod efficiendum Ill. MVZANVS utitur arcu in disco solis apparente ab solis ortu ad eius usque occasum per motum maculae descripto; cuius demum ope verus maculae situs quauis diei hora designari atque reperiri potest.

p. 455. Postremo BONAVENTURA PEROTTI, *observationes non nullas sistit medico-anatomicas, de splene humano solito quinquies maiori et ex parte in substantiam osseam commutato; de insolito renum situ, et vasorum in iis sanguineorum, diuersa conformatione*;

* vid. Comment. nostr. Vol. III. P. IV. p. 654.

tione; sinistro nempe tribus arteriis et una vena, dextro contra una tantum arteria et duabus venis instructo: de quibus omnibus in praesens plura differere nolumus, alia et prolixiora, ubi ad novos huius sylloges tomos deuenerimus, prolaturi.

Tomi LI pars prior complectitur opusculum duodecimum super Historia Vniuersitatis Pisanae СТЕРН. МАРИАЕ ФАББРУЦЦИ; cui tandem succedit pars tomi posterior, indicem continens personarum et rerum maxime notabilium, quarum in his quinquaginta sylloges tomis aut aliqua facta sit mentio, aut plenior tractatio occurrat.

XV.

**Noua Acta Physico-Medica Academiae Caesar-
reae Leopoldino-Carolinae Naturae Curio-
forum. Tomus I. acced. Appendix et Tabb.
aen. 13. Norimbergae. Impensis Wolfgangi
Schwarzkopffii. Anno 1757. 4. alph. 2. pl. 14½.
Append. c. Indice alph. 1. pl. 16.**

Quae per integrum saeculum floruit Academia Caesarea Leopoldino-Carolina, haecce nouum iam saeculum ingressa datis stetit promissis, primumque nunc nouorum edidit Actorum tomum. Cum a praecedentibus actis noua haec quodam modo differant, mutationes ideo susceptas breuiter annotamus. Solam nempe exteriorem istas concernentes formam, in maiori nitidiorique ornatu atque iconibus magis artificiosis et accuratis consistere, ipsiusque operis inscriptionem sub Actorum Nouorum nomine, a prioribus distinguendorum, mutatam, atque sectiones eorum non amplius Volumina, sed Tomos ob euitandam, in prioribus citandis, confusionem, insigniri, ipsa praefatio refert.

Tom. VII. Pars I.

H

In

In recensendis, quibus Tomus hic abundat, observationibus, earum tantum rerum, quae singularem attentionem merentur, mentionem facere, statutum habemus.

p. 1. 1) *Haemoptysin hypochondriaco - haemorrhoidalem periodicam, per XL. annos, sine phthiſeos labe durantem, maraſmo tandem ſenili terminatam* Cl. ALBRECHT deſcripſit. Mirandum hic fuit, quibusnam viis ſanguis, ob fluxum haemorrhoidalem haud procedentem, verſus ſuperiora tendens, progreſſus ſit. Malo enim hoc, primo circa os ſacrum, dein in dorſo et inteſtino recto, tandemque in hypochondrio dextro, ſentito ſanguis, qui nec inſignis rubedinis, nec adeo ſpumofus, uti haemoptoicis ſolemne alias eſt, ex faucibus exiit. Ad ſeptuageſimum uſque annum hac labe afflictuſ vixit, tandemque ſine ulla phthiſeos nota periit.

p. 6. 2) IDEM *Polypos binos cordis latentes variorum grauiſſimorum ſymptomatum et tandem mortis cauſas obſeruauit.* Graui hoc morbo laborantis atque difficili et anxia reſpiratione, interpoſitis lypothymiis, ſummisque anxietatibus cruciati, mente hinc interdum alienati, tandem mortui corpus diſſectum, inter alia, cor magnum huiusque ventriculos ſanguine vacuos, nec non magnum ex dextro ventriculo in arteriam pulmonalem decurrentem polypum, omne huius vaſis ſpatium occupantem exhibuit. Ex ſiniſtro autem ventriculo polypus trium quidem linearum, ſed ultra pedem longus repertus fuit. Notatu dignum hic videtur, quod aegrotantis, dum in viuſ fuit, pulſus ad modum quidem debilis, ſed nunquam intermittens, polypi ſuſpicionem alias excitans, obſeruatus fuerit.

3) Cl.

3) Cl. G. C. MATERNI DE CILANO descriptio p. 10.
hydrocephali, post imperitum corticis peruiani usum repente exorti atque lethalis. Rusticus febre tertiana correptus fuit, ad quam profligandam sine praeuia praeparatione statim corticis peruiani uncias tres tonfor quidam exhibuit. Febre hac propulsa, insignis languor relictus fuit, atque in insignem tumorem excreuit caput, ita, ut hoc duplo maius factum vere hydropicum euaserit. Faciei postea cute rupta, sero emanante, tumoreque dolorifico facto, totum corpus magnus inuasit calor, atque tumor ipse rubicundus apparuit, hicque tandem in sphacelum mutatus aegrotantem vita priuauit.

4) *De delirio periodico, ex alui obstructione, alter-* p. 12.
nis semper diebus recurrente, mentionem facit IDEM, atque, haec scribens, foeminam hac calamitate afflictam, cunctaque remedia abnuentem, ad alterum iam annum malo hoc vexari, perhibet.

5) *Non nulla de empyemate in vera pleuritide sub-* p. 14.
nato, postea sponte rupto, cuius materia purulenta, una cum urina excreta est, annotauit IDEM. Notabile hic est, quod puris descensum ex pectore in abdomen, illiusque progressum ad dorsi longitudinem in infimum ventrem se distincte sensisse perhibet aeger.

6) *Ab eodem spasmus opisthotonus lethalis, exp.* p. 16.
nerui plantaris laesione ortus, describitur. Homo quidam pedem dextrum clauo impacto laesit, paulo post violento opisthotono per viginti sex dies correptus, conuulsionibusque quotidie insimul cruciatus periit. Miserandam huius figuram aeri incisam hic animaduertimus.

7) *Calculi vesicae praegrandis, insueta haecenus* p. 18.
via, incisa scilicet vagina uteri, ex vesica feliciter ex-
H 2
tracti,

tracti, historiam tradit Cl. SPRINGSFELD. Calculum in foemina nobili suspicatus, notum illud medicamentum lithontripticum IOANNAE STEPHENS per tres menses, incassum vero, exhibuit. Sectione igitur in auxilium vocata, atque vesica cum vaginae membrana superiore et interiore recto vulnere incisa, calculus trium unciarum sexque drachmarum pondus, nec non oui gallinacei magnitudinem aequans, extractus fuit. Vtraque huius extremitas rara, mollis, friabilis cauernulisque distincta fuit, tertioque inter deligandum die super linteolo membrana lata carnosae reperta, quae, utrum pro sacculo, cui calculus inclusus fuit, haberi possit, non determinatur. An etiam ista raritas remedio illi usurpato tribuenda sit, itidem affirmare Cl. Auctor non audet. Foemina servata, bis deinde partum enixa est. Tabul. 1. fig. 2 et 3. calculi figuram repraesentant.

p. 28. 8) *Animadversiones quaedam botanicae a IOANNE CHRISTOPH. BVXBAVM, Professore Petropolitano, consignatae, nondum vero publici iuris factae, nunc autem editae a Cl. SPRINGSFELD.* Cum non nullae a b. BVXBAVM collectae plantae et exsiccatae, tam marinae, quam terrestres, in primis musci, lichenes et gramina, pariterque animadversiones quaedam botanicae ab eodem conscriptae, in manus Cl. SPRINGSFELD venerint, istas publici iuris facere, non dubitavit.

p. 29. Animadversio prima *Chenopodium* concernit. Ab auctoribus nimirum plerumque confundi *Chenopodii* species, asseruit b. BVXBAVM, ad quem ideo tollendam sequentia notavit: *Chenopodium*, quod a TABERNAEMONTANO sub *Pedis Anserini*, rubros fructus proferentis, nomine describitur, idem est cum *Chenopodio*, folio laciniato, coma purpurascente, vel et coma virescente variante. *Chenopodium*

dium vero latifolium, minus ramosum, florum petiolis longissimis, ex foliorum alis confertim nascentibus Cat. Hall. illi non adiungendum, sed pro Chenopodio spicato, folio triangulari, dentato, Botan. Paris. habendum est. Ab hoc aetate tantum differt Chenopodium sylvestre Opuli folio Botan. Paris. quod ad Chenopodium coma purpurascens ivs s. refertur. Chenopodium vero stramonii folio Pes Anserinus II TABERN. esse dicitur. Tandem Chenopodium humile, calycibus purpureis, instar stellae expansis; porro Chenopodium maritimum, quod et Blitum maritimum dicitur, atque demum Atriplex maritima pro nouis speciebus a b. B V X B A V M habitae traduntur.

Animaduersio secunda *Muscorum quorundam minus cognitorum* mentionem facit. Nuncupantur 1) Muscus minor, lanuginoso similis, capitulis erectis; 2) Muscus arboreus, apocarpos foliis pennatis; 3) Muscus palustris ad Fontalem I. B. accedens minor.

Animaduersio tertia in manus Cl. SPRINGS-FELD non venit.

Animaduersio quarta *Fungos lac acre manantes* p. 32. commemorat. De his antiquiores botanici unam speciem, fungum scil. album acrem, recentiores vero plures praeter necessitatem constituisse dicuntur. Dari tamen fungos, lac acre manantes, a fungo albo acri diuersos, horumque duas esse species asserit b. B V X B A V M. Prior nimirum fungum minorem, lacte acri turgentem, liuidum, solidioris texturae, fungum mediae magnitudinis, coloris liuidi, interdum ad coeruleum, interdum ad rubrum vergentis, sistit. Posterior species fungus est capitulo maiore, minus circinato, coloris lateritii, et pediculo breuiore.

Animaduersio quinta *fungorum porosorum* meminit. p. 33. Horum licet a recentioribus plures constituantur species, tamen non nisi duas esse idem dicit. Eos enim pro diuersa anni tempestate variare refert.

P. 35. Animaduersio sexta *fungorum* iterum mentionem facit. Magna, opinante eo, fungorum hic regnat confusio, eorumque plures, ac vere sunt, enumerantur species. Distinctio in esculentos et noxios nullo fundamento nititur, siquidem multi apud non nullas gentes esculenti sunt, qui ab aliis pro noxiis habentur. Praeter consuetudinem igitur nullas dari notas, quibus fungi noxii cognosci possint, Idem affirmat.

P. 37. Animaduersio septima *Lunariam* concernit. Plantulam hanc, quae *Lunaria botrytos* I. B. dicitur, cuiusque nomen retinetur, false *Osmundae* adnumerari, nouamque huius speciem in *Ingria* collectam et a b. BVXBAYM *Lunariam* minorem, folio *cicutae*, dictam fuisse, legimus.

P. 38. Animaduersio octaua *Graminum Cyperoideorum* descriptionem exhibet. Gramina haec sequenti ordine traduntur. 1) *Cyperoides altissimum*, gracile, spicis exiguis, aculeatis, longe distantibus. Culmi tenuissimi, debiles, triquetri, intra fasciculos foliorum longissimorum nascentes, istud a congeneribus distinguunt. 2) *Cyperoides elatis spicis, rotundis, spadiceo viridibus*. Hoc summa spica interiore parte florifera, superius seminifera ab aliis differt. 3) *Cyperoides humile, spicis habitioribus hirsutis*. Hoc distinguit spica in summo culmo unica, florifera ex integro, una vel duae proximae superiore saltem parte floriferae, seminibus subiectis. 4) *Cyperoides minus angustifolium, spicis paruis globosis, fuscis*, in summo culmo spicas communiter tres rotundas, e squamis spadiceis conflatas habet.

P. 39. Appendicis tandem loco sequentes ab EODEM descriptae traduntur plantae. 1) *Rubus humilis flore purpureo*. 2) *Alfinastrum* T I. 3) *Fungus ramosus niger, compressus, apicibus albidis* R A II. 4) *Stachis minor valde tomentosa, spica Veronicae*. 5) *Gramen pratense purpureum, aristatum, purpurascente spica* 6) *Agaricus*

Agaricus squamosus marginibus luteis. 7) *Fucus minimus roseus.* 8) *Planta palustris ad Potamogeton accedens, seminibus umbellatis.* 9) *Muscus stellaris humilis, capitulis nudis, ad apocarpos accedens.*

Ad finem harum animadversionum specimina p. 43. aliquot plantarum a b. BVXBVMIO exsiccatarum, hic vero aeri incisarum, in addito scholio egregie illustravit Ill. TREW. Quae enim a Cl. SPRINGSFELD communicata acceperat Buxbaumianarum plantarum, in primis e Lunariae et Rubi genere, specimina sicca cum aliis e suo herbario instructissimo additis, non solum tabulis aeneis depicta exhibuit, sed etiam haec cum figuris et descriptionibus eorundem a multis optimisque botanicis datis studiosius comparavit, atque varietates, an novae species constituent, accurate docteque definiit. Sunt vero ex his praecipue nominandae aliquot varietates Lunariae vulgaris et nova species cicutae folio dicta a BVXBVMIO, atque a nullo adhuc descripta botanico, itemque Rubus humilis flore purpureo.

9) *Pomeraniae ulterioris fons medicatus Polzinenfis* p. 60. describitur a Cl. D. G. THEBESIO. Huic fonti principium martiale volatileque sulphureum, limpidissima aqua dilutum, inest. Praeter haec et terram alcalinae indolis in eodem reperiri, experimenta ostendunt. Fontis huius, aquis Lauchstadiensibus aequiparati, usus externus tantum est, et in morbis chronicis, nervosi in primis generis affectibus, ut contracturis, paralyti cet. Deinde etiam in morbis ab atonia viscerum nervosique generis debilitate ortis, ac malo hypochondriaco, hysterico cet. magnarum depraedicatur virtutum.

10) *Superfoetationis* casum annotavit IDEM. p. 65. Foemina duos uno diei spatio edidit foetus, quorum prior sanus atque perfectus prodiit, posterior vero

aliquot elapsis horis editus, flaccidus et trium aut quatuor mensium iudicatus fuit. Ex incremento huius minori et infirmiori corporis habitu casum hunc veram superfoetationem sistere, Auctor sibi ipse persuadet.

- p. 69. 11) *IDEM partus continuo numerosi* mentionem facit. Rustica foemina trino partu undecim foetus enixa, primo quadrigeminos, anno sequenti tergeminos viuos edidit, paulo post iterum quadrigeminos abortiuit.
- p. 70. 12) *Partus septimestris vitalis* historiam tradit *IDEM* atque enarrat, infantem septimo mense natum, debilem ad modum, oculis clausis, mutum, in capitis cute pilis carentem, ad nonum usque mensem eundem, ac in utero, situm membrorum, naturalesque excretiones, licet respirauerit, retinuisse, atque summa matris cura educatum, vigesimum quintum iam aetatis annum tetigisse, ita tamen, ut primo grallis suffultus, dein absque his genubus curuis incedens, imberbis pueruloque aequiparandus in conspectum prodeat.
- p. 74. 13) *IDEM terminum parturiendi grauidis ut plurimum certum* constituit, atque iuniores, quae circa nouilunium mensium fluxum patiuntur, partum eo imminente aut in ipso nouilunio eniti, adultiores vero, quae maximam partem circa plenilunium menstruatae sunt, ipso cum plenilunio parere, expertus asserit.
- p. 77. 14) *Optima iteratos abortus praecauendi remedia* *IDEM* commendans, ista, si uteri atonia abortus causa sit, a summa per plurimos gestationis menses quiete institutaque tertio cuiusuis mensis initio venae sectione suppeditata fuisse, atque effecisse, ut foemina

mina partum dein perfectum ediderit, annotat. Sola autem venae sectione abortus non semper praecaveri, imo ea repetita ad abortiendum foeminas disponi, affirmat.

15) *Largiorem et repetitam in gravidis venae sectionem infantum imbecillium causam* IDEM statuens, gravidas etiam plethoricas tuto saepe venae sectionem omittere posse, ideoque cautius in gravidis venae sectionem admittendam esse praecipit. p. 80.

16) *Curam recens natorum corporis et animi formatricem* esse IDEM ostendit, causasque corporis animique corrupti in nutricibus mercede conductis, porro nimia ciborum et praematura spirituum ingurgitatione, pariterque praemature omissa fasciarum inuolutione, nimiae demum cunarum agitatione inueniens, horum igitur abolitionem sedulo commendat. p. 82.

17) *Morsum hominis summe irati et alterius in necem intenti periculosum* annotavit Cl. L. G. KLEIN. Militem quemdam latro male tractat, eiusque digitum, illum pro mortuo habens, mordet, postmodum in fossam praecipitat. Miles, qui mortuum se simulavit, quantum valet, urbem vicinam petit, ubi curae chirurgi committitur. Digitus demorsus gangraena correptus amputatur, atque vulneribus sanatis restituitur vulneratus. p. 85.

18) *Spinam humeri et brachii ventosam fatalem* ex paronychia pessime tractata describit IDEM. Rusticus paronychia laborans et ad barbitonforem accedens statim ab eo ad amputationem praeparatur. Operatio ita facta est: Ipsius rustici cultro communi digitum utrinque incidit, torquet et auellere tentat iste; his incassum tentatis, eundem cultrum intra digiti phalangam primam et metacarpum intrudit, quo facto

facto digitus maximam partem abscissus, tandem ab illo circumforaneo manu auellitur, ipsa autem cura soli fere naturae committitur. Operatione hac crudeli peracta brachii affecti status de die in diem in peius ruit, idque in insignem excreuit magnitudinem, atque spina ventosa in eo primo obseruata, sphaceloque postmodum oborto, miser ille misere demum periit.

p. 91. 19) *Herniae inguinalis, incompletae, inflammatae suppuratae, ruptae, consolidatae exempla bina* proposuit IDEM, tumoreque suppurato, sponte dein rupto, in utrisque lumbricos per aperturam exiisse, obseruauit.

p. 92. 20) *Usus Ducciae Mattiacarum ad rheumata* commendatur ab EODEM. Deriuatur nimirum aquarum stillicidium, quod *Ducciam* vocat, ad partem affectam, quo per aliquot tempus continuato, furunculis prius obortis hisque rite tractatis, rheumatismum cedere Cl. Auctor perhibet, pariterque rheumatismos furunculis sponte obortis cessare, obseruauit.

p. 94. 21) *Hydropem scroti post variolas manu feliciter curatum*, ita, ut instrumento, quod *Trois-quarts* vocatur, applicato librae aliquot aquarum exierint, cuteque dein, ob lentum humorum effluxum, scalpello incisa, aquae ad triginta libras successiue emissae fuerint, IDEM commemorat.

p. 96. 22) *Testiculi dextri tumorem praegrandem a conuassatione, discussum, data occasione recrudescentem, variolis plenarie superatum* describit IDEM, hacque insimul occasione, ex alius medici obseruatione, tumorem testium venereum, superueniente febre, resolutum fuisse, perhibet.

23) *Scari-*

23) *Scarificationis sinistrum euentum* obseruauit Cl. p. 97.

H. F. DELIUS. Ex ultima nimirum scarificatione homo quidam molestum pruritum in eo dorsi loco, ubi illa suscepta fuit, sentiens, eumque manibus et ad columnam ligneam fricans, inflammationem ibi excitauit, ad quam curandam balneator unguentum ex adstringentibus applicuit. Auctum inde malum in ingentem abscessum, ad gangraenam tendentem, abiit. Ast remediis rite adhibitis, pureque exeunte, eo tandem malum dispositum fuit, ut aegrotans euaserit.

24) *De secundinis serotinis* verba facit IDEM, licet p. 101.

Cl. Auctor putet, secundinarum extractionem non esse differendam, foeminae tamen meminit, quae secundinas per aliquot dies retentas, postea corruptas excreuit, et morbo superato euasit.

25) *Defluuium capillorum omniumque crinium uni-* p. 103.

uersi corporis singulare commemorat IDEM: hominem, enim vidit, qui nullum in ulla regione corporis pilum vel minimum habuit, quorum defluuium post morbum grauem superatum ortum fuisse notat.

26) Ab EODEM *febris epilepticae* mentio facta est. p. 104.

Licet ex inscriptione huius obseruationis nouam febris speciem suspicari facile quiuis posset, ipsam tamen obseruationem perlegentes animaduertimus, febrem hanc ad intermittentium tertianarum classem pertinuisse, symptomata autem febrem vel praecedentia vel concomitantia ita se habuisse, ut paroxysmus iste febrilis ab incautis facile pro epilepsia haberi potuisset.

27) *Asthma, Icterus et Haemoptysis tandem fune-* p. 107.

sta ex graui praecipuorum pectoris et abdominis viscerum labe oborta describuntur a Cl. C. F. KÜHN. Qui
hisce

hisce malis laboravit, in iuventute iam sentiit molimina haemorrhoidalia, post modum autem malis supra nominatis quotidie vexatus, vitamque de die in diem miseriores trahens, ultimo tandem vitae stadio sanguinem floridum spumescens ad duas mensuras reiecit, atque horis aliquot elapsis maiorem adhuc quantitatem sanguinis reiiciens, eo ipso momento extinctus est. In cadauere aperto, praeter aliorum viscerum statum morbosum, vesiculam felleam incisam ne guttulam quidem bilis emisisse, atque visceribus remotis singularem vertebrarum dorsi et lumborum curvaturam, cuius convexitas dextrum latus respexit, observatam fuisse, legimus. Notandum etiam est, quod in isto homine, dum vixerat, nec gibbositas nec etiam ulla deformitas exterius notata fuerit.

p. 110. 28) *Morbum a fascino malitiose simulatum* IDEM describit. Foemina videlicet anxietatibus insignibus, convulsionibus crebroque animi deliquio afflicta, plus quam simplici vice fasciculos ex pannis laneis et lintheis arte conuolutos, coram multis hominibus euomit, haecque, pro fascinata habita, iussu dein principis, ad eruendam veritatem, custodita serioque admonita tandem confessa est, se ita simulasse, haecque cuncta a vetula quadam didicisse, eademque saepe tentasse, usque dum in producendis illis symptomatibus satis exercitata illa pro lubitu producere potuisset.

p. 113. 29) *Hydropis tribus subiectis funesti* historiam tradit Cl. I. H. FÜRSTENAV. Isti aegrotantes, morbo illo defuncti, remediis absque ullo morbi decremento diu usi fuerunt, tandemque succubuerunt.

p. 117. 30) *Februm soporosarum* IDEM meminit. Descripto hominum quorundam, febribus his laborantium,

tium, statu Cl. Auctor addit, eiusmodi febres cortice peruuiano non debellandas, sed ob causam, in primis viis quaerendam, euacuantibus et digestiuis curandas esse.

31) *Sapor oris falsus* in viro quodam per quindecim annos observatus, nec ullis remediis obediens et ad vitae finem usque durans annotatur ab E O D E M.

32) *Prolapsus vaginae uteri in virgine* observavit p. 122. I D E M, insimulque annotavit, vaginae prolapsus frequentius ipso uteri prolapsu observari, foeminasque, viris nunquam nuptas, licet minus frequenter, huic tamen malo interdum obnoxias esse.

33) *Trepanatio in osse tibiae feliciter et cum fructu* p. 124. administrata annotatur ab E O D E M. Crure nimirum vehementer contuso atque carioso inde facto, ipsoque malo contra omnia remedia persistente, trepanum bis usurpatum fuit; qua operatione feliciter peracta, integrum ex interiori ossis tibiae lamina frustum exemptum malumque dein curatum fuit.

34) *Abscessus in femore* notabilem vidit et de p. 125. scripsit I D E M, perhibens, inter deligandum ingentem haemorrhagiam ortam fuisse, quam, nullis vasis maioribus laesis, pro vicaria ideo excretionem haemorrhoidali habuit.

35) *Ex diarrhoea in variolosis quaedam praesagia* p. 127. exhibet Cl. R. A. V O G E L. Omnes variolosos, qui statim ab initio morbi ad undecimum usque diem deiectiones aluinas habuerunt, euasisse; atque omnes contra, qui die undecimo elapso nunc demum diarrhoea laborarunt, obiisse, observavit, ideoque diarrhoeam, ita observatam, certi quid de exitu variolarum praesagientem, pro vero signo prognostico habendam

bendam esse statuit. Num vero, ut Cl. Auctor dicit, nemo adhuc eius rationem accurate habuerit, observationes de eadem hac re iam editae declarant.

p. 128. 36) *Anatomico hydraulicae observationes de arteriarum pulsatione* proponit Cl. F. L. B. de SAVVAGES. Quod arteriae non ob sanguinem, intra illas progredientem, sed ob impetum sanguinis, in illas a corde proiecti, versus earum parietes reflexum, et resistentias ideo expertum pulsant, ex legibus hydraulicis a Cl. Auctore demonstratur.

p. 141. 37) Cl. C. W. SACHSIVS instituit *sectionem anatomicam phthisici, mictum cruentum saepius experti, tandem ischuria ex spasmodis et inflammatione mortui, cum brevi huius morbi epicrifi*. Cadauere aperto, partibusque internis perlustratis, omentum fere totum corruptum, glandulae mesaraicae obstructae et notabilis magnitudinis, intestina hinc et illinc inflammata, pariterque viae urinariae inflammatione correptae fuerunt; in vesica autem urinaria caruncula quaedam ad eius orificium apparuit, quae hoc plenarie occlusit, unde etiam urinae retentionem frustraneamque catheteris applicationem Cl. Auctor deduxit. Pulmonum denique lobos ulcere, totam substantiam perreptante, nulla de reliquo vomicae praesentis nota, corruptos, neque praeter memoratas affectiones aliud quid in viis urinariis reperiit.

p. 146. 38) *Rachitidis congenitae atque hermaphroditi* meminit Cl. L. G. KLEIN. Cum in disquisitione corporis tenelli, pro hermaphrodito habiti, Cl. Auctor impeditus sectionem istius ad finem perducere nequiverit, dubium etiam remansit, utrum infans iste hermaphroditis adnumerari vere potuerit.

39) *IDEM* *cerui atque ferini capri cornua exempli* p. 148.
rarioris describit, ceruumque tria cornua, capri vero
 cornua octo propagines, German. *Enden*, habuisse re-
 fert; quae icone repraesentantur.

40) *De uteri strangulatu* egit Cl. G. H. KANNE p. 149.
 GIESSEER. Hunc affectum, qui et suffocatio uteri
 dicitur, in conuulsiva uteri membranarum contra-
 ctione, vicinas corporis partes in consensum trahen-
 te, omnesque actiones animales et vitales laedente
 consistere Cl. Auctor ostendit, causasque huius mali
 proximas in vitiosis humoribus in utero corruptis, v.
 g. menstruo sanguine non rite purgato, remotiores-
 que causas in temperamento calido ac humido quae-
 rit. Cuncta haec fusius ab Eo declarantur, sympto-
 mata illa mirabilia, nec non signa, quibus hic morbus
 ab aliis, quibus cum facile confundendus, distingui
 possit, diuersique pariter euentus recensentur, ac hu-
 ius denique affectus curatio subnectitur.

41) *De carcino* *IDEM* commentatus est. Morbi p. 163.
 huius, qui cancer etiam vel et carcinoma dicitur, no-
 mine deriuato causas eius disquirat Cl. Auctor, inter-
 nasque in humorum acredine, acido nimirum, mas-
 sam humorum inquinante, ponit, atque ab externis
 iniuriis, contusione v. g. pressione cet. cancrum iti-
 dem oriri, affirmat. Signis huius mali diagnosticis
 expositis, variam dein, prout partes sunt, quae eo
 infestantur, constituit prognosin, et ad curationem
 demum accedens, remedia et interna et externa pa-
 riterque auxilia chirurgica commendat, quorum ap-
 plicationem vel et omissionem ipsius morbi statu de-
 terminari dicit. Inter remedia interna, in primis
 martialia, antimonialia et mercurialia, cumque hu-
 ius morbi causa in acido posita fuerit, prae reliquis
 ideo alcalinae indolis remedia laudantur, quorum ex-
 terna etiam applicatio prudenter facta, multum
 omnino

omnino praestare, dicitur. Herba Ruperti, folia solani, agrimoniae, semperuiui, persicariae et beccabungae tanquam specifica commendantur, harum-ue succus externe applicatus mirae depraedicatur virtutis. Nulli vero remedio malum hoc obediens, solis duntaxat remediis, dira ista symptomata mitigantibus, tractandum esse, Cl. Auctor praecipit.

p. 175. 42) *Annotationes pathologico-practicae in hydrophobiam, eiusque curationem, cum Regia Societate Scientiarum Londinensi a Medicis Anglis communicatam, exhibet Cl. D. G. THERESIVS.* Cum hydrophobia vera et iam praesens ita se habeat, ut aegrotans prorsus fere omnem medicinam vel reiiciat vel deglutire nequeat, magnam ideo, si quis curationem huius promittat, aut fecisse dicat, vanitatem esse, Cl. Auctor pluribus ostendit. Ast praecaueri hydrophobiam posse, affirmat. Inter alia igitur, quae huc spectant, Nux vomica atque Amygdalae amarae commendantur, quarum usum in hominibus, a cane rabido demorsis Cl. Auctor expertus laudat. Notabile autem est, quod nux vomica et amygdalae amarae, quae canibus pluribusque animalibus venena sunt, hominibus demorsis, in praecauenda hydrophobia veram medicinam largiri videantur. Cl. Auctorem medicamenti heroici dosin non indicasse, miramur.

p. 183. 43) *Dentium dolor epispassico cedens* annotatur a Cl. C. P. GESNERO. Sinapi semen cum pauxillo aceti tritum, cumque fermento panis in placentam formatum, brachio lateris affecti applicatur, et tamdiu ibi relinquitur, donec cessarit dolor. Notatu etiam dignum est, quod idem remedium errore brachio lateris oppositi applicatum, dolores in dentibus lateris huius sani excitauerit, qui autem cessarunt, statim ac brachio affecti lateris impositum fuerit. Ve-

rum

rum auxilium isthoc remedium, pluries tentatum, in doloribus a dente carioso dedisse Cl. Auctoris experientia confirmat.

44) *Lingua tumens suppurata, cum enormi salivae p. 185.*
fluxu observata fuit ab EODEM. Intra nycthiueron nempe plus quam duodecim salivae librae, morbo copraesente, effluerunt, ipseque aegrotans posthac sanatus narrauit, se ab insecto quodam punctum fuisse, quod confirmasse videtur etiam chirurgus, quippe qui aculeum in pure se reperisse arbitratus est.

45) *Delirium pertinax post febrim acutam annota- p. 186.*
uit IDEM. Delirium hoc contra omnia remedia rebelle venae sectione demum in fronte suscepta cessasse dicitur.

46) Ill. C. A. DE BERGEN non nulla de imagine p. 187.
unius eiusdemque obiecti, a diuersis hominibus in eadem distantia sub diuersa magnitudine visa collegit, variasque inde quaestiones formauit tandemque asseruit ab eo, qui cuncta obiecta videt maiora simulque distincta, melius quoque res minutissimas in his obiectis occurrentes discerni posse.

47) *De maculis et faculis a solis aspectu in oculo re- p. 188.*
fiduis IDEM non nulla exponens ex opticis demonstrauit, quatenam huius phaenomeni sit causa, et unde fiat, cur ii, qui lucubrationibus opticisque experimentis visum debilitarunt, et maculas diurnas et illuminantium obiectorum ad tempus retineant imagines.

48) IDEM de effectu deleterio, causaque sphaerici- p. 192.
tatis globulorum minorum plumbeorum, vulgo Schrodt, non nulla meditatus est. Ex praeparatione horum globulorum deleterium eorum effectum, si degluti-
Tom. VII. Pars I. I untur,

untur, Cl. Auctor ostendit. Parantur enim ex liquato plumbo, cui auripigmentum inspergitur, quo autem facto arsenicale hoc concretum, plumbo adhaerens, in canalem alimentorum deductum vim suam deleteriam exercet. Cur autem plumbum fusum, quod per se in aquam proiectum figuram longam assumit, auripigmenti pulvere obductum sphaericam acquirat figuram, ex legibus attractionis Cl. Auctor demonstrat.

P. 195. 49) *Camphorae in aqua salubilis quaedam phaenomena* annotavit IDEM. Camphora in pulverem redacta et aquae commissa, aliquem huius particularum motum gyratorium vidit Cl. Auctor, experimenta dein ulterius instituens inuenit, camphorae particulas in aqua frigida non solum fuisse motas, sed non nullas etiam disparuisse. Nullum autem motum particularum harum in aqua calida obseruans, in frigidissima contra aqua vehementissimum earundem motum fieri notat. Quod autem camphorae solutionem in aqua concernit, Cl. Auctor oculo armato ex particula camphorae sese mouente tenuissimam effluere vidit materiem, cuius effluxus tamdiu continuauit, usque dum motus iste cessarit. Reperit quidem particulam superstitem, sed aquam sapore et odore camphorae imbutam sentiens, eam inde tanquam exuias considerauit.

P. 198. 50) *De vitiligine, et quidem illa specie, quae a CELSO ἡ λεύκη dicitur*, obseruationem communicauit Cl. I. W. F. BOENNEKEN. Huius mali duas esse species, Cl. Auctor demonstrat, unam, quae ἄλφος atque alteram, quae λεύκη nuncupatur. In priori cutis colorem album, subasperum, nec continuum, ita, ut quaedam quasi guttae dispersae appareant, habet. Posteriores vero speciem, alphi quidem similem, sed magis albidam, altiusque descendentem cum pilis albis

albis lanugini similibus Cl. Auctor ipse observauit, atque istud malum, quod interdum pertinax esse dicitur, penitus extirpauit.

51) *Exulcerationem tonsillarum pertinacem cuncta p. 202.*
que remedia eludentem, fortioribus tandem abster-
gentibus crebrisque alui subductionibus curavit IDEM.

52) *Carcinoma faucium, velum palatinum, tonsil-* p. 205.
las atque uvulam obsidens cum plenaria huius consumptio-
ne eadem fere methodo, qua praecedens malum, cu-
rare tentavit atque etiam praestitit: In primis pilulas
*ex Panacea Edimburgensi * confectas extollit, hasque*
in sanando isto malo palmam reliquis praeripuisse,
IDEM affirmat.

53) *Oculi vulnus, cum grauiori contusione, lethale* p. 209.
annotauit Cl. I. S. ALBRECHT. Hominis cuiusdam
oculus sinister explosa ex sclopeto charta compacta
percussus fuit, quo facto statim in terram antrorsum
cadens sine sensu per aliquod tempus iacuit, post mo-
dum ad se rediens et a non nullis domum reductus,
grauioribus symptomatibus affectus, die nono obiit.
In cadauere partibus omnibus disquisitis, praeter ocu-
lum laesum nihil praeternaturale repertum fuit. Ocu-
lus autem laesus ita se habuit. Tunica cornea per-
forata fuit, omnesque humores et aqueus et vitreus,
nec non crystallina etiam lens defecerunt, tunicaque
choroidea sanguine turgida apparuit. Lethalem hanc
contusionem dixit Cl. Auctor, utrum autem ad vul-
nera absolute lethalia pertineat, pronunciare non au-
sus fuit, interim tamen notauit, ob plures hic con-
currentes neruos oculum laesum grauissimis affici

* Est vero haec mercurius dulcis cum spiritu vini digestus, iterumque exsiccat. vid. Pharmacop. Colleg. Reg. Medic. Edimburg. 1744. 8. pag. 180.

symptomatibus, inter quae spasmus oris, etiam hic observatus, prae reliquis laesos comitari solet oculos.

p.214. 54) *Omphalocelotomia a chirurgo imperito temerario, ausu suscepta in duobus infantibus, germanis eiusdem parentis liberis, lethali successu funesta* annotatur ab EODEM. Duobus infantibus, uni duorum annorum, alteri octodecim hebdomadam, partem umbilici prominentem homo quidam, chirurgum sese professus, statim, ac accessit, resecat, quo facto tenuia in utrisque prolabuntur intestina, quae videns, fasciā laxē circumductā, aufugit et ex urbe excessit. Rationales dein chirurgi et medici accedentes, omni opera adhibita intestina ob perpetuos vagitus reponere non valuerunt. Paulo post uterque periit. Haec itaque Cl. Auctor notans, omphalocelotomiam nec in adultis multoque minus in infantibus suscipiendam esse monet.

p.219. 55) *Casus aliquot rariores rabiei caninae indeque ortae hydrophobiae* commemorat Cl. C. F. KÜHN. Praeter unam foeminam, aegrotantes omnes, quorum hic meminit Cl. Auctor, diris horrendisque symptomatibus cruciatis, morbo tandem succubuisse legimus. Quod autem superstitem illam concernit foeminam, ista medicum, ante quam hydrophobia accederet, consuluit, atque unguento digestivo cum theriaca et mercurio praecipitato rubro vulneribus applicato, perque tres dies turpethi mineralis granis quatuor assumtis, servata fuit. Tandem et animadvertimus, ab eodem cane, qui foeminam vix nominatam momorderat, decem vaccas demorsas, hincque in furorem actas, trucidatas fuisse. Licet autem nullum haecenus certum proestet hydrophobiae remedium, de eo tamen inveniēdo nondum prorsus desperans Cl. Auctor, a mercurialibus multum sperandum esse, arbitratur.

56) *Puel-*

56) *Puellae mirandae corpulentiae* mentionem fa- p. 225.
cit IDEM. Puella haec, tertium duntaxat annum
agens plus quam centum librarum pondus aequavit,
et anno 1753. hic Lipsiae obiit *.

57) IDEM *de electricitate medicamentosa* non nulla p. 226.
annotavit, virique, cum quo ob artuum tremorem
electrica experimenta instituit, membrum affectum
maculis rubris obsessum, madore perfusum, muscu-
losque machina electrica tactos inuoluntarie convul-
sos, virum vero ista affectione non liberatum fuisse,
observavit. Curati dein hominis exemplum profe-
rens, istud artificium loco rubefacientis medicamen-
ti quidem admittendum, minime vero omnibus de
eo factis iactationibus fidem adhibendam esse, monet.

58) *Mercurii salivationem non cientis praeparatio* p. 228.
nem addidit Cl. I. C. IACOBI. Cum multi iam de
mercurio talem virtutem possidente scripserint, suam
quoque illius mercurii praeparationem Cl. Auctor
communicat. Recipit nimirum aliquot mercurii cur-
rentis libras, has cum aqua per tres dies continuo
terit, quo facto pulverem nigrum acquirit, cuius
partem unam cum decem partibus hypnotici mercu-
rialis remedii, in Appendice huius Tomi descripti
sensim coniungit, atque ita praeparatum adultis ad
scrupulum dimidium exhibet.

59) *Nouum remedium ulcerum cancroforum et can-* p. 233.
cri aperti describit IDEM. Istud nimirum remedium an-
timoniale a BASILIO VALENTINO descriptum et
a KERKRINGIO in cancro iam laudatum Cl. Auctor
quodam modo mutatum sistit. Recipit nempe sub-
tilissimum vitri antimonii pulverem, quem cum oleo
I 3 vitrioli

* Hanc descripsit Cl. KAESTNERVS in promptuarii
Hamburgensis Vol. XI. p. 356. vid. Comment. nostr.
Vol. III. P. III. p. 434.

vitrioli optimo in pultis consistentiam redigit, huic post modum acetum vini ope frigoris concentratum ad trium digitorum eminentiam adfundit, digestionem dein peracta ex hoc liquore acetum lithargyrii praeparat, tunc autem cum aurato sulphure antimonii primae et secundae praecipitationis una cum oleo papaveris recenter expresso coctione balsamum sulphuris conficit, huncque a remanentia separatum cum emplastro diapomphol. miscet. Tandem ex hoc balsamo sulphuris aurati antimonii et supra nominato aceto lithargyrii unguentum parat, quod cancro aperto applicuit, eumque penitus extirpavit.

p. 237. 60) *De tutissima paroxysmorum febrilium abbreviatione* non nulla proponit IDEM. Cum ob nimiam februm durationem vires persaepe deiciantur, atque aegrotantes magnam ominino faciant iacturam, de abbreviatione earum Cl. Auctor ideo cogitans, remediumque quaerens, in sale ammoniaco fausto cum euentu tale reperit. Drachmam unam huius salis pro dosi tribus vicibus de die exhibens, febres felicissime profligatas fuisse perhibet, ideoque etiam atque etiam commendat. At vero, cum et februm continuarum quaedam species sit, quae genium intermittentium seruant, quaeque tanquam periculosae considerantur, harum etiam abbreviationem atque felicem propulsionem in cortice Cascarillae, eum vel decoquendo vel infundendo, inuenit.

p. 241. 61) *De singulari concreto osseo per anum eiectionem* facit Cl. G. G. MÜLLER. Vir quidam per quatuordecim dies insigni alui obstructione laborans, durumque nec summis etiam nixibus cedens, obstaculum in intestino recto sentit, multisque remediis domesticis frustra usurpatis ad Cl. Auctorem accedit, eumque de remouendo hoc obstaculo implorat. Oleosis igitur copiosis iusculisque pinguibus interne sumtis,

tis, enematibusque et aliis etiam externis in usum vocatis remediis, tandem concretum durum, osseum, notabilis magnitudinis, summis cum doloribus excernit, simul autem cunctis illis afflictionibus, quibus per decem annos vexatus fuit, liberatur. Concretum hoc vere osseum portionibus tunicae villosae et nerueae in dysenteria, qua ante decem annos laboravit aeger, abrasis ortum debere, atque in intestino coeco per tantum tempus haesisse, ex symptomatibus omnibusque circumstantiis collectis Cl. Auctor non absque ratione demonstrat. Additae icones concretum hoc delineatum sistunt.

62) *De infante recens nato, ex palati defectu, mortuo* p. 259. mentionem facit Cl. H. N. CRANTZ. Ob totius palati ossei defectum, mollisque palati malam constitutionem infans in sugendo lacte et deglutiendis cibis valde impeditus sensim sensimque contabuit et elapsis sex a partu septimanis tandem perit. Anatomice praeparatum caput Cl. Auctor servat.

63) *Herniam abdominalem, ab exeso per gangraenosum anthracem abdomine natam* p. 262. describit IDEM. In infantis umbilico natum fuit tuberculum, quod ulterius serpens omnia abdominis integumenta et musculos exesit, inde abdomen in tumorem eleuatum herniam exhibuit. Infantis mortui corpore dissecto in cauitate herniae peritonaeum, intestina tenuia colon et anteriorem hepatis partem reppererunt.

64) *Raram et ingentem musculorum pectoris erosio-* p. 264. *nem feliciter tandem sanatam* commemorat IDEM. Nato prius in papilla mammae sinistrae tuberculo tota infantis mamma, cutis omnisque panniculus adiposus musculorum abdominalium consumuntur. Remediis applicatis post aliquot tempus omnes hae partes nudaе regeneratis integumentis iterum teguntur,

tur, ita, ut ne minimum exesae partis remanserit vestigium.

p. 266. 65) *Haemorrhagiam uteri grauidi, a praeternaturali situ placentae, parte quadam ab utero solutae, ortam, matri et proli funestam* annotauit Cl. F. L. C. CROPPYVS. Grauidae post mortem corpore dissecto, uteri placentam non loco consueto, sed parieti posteriori uteri interno et orificio eiusdem affixam, atque praeternaturalem etiam infantis situm obseruauerunt. Huius enim dorsum uteri fundum, atque caput dextum, pedes vero sinistrum tetigerunt latus. Notandum autem est, quod foemina et infans seruari potuissent, nisi obstetrix, instantem partum explorans, placentam uteri orificio infixam pro firmiter clauso orificio habuisset, unde haemorrhagia oborta et ad mortem usque durans matrem ac infantem vita priuauit.

p. 271. 66) *Miasma venereum per saliuam et sudorem mire disseminatum et propagatum feliciterque iterum sublatum* obseruauit I D E M. Tristis haec historia docet, quomodo homines, castam et integram vitam degentes, morbo hoc contaminoso infici possint. Quinque enim personae, absque ulla culpa lue ista laborarunt, ita tamen, ut ab una, quae miasma hoc, mammam sugendo attraxit, quatuor infantes partim per oscula partim per lectum, in quo puella sana cum sorore sua innocenter infecta cubuit, foedissimum hunc morbum conceperint. Remediis rite adhibitis omnium morbus feliciter profligatus est. Notabile autem videtur, quod unus filius, qui tamen cum infectis his personis commercium quotidie habuit, ab omni labe immunis manserit, cui vero, ad praecauendam luis euolutionem, purgationes mercuriales Cl. Auctor exhibuit.

67) *De specifico quodam antepileptico non nulla ad-* p. 276.
 dit Cl. I. F. WEISMANN Sen. Remedium hoc arte chemica productum sequenti modo praeparatur: Sumitur vitrioli cyprini quaedam portio, aqua pluuiali soluitur, post modum filtratur, liquori filtrato spiritus salis ammoniaci ad saturationis punctum adfunditur, quiete dein paululum concessa, additur spiritus vini rectificatissimus, unde liquore turbido prius facto elegantes crystalli sapphirinae praecipitantur, quae separatae vitro bene clauso asseruantur, et in profliganda epilepsia mira praestitisse dicuntur.

68) *De morbis neruinis eorumque remediis non nul-* p. 280.
 la proponit Cl. C. F. IOERDENS. Neruorum fluidum ceu subtilissimum Cl. Auctor considerans, morbos igitur, motum istius vel imminuentes aut sistentes vel et accelerantes, remediis actiuis, volatilibus particulis praeditis, et subtilitati huius fluidi similibus, e. g. salibus volatilibus, C C. Viperarum, spiritu C. C. Camphora cet. curandos esse, expertus praecipit.

69) Breuem *Pellicani historiam* tradit, Ill. I. B. de p. 284.
 FISCHER. Auis haec, quae ad anserinum genus pertinet, et Pelecanus seu et Onocrotalus nuncupatur, ita describitur: *Cygnum*, inquit Ill. Auctor, *corpore superat, non vero altitudine, nec collum habet adeo arcuatum, rostrum autem longum, in extremitate acutum et uncinatum, et sub illo saccum plicatilem, ingluuiem nempe, quae magnam quantitatem piscium, quibus vescitur, capit.* Ingluies haec adeo ampla est, ut eius initium facile caput hominis capere queat. Colore gryseo, fere asinino, in primis caput eius gaudet. Reperitur circa Pontum Euxinum atque flumina in eum decurrentia. Pro nutriendis pullis pectus findere istam auem tradit vetustas. Cuius fabulae originem sequentibus niti Ill. Auctor coniicit. Ro-

strum videlicet ista avis plerumque pectori contiguum tenet, eiusque pulli ex eo cibum capiunt, inde eos ex pectore fisso nutriri crediderunt veteres. Tabula addita huius avis delineationem ex WILLVGBEII ornithologia desumptam repraesentat, de qua Ill. Auctor notat, Pelecanum rostri apicem semper pectori propius, quam quidem in hac figura deprehenditur, admotam tenere.

p. 289. 70) *Singularis et praeternaturalis intestini coli conformatio, una cum liene ingentis magnitudinis et ponderis, causa tumoris abdominis, graviditatem per novem menses mentientis, post mortem sectione cadaueris detecta* describitur a Cl. I. C. REINMANN. Corpore aperto in medio abdominis deorsum versus umbilicum descendisse intestinum colon, idque in medio valde ampliaturum, atque brevi post triplo minus et contractius fuisse, observavit. Causam huius descensus et magnitudinis lieni, splenem bouis magnitudine atque pondere libras quatuor aequanti, Cl. Auctor adscribit, ipsum vero praeternaturalem lienis statum ex febre tertiana inconsiderate profligata ortum esse asserit, atque intestini coli delineationem addit.

p. 294. 71) *Processus vermiformis, sex pollicum transversorum longitudinem atque unius crassitiem superantis, in senili corpore reperti* meminit IDEM. Huius praeternaturalis processus vermiformis tunica exterior inflammata fuit, qua cum sequentibus dissecta materiam viscidam, oui vitello quoad colorem et consistentiam similem, nullo odore adverso praeditam, in cavo huius processus reppererunt. Notandum est, virum, in quo huius processus repertus fuit, ante obitum per aliquot annos in dextro hypochondrio de dolore colico, unum semper locum occupante, conquestum fuisse.

• 72) In-

72) *Infanticidium violentum ex ossibus capitis per* p. 297.
integrum annum sub terra defossis, diiudicatum et declaratum fuit ab EODEM. Ex decenti ossium magnitudine, eorumque firma compage, atque ex unguibus perfectis et capillis, foetum viuum editum fuisse Cl. Auctor collegit, atque disquisitis ossibus, molles enim partes iam computruerunt omnes, maculam fuscam atro rubentem in osse bregmatis huiusque fracturam reperiens pronunciauit, infantem manu trucidatum fuisse. Ipsius foeminae occidentis confessio Cl. Auctoris sententiam confirmauit.

73) Ab EODEM etiam *singularis renum figura in* p. 300.
pueri corpore reperta fuit, ita, ut non solum maiores, verum etiam renibus bouillis similes in conspectum venerint. Matrem, lanionis mulierem, marito, dum bouem mactauit, adstitisse, renesque exemptos accurate contemplatam fuisse Cl. Auctor perhibet, et simul horum renum delineationem exhibet.

74) IDEM *canalem arteriosum sinistrae subclauiae* p. 302.
insertum in corpore hominis catarrho suffocatiuo extincti vidit.

75) Ab EODEM *hepar per totum abdomen transf.* p. 303.
uersim se extendens obseruatum fuit. Ingens illud hepar, ventriculum integrum tegens, et in hypochondrium sinistrum sese extendens, colorem rubrum, in plumbeum pauloque flauum vergentem, habuit. Foemina, in qua viscus hoc visum fuit, lochiorum suppressione mensiumque obstructione laborauit.

76) In eadem foemina *ventriculi malam conforma-* p. 304.
tionem, thoracis (vulgo, Schnürbrust) abusu inductam IDEM obseruauit. Margo enim anterior extremitatis dextrae introrsum fuit incuruatus, ventriculique
capacitas

capacitas summe coarctata. Venter hunc re-
praesentat addita icon.

- P. 305. 77) *Monstruosum funiculum umbilicalem in foetu trium mensium per abortum excluso vidit Cl. I. P. B. V. R. G. G. R. A. V.* Funiculus iste ad modum tenuis vagina caruit, ita tamen, ut vasa distingui haud potuerint. Idem hic funiculus sine suo non placentae uterinae, sed foetus thoraci in dextro latere adhaesit, ab hoc autem progrediens, altero suo extremo liber, placentae demum insertus fuit.
- P. 309. 78) *Cutem capitis totius capillatam adolescenti euulsam feliciterque restitutam commemorat IDEM.* Rota enim dentata operis hydraulici adolescentis, quindecim annorum, comas in fasciculum contortas arripit, quo sentito isti, statim trabem fortissime amplectenti, omnis capillata cutis auellitur, ita, ut in parte bregmatis dextri anteriore et superiore cranium insimul denudatum fuerit. Curae chirurgi commissus adolescens restitutus fuit integrae sanitati.
- P. 310. 79) *Historiam transmutati hydrargyri in aurum communicat IDEM.* A mercatore quodam accepit, Gallum quendam duabus uncis hydrargyri in crucibulo addidisse puluerem croco martis similem, trium assium, superadditis cineribus clauellatis ficcis, omnibus candefactis strepitus aquae bullientis perceptus fuit, sub quo 375 grana auri ex duabus hydrargyri uncis formati sunt.
- P. 313. 80) *Vulnus pugione pectori inflitum lethale, situsque viscerum in huius et abdominis cavitate singularis postea detectus annotatur a Cl. R. DE VERMALE.* Vulnus hoc dextro thoracis lateri, eo in loco, ubi papilla est, inflitum ad modum angustum fuit, vulneratique elapsis quinque horis mortui corpus dissectum

Etum omnia viscera abdominis modo inuerso exhibuit, ita, ut cuncta dextri lateris in sinistro huiusque in dextro visa fuerint. Aperto thoracis cauo cor transversim, diaphragmati incumbens, eiusque basis sinisterum, apex vero dextrum latus respiciens, atque omnia modo pariter inuerso in conspectum venerint. Cor utrinque perforatum fuit, licet dextrum latus vulnus acceperit, at situs tamen praeternaturalis hoc permisisse videtur. Mutationem hanc viscerum non adeo raram esse, atque talem a natura vel esse congenitam, vel etiam a morbis interdum productam Cl. Auctor statuit. Hac tandem occasione casus insimul meminit, ubi cuiusdam thorax absque ullius visceris laesione gladio perfossus fuit, ita tamen, ut morbo superato sanus et absque ulla labe superstes visus fuerit.

81) *Ex simplici contusione mors observata fuit ab p. 320.*
 EODEM. Contra hominis cuiusdam abdomen, paulo infra umbilicum a latere lineae albae calcitrauit equus. Praeter fugillationem nihil in eo loco visum fuit. Ast summi statim dolores colici atque horripilationes istum corripuerunt. Cunctis tandem remediis incassum adhibitis, horisque quadraginta octo elapsis obiit. In cadauere aperto omne abdominis cauum materia quadam albicante, odoris aciduli repletum, et circa ilei principium foramen quoddam oblongum et fistulosum, cuius ora callosa fuere, reperit Cl. Auctor: Post modum in peritoneo vestigium ambitus callosi, cui exacte respondit foramen ilei, observavit. Ex his igitur intestinum hoc, morbo quondam inflammatorio laborans, cum peritoneo concreuisse, et occasione huius plagae nunc abruptum fuisse, hancque laesionem, si ab homine quodam fuisset illata, mortis quidem dedisse causam, mortis autem culpam illi imputandam non fuisse, Cl. Auctor statuit.

82) *Vteri*

P. 325. 82) *Vteri haemorrhagia enormis, praeceps exitium minitans, sanata fuit a Cl. B. L. TRALLES.* Foeminae, quae abortiuerat, aliquot diebus elapsis, ob grauem iracundiam commotae, statim sanguis tanto impetu ex utero profluit, ut grauissimis lipothymiis affecta, mortis fere imaginem repraesentauerit. Omnia igitur spirituosae exulari iubens Cl. Auctor, frictionibus continuoque ad nares admoto aceto, tandem ex linteo confestim formatum pessum, soluto vitrioli marte humectatum, in vaginam intromittendum curauit. Quo facto, summa cum admiratione opem mox experiens, foemina ad se rediit et plenarie restituta fuit. Monet autem Cl. Auctor, eius modi remedium tunc demum adhibendum esse, ubi nec frustra placentae uterinae, nec concrementa polyposa aut grumi sanguinis in utero haererent, sed sanguis ob dilatata tantum vasorum ostiola prorumperet.

P. 336. 83) *Historiam anginae apostematodes anno 1755. ab aestate ad finem autumnus in Rampizensi praefectura, Neo-Marchiae tractu, prope Francofurtum ad Viadrum grassantis tradit Ill. C. A. DE BERGEN.* Quantum ex historia morbi, Ill. Auctori communicata, videre licet, morbum hunc ex impuritate aquarum, ob tempestatem diu pluuiosam, hincque succedentem inundationem et stagnationem facta ortum, atque eum infantibus in primis lethalem fuisse, legimus. Historiae huius Auctor, aquam nudis oculis infectis scaudentem videns, microscopio dein lustrans, non solum vermiculum anguilliformem, sed et longe minus infectum, pulici aquatico simile obseruauit.

P. 339. 84) *De lapidis porcini famosi inertia, impostura ac vi imaginaria meditationes* addit Cl. I. D. SCHLICHTING. Experientia confirmatus Cl. Auctor exempla profert, ubi verus lapis porcinus ne tantillum praestitit,

stitit, unde eum pro remedio prorsus inertī habendum esse colligit.

85) *Hymen prorsus imperuium, menstruum fluxum* p. 343.
diu retardans IDEM commemorat. Superueniente demum tumore, e genitalibus protuberante atque inciso, sanguis ad tres libras effluxit; foemina autem eo dein disposita fuit, ut regularem mensium fuerit experta fluxum.

86) Ab EODEM *hymenis coalitus insolitus, diu et* p. 344.
iam post operationem factam recurrens annotatur. Foeminae nimirum, ob hymen clausum, maritum admittere non valenti, istud discinditur, quo facto paulo post grauida foetum tandem edidit. Elapsis aliquot mensibus idem obstaculum sentienti denuo discinditur hymen, a quo autem tempore salua dein mansit.

87) Ab EODEM *tumor abdominis stupendus in gra.* p. 345.
uida, hydropem asciten mentiens, partu feliciter sublatus annotatur. Remediis compluribus frustra tentatis, foeminae, venae sectione praemissa, sponte pulverem radicis ialappae sumentī, indeque crebras alui deiectiones experienti, ingens copia lymphae ad libras viginti e genitalibus profluxit. Ventre dein detumescēte, tertio die puellam sanam edidit, atque sanitati restituta fuit.

88) *Maniae chronicae et rebellis, ptyalismo sublatae* p. 346.
mentionem facit IDEM. Remediis, etiam audacter adhibitīs, sed cunctis incassum tentatis, maniaci caput radi iubet medicus, postmodum raso capiti unguentum mercuriale bis de die affricandum idem curat. Saliuatione igitur excitata, perque aliquot dies continuante, maniacus resipiscit, atque pristino rationis usu fruitur.

89) *De-*

P. 348. 89) *Descriptionem globi igniti Wratislaviae obseruati* exhibet Cl. I. E. STIEF. Igneus iste globus d. 9 Febr. anno 1750. tempore nocturno, coeloque sereno obseruatus, sensim sensimque descendens, omnia, idque eo magis, quo magis descendit, illuminauit, postmodum in Oderam cecidit, tribusque se inuicem excipientibus fragoribus, tonitru similibus dissiluit.

P. 355. 90) *Dolor acutus, vagus, sub deglutitione, citra causam manifestam in pectore sese exserens, feliciter tandem sublatus* est ab EODEM. Emplastrum de melilotto cum diaphoretico MYNSICHTI coniunctum et scrobiculo cordis impositum, praeter alia interne sumta remedia, haud leuem opem ad tollendum dolorem praestitisse videtur.

P. 360. 91) *Ulceras glandis venerea, cum tumore magno inflammatorio et phimosi enormi coniuncta, feliciter sanata* fuerunt ab EODEM. Notandum hic est, quod aegrotans, vera lue venerea infectus, per totum morbi decursum uvulam et epiglottidem immunes retinuerit, atque usurpato mercurio absque saluatione, quam imminentem omni semper studio Cl. Auctor auertit, curatus fuerit. Praeter haec omnia ista mala, quae partes genitales infestarunt, solis tantum remediis et absque scalpello sublata fuisse notamus.

P. 366. 92) *De permagno steatomate abdominis XL. fere libras aequante*, mentionem facit Cl. G. C. SPRINGS-FELD. Militis cuiusdam abdomen ultra modum distentum ac tumidum apparuit, ita, ut filum duarum cum dimidia ulnarum istud comprehendere fere non potuerit. Mortuo hoc homine atque dissecto, sub umbilico et in hypochondriis corpus magnum ex luteo albicans, omne fere abdominis cauum occupans, atque intestina una cum omento versus superiora di-

mouens

mouens reperiit. Duas quasi vesicas bouinas, flatu distentas, parte laterali compressas, et inter se inuicem cohaerentes, figura huius corporis aequauit. Substantia eius seuo similis fuit, hisque corporibus plura minora, partim auellanae, partim iuglandis, nucis magnitudinem aequantia, inhaeserunt. Sede horum corporum accurate examinata, isthaec inter duplicaturam mesenterii haerere obseruantur, unde duas mesenterii glandulas obstruētas istis corporibus fundamentum posuisse Cl. Auctor colligit.

93) *Descriptionem canceri marini, vulgo Eremitae*, p. 375. exhibet Cl. F. S. MORGENSTERN. Cancer iste maris incolis adnumeratus, concham, quod notabile est, inhabitat; ex cuius apertura extrema chelarum membra pedumue quatuor anteriorum maiorum propendent. Tabula addita delineationem huius canceri cum habitaculo sistit.

94) *De feri destillatione ex umbilico non nulla* p. 379. IDEM annotauit. Inter alia mala, quae sibi ex inconsiderate profligata febre quartana contraxerat aliquis, de exquisito etiam umbilici dolore conquestus fuit, ad quem leuandum, asserem querneum siccum et calefactum nudo ventri imposuit, quo facto, ferum paulo post ex umbilico exiit, ita, ut patula umbilici apertura conspici potuerit. Remediis adhibitis omnia illa mala cessarunt, ipsumque etiam umbilici vulnus consolidatum est.

95) *Haematocelen* obseruauit Cl. C. W. SACHS. p. 382. SIVS. Cum nulla in tumore scroti, monstrosae magnitudinis, signa prolapsorum intestinorum animaduernerint medentes, atque remedia frustra applicuerint, operationem hinc instrumento, *Trois-quarts* dicto, instituerunt, quo facto sanguis crassus, nigricans, ad integram mensuram effluxit, statimque
Tom. VII. Pars I. K tumor

tumor subsedit. Vulnere rite tractato, feliciter restitutus fuit aegrotans.

P. 384. 96) Ab EODEM *hydrops anasarca*, ex corrupta febre quartana, in grauida, cum subsequuto sphacelo circa genitalia, cortice peruiano sublatus est. Notatu dignum est, quod foemina, malis hisce durantibus, partum licet imbecillum, ast viuum tamen, feliciter et absque dolore ediderit, atque elapsis aliquot mensibus pristinam sanitatem recuperauerit.

P. 386. 97) *Maculae scorbuticae singularis indolis in vetula et puero* ab EODEM annotantur. Maculae in foemina obseruatae, colore roseo praeditae, undiquaque sese diffuderunt, quarum non nullae sanguinem purum plorarunt. Eae autem, quae in puero apparere, istis quidem similes fuerunt, sanguis autem non exiit. Vtrisque aegrotantibus maxime profuerunt antiscorbutica.

P. 388. 98) IDEM *febrem continuam in quintanam intermittentem mutatam* digestiuis, laxantibus stomachicis diapnoicis et cortice peruiano curauit.

P. 389. 99) Ab EODEM denique *catalepsis, triduana febris continuae superueniens* annotatur. Die nimirum febris undecimo accessit catalepsis per tres dies durans omnibusque remediis resistens; tertio die elapso sponte ad se rediit foemina et febris, quae per hocce tempus sopita quasi fuit, denuo rediens et ad vicissimum octauum usque diem durans tandem debellata fuit.

P. 391. 100) *Sectio anatomica, post fata suprema Eminen-
tiss. ac Celsiss. Principis, Domini Francisci Georgii,
Archiepiscopi et Electoris Treuirensis, reliqua. ann.
MDCCLVI. d. XVIII. Ianuar. pie defuncti, instituta,*
iuncta

iuncta simul praegressorum morborum, historia literis consignata a Cl. S. E. E. COHAYSEN. Principis huius, febre lenta defuncti, corpore, anatomice dissecto, hinc et illinc in primis in intestinis et pulmonibus dispositio gangraenoso-putredinosa reperta, hisque omnibus rite disquisitis, corpus ad condiendum praeparatum dein fuit. Vita huius Principis prolixè descripta, morbisque, quibus affligtus fuit, insimul notatis, tandem formulae apponuntur, quibus praeparatio remediorum ad condiendum corpus usurpatorum continetur.

101) *Observationem Cedri montis Libani chara-* p. 409.
steres cum illis Laricis, Abietis Pinique comparatos,
sistentem communicavit Ill. C. I. TREW. Quo in designandis coniferarum harum arborum characteribus botanicis certi quid constituere potuerit, Laricem ea propter, Abietem et Pinum, examinavit, quo facto, sequentia annotandi occasionem nactus est: Omnium nimirum dictarum specierum aequè ac Cedri iulos et conos in eadem stirpe, locis tamen distinctis excludi, omniumque iulos seu amenta eadem gaudere figura et structura reperit. Omnium dein conos ex squamis componi, uni axi per gradus affixis, et singularum binos scrobiculos ad unguem earum superficiei superiori seu interiori impressos fouere duo semina, itidem reperit, quoad coni vero figuram differentiam aliquam observavit. Tandem et characteris meminit, quem notatu dignum esse dicit. Cedri nimirum et Pini squamam ad singulos flores femineos seu seminum embryones binos simplicem tantum esse, Laricis vero atque Abietis duplicem, alteram internam et ampliorem, semina immediate ambientem ac tegentem; alteram externam et angustiore, interiori proxime adstantem annotavit. Characteribus hisce designatis, uberiores Cedri historiam ex relationibus itinerariis tradit, auctorumque in hac

re differentias, inque nominibus huius arboris variantes notat. Integra arbor Cedri atque partes fructificationis cedri laricis et abietis, adiectis iconibus, illustrantur.

- p. 437. 102) *De femellae per marem foecundatione in plantis, Napaeae exemplo confirmata observationem addit* IDEM. Huius nimirum plantas mares iuxta femellas plantandas curavit Ill. Auctor. Cum autem transplantatae masculae plantae nullum produxerint scapum florentem, femellas inde una cum fructus rudimentis deiecisſe flores, observaui. Altero autem anno masculae, dum floruerunt, femellae etiam florentes grauidae factae fuerunt, maturique eis successerunt fructus. Ex his igitur ad foeminarum foecunditatem maris omnino requiri accessum, femellamque semel foecundatam non semper ita manere, sed omni anno maris accessu opus esse colligit.
- p. 441. Quibus de sexu plantae huius praemissis, ipsius dein Ill. Auctor addidit accuratiorem delineationem aequae ac descriptionem. Nondum enim cognita satis inter botanicos neque descripta fuit eadem, praeter Ill. LINNAEVM, qui primus Napaeae nomine eam ut plantae genus distinctum definiit, et dexterimum EHRETVM, qui eius nitidam delineationem exhibuit viuis coloribus illustratam. Quam Noster iam proponit, est illa species, quae *Napaea pedunculis nudis laevibus, foliis glabris, floribus hermaphroditis* LINN. Spec. Plant. p. 686. n. 2. dicta fuit, et ab hoc ipso demum ad Napaeae genus relata, olim HERMANNO *Althaea virginiana* ricini folio appellata atque pro androgyña habita. Floris character sequentem in modum traditur: I. *Masculini floris calyx est monophyllus, urceolatus, patens, quinquefidus, limbo reflexo, persistens. Corolla monopetala, ad cylindrum usque quinquefida, patens; segmenta oblonga ex angusta basi in orbiculum interius concavum cum margine*

gine integro expansa. Staminum columna cylindracea solida, erecta, calyce longior, cuius summitatem obsident stamina multa, quorum filamenta brevia subulata; antherae exiguae, oblongae, compressae, didymae, versatiles; styli et germen nulla. II. Feminini floris calyx similis, magis tamen oblongus; corolla similis, paullo maior; staminum columna cylindracea inferius ampla, superius angusta, calyce longior, intus caua; antherae spuriae globosae sine filamentis genuinis oram columnae ambientes; ovarium conicum cum septem stylis, quorum stigmata simplicia; fructus orbiculatus compressus, umbilicatus, ex septem octove loculis membranaceis superius cristatis compositus; femina solitaria reniformia. Quod reliquas plantae partes attinet, radii p.443. ces plures, longae, carnosae, extus flavae, intus candidae, mucilaginosae in unum caput coeunt, e quo prodeunt folia radicalia petiolata, digitata, ampla, superius viridia, subtus pallida, scabra ubique, ad pediculum fere diuisa, diuisionibus singulis iterum in lacinias plures subdivisis; pediculo longo, striato, subhirsuto; caules floriferi membranaceo velamine tecti, numerosi, striati, subhirsuti, per interualla foliis instructi similibus radicalibus, sed sensim minoribus pediculisque itidem brevioribus, ante exclusionem sub inuolucro latentibus; ex foliorum alis tandem surgunt pedunculi floriferi caulem ramosum reddentes, eosque claudit florum copiosorum umbella.

103) Ab eodem plura etiam exempla palati dest p.445. cientis annotantur, quorum unum delineandum curauit.

104) IDEM tandem ultimam observationem ad p.448. didit, quaedam ad Pelecani seu Onocrotali auis historiam pertinentia continentem. Concernunt autem additamenta ista observationem 69. superius p. 284. ab Ill. de FISCHER communicatam. Illustrationis gra-

tia hic ab Ill. TREW auctores, qui de hac aue scripserunt, citantur, sententiae eorum variantes conferuntur, huiusque tandem avis caput, quod una cum aliis naturalibus a Cl. Auctore adseruatur, describitur, et icone exhibetur.

In Appendice reperiuntur,

p. 1. 1) *Commentatio de thermometris mensurae constantis, quondam seorsum publicata nunc secundis curis reuissa et reformata.* Auctore Ill. C. A. DE BERGEN. Ad construenda thermometra requiritur vitreus cum annexo globo tubus, cuius crassities inter superficiem externam et internam unam lineam pedis Rhenani non excedit; cavitates autem diuersae esse possunt, prout nimirum magnitudo vasculi aut liquor plus minusue expansius aut usus eiusdem hoc postulat. Sufficit tamen ad mercurialia thermometra cavitates, quae crassiores chordam metallicam pro clauichordiis usitatam capit. Longitudinem tubi capacitas sphaerae determinat. Fluidum, quo thermometra replentur, vel spiritus vini vel mercurius suppeditant, hic autem omnibus praestat, manet tamen et sua laus spiritui vini. Ad modum, replendi vitra, variis cautionibus opus est, quae ab Ill. Auctore fuse recensentur. Tandem ad scalae formationem, quae in puncto congelationis et ebullitionis aquae consistit, accurata etiam traditur instructio. Cunctis his rite et prolixè expositis, tandem etiam varius thermometrorum usus annotatur, qui non solum physicus et chemicus, sed etiam medicus depraeedicatur, ita, ut ad promouendam scientiam naturalem thermometra haud leuem opem praestare inde videantur. Thermometrum sistitur delineatione.

p. 49. 2) *Commentatio de scarificatione gingiuarum.* Auctore Cl. W. T. RAV. Primo capite historiam huius opera-

operationis tradit Cl. Auctor, simulque exponit, quod antiquissimis iamque HIPPOCRATIS temporibus scarificatio in usu fuerit, postmodum etiam declarat, in quibusnam morbis et quibus instrumentis isthanc susceperint, tandem ad recentiores respiciens eos in primis commemorat, qui de hoc auxilii genere accurate commentati sunt. Capite secundo de scarificatione gingivarum in specie agit. Hanc et veteribus iam usitatam fuisse, EXPLINIO notat, atque recentiorum in primis HOFFMANNI, HEISTERI et VALENTINI, qui eam in gingivis suscipiendam commendarunt, meminit. Quod instrumenta, quibus isthaec peragitur, concernit, inter alia multa, quae maximam partem reiiciuntur, subtiliores illae fecalis glumae laudantur, de quibus Cl. Auctor dicit, quod secure et optimo cum fructu hic in usum cedant, atque modum scarificandi describens cautiones subne-ctit, sub quibus ista operatio suscipi debeat. Tercio tandem capite usum scarificationis recensens, ista in odontalgia, in parulide, quae tuberculum est dolens et tumens ex incremente inflammatione iuxta dentes natum, porro in infantum dentitione difficili, quae autem instrumento chirurgico peragitur, atque in stomacace demum, nec non gingivarum aphthis, multum praestare, Cl. Auctor ostendit.

3) *Commentatio de instrumentorum in arte obstetricia historia, utilitate et recta ac praepostera applicatione.* Auctore Cl. H. I. N. CRANTZ. Veteres, qui et in arte obstetricia nec hospites plane fuerunt, instrumentis quoque et in primis unco, uncino aut scalpello vel etiam perforatorio partum promouere, annisi sunt. Licet autem haec instrumenta primo tantum ad foetum mortuum extrahendum adhibuerint, attamen non multo post, ad omnem partum difficilem eadem applicandi, mos etiam inualuit, unde igitur factum fuit, ut multi infantes vitam ami-

K 4

serint

ferint, qui tamen seruari omnino potuissent. Operationes itaque veterum ut plurimum crudeles fuisse, Cl. Auctor ostendit, hasque ideo repudians instrumenta eorum maximam quoque partem reiicit. In primis uncus ac perforatoria et hodie damnat, haecque tamen non in uniuersum reiiciens, uncus non nisi in casu relictus in utero corporis, capite ab hoc auulso, aut capitis crassi nimis etiam alio instrumento comminuti conuenire, in aliis autem casibus nunquam adhibendos esse, declarat. Eodem etiam modo perforatoria reiiciens, eis in casu, ubi grandior capitis moles per peluis aperturam educi nequit, utendum esse, praecipit, cultrosque scindentes ad membri cuiusdam separationem destinatos, ob euitandum periculum, prorsus exulare iubet. Inter instrumenta vero, quorum usus valde proficiuus aestimatur, forcipes multum valere Cl. Auctor asserit, atque inter omnes, quarum mentio hic facta est, Leuretianam forcipem in primis laudat, quod in pluribus casibus imo in omnibus fere, ubi unci et perforatoria male applicantur, tuto adhiberi effectumque desideratum praestare possit. De forcipum igitur utilitate atque praestantia Cl. Auctor certissimus in eos etiam inuehitur, qui male de iisdem sentiunt, in primis Cl. ROEDERERVM taxat, in quem vero paulo nimis iniurius esse videtur. At, forcipum in arte usum uniuersalem non esse Cl. Auctor autumat, quapropter eos casus notat, ubi istae applicari nequeant. Tandem et sectionis caesareae meminit, cuius utilitatem non adeo solide, ut multi gloriati sunt, comprobata esse opinatur.

P. 139. 4) *Dissertatio, in qua sententia, de differenda hydropicorum morte per efficacissimam scillae virtutem tribus observationibus evincitur.* Auctore Cl. G. SCHVSTER. In tribus hisce subiectis, quorum morbi historiam prolixè describit Cl. Auctor, scillae radicem in

in larga dosi exhibitam bonum quidem effectum praestitisse, aegrotantes autem omnes post aliquot tempus obiisse, legimus.

5) *Meditationes, de viribus hypnoticis a minerali regno haud alienis.* Auctore Cl. I. C. IACOBI. Quo medicamento hypnotici ex regno minerali petiti praeparatio clarior euadat, regnum ea propter vegetabile prius intrat, hincque vegetabilia, tali vi praedita, disquirat, qua disquisitione facta, vim eorum hypnoticam in volatili illa parte phlogista consistere, demum reperit. Cum itaque regnum minerale corporibus, phlogisto copioso praeditis, abundet, ex hisce etiam phlogiston separare, annisus est, manuque demum admota tale etiam remedium inuenit, quod non narcotica et stupefaciente, sed vera hypnotica vi gaudeat. Huius praeparatio sequens est: sulphur aqua calcis viuae aut salibus alcalinis soluitur, huic solutioni inditur mercurius, postmodum autem acidum, quod appropriatum dicit, affunditur, quo facto sulphur liberatum et attenuatum fundum petens cum volatili mercurii parte, quae terra tertia est, quae mercurius abundat, arctum connubium inquit atque medicamentum sistit, quod Cl. Auctor in multis casibus tanquam hypnoticum verum feliciter adhibuit.

6) *Mercurii sophici delarvati ex Philalethae introitu aperto ad occlusum regis palatium in conspectum chymicorum prodeuntis, siue Commentarii decem prima obscurissima illius Auctoris capita de mercurii sophici praeparatione per ignem dilucidantis.* Auctore Cl. I. H. COHAVSEN. Cum PHILALETHA admodum parabolice locutus sit, multique hinc, capita haec explicantes, seduci facile possint, sensum ea propter litteralem Cl. Auctor exponit, ita, ut obscurae quodammodo patefiant viae.

Tandem his cunctis vitae clarissimorum quorundam virorum 1) ABRAMI VATERI una cum eius icone, 2) CHRISTIANI GOTTLIEB SCHWARZII. 3) IOANNIS DAVIDIS KOELERI. 4) FREDERICI CHRISTIANI LESSERI. 5) GEORGII EHRHARDI HAMBERGERI subnectuntur.

XVI.

Diff. inaug. de Pleuritide vernali et aestiua.
Præfide. D. IO. GODOFR. BRENDelio.
Resp. *Philip. Henr. Wedemeyer.* Gottingae,
1756. 4. pl. 4¹/₂.

Praemissa definitione pleuritidis, huicque similium morborum, illorumque differentia constituta Cl. Auctor *ὅν ἐν ἀγνοίᾳ*, locum in illis morbis affectum disquirat, exempla quoque non nullorum ab ipso observatorum aegrotorum et post mortem incisorum adducit; speciale tunc discrimen, quod pleuritidem et peripneumoniam hibernalem inter et aestivam intercedit, accuratius indicat; vernalis denique et aestivae pleuritidis symptomata et signa copiosius, causas vero et curationem brevius, persequitur.

Pleuritidem vero generatim sumtam febrem nominat acutam cum pulmonum thoracisue inflammatione. Diuidit illam, more consueti, in veram et spuriam; deinde in humidam et siccam; illa ipsi est pleuropneumonia, haec vero pleuritis strictè sic dicta. Peripneumoniam autem vix umquam, certe rarissime, idiopathicam, saepius symptomaticam, esse credit, variolis, morbillis, purpurae, haemoptysi, phthisique pulmonali, accedentem, quo propius a vitae fine abest aeger. Peripneumonia notha, quae vera frequentior deprehenditur, *non inflammatio, sed singularis quaedam per omnem pulmonis substantiam cruoris*

cruoris effusio est, haud quidem in ipsas pulmonum vesiculas, sed in interstitia vesicularum cellulosa. In hoc itaque morbo nulla tussis cruenta, nec dolor acutus, sed grauius est, nec ex dolore, sed ex pondere, quod denique grauissimum, et inde oriunda anxietate, respiratio vel prorsus tollitur, valde certe impeditur, cum pulsu paruo et tremulo ob denegatum sanguinis ex arteriis pulmonalibus per venulas pulmonales ad auriculam cordis posteriorem iter. Lo. p. 5. cum, ubi morbus hic haerere solet, multo frequentissime esse pulmones, rarius pleuram, Auctor asserit copioseque ex HIPPOCRATE conuincere studet.

Sectiones quoque anatomicas recenset duas ex pleuritide sicca demortuorum, quorum neuter in acuto stadio, sed alter decima octaua, alter quadragesima hebdomade, uterque vero febris lenta et empyemate confectus fuit, alter quadragenarius, alter vero puer duodecim annorum. Vidit in his pleuram spatiofo ambitu vesicis oblitam ulcerosis maioribus minoribusque, collectumque pus inter pleuram et musculos intercostales internos. Secesserat pleura a costis plurimis in locis, et singulari modo fabrica eius mutata ad minimi digiti crassitiem increuerat ita, ut illa in bracteolas solui potuisset. Nulli pulmones insigni affecti erant labe, exceptis non nullis leuioribus vomicis, alio a morbo superstitis. Siccae sanatae quoque pleuritidis exemplum Auctor adducit. Puero decem annorum, pleuritide hac laboranti, tandem morbus abscessu soluebatur ad costam quintam, sextam et septimam, facto, qui deinde incisus, emissio pure, foueam insignis duritiei crassitieiue exhibebat, cuius, si specillo fides habenda est, ad cauitatem thoracis plane nulla erat apertura.

Pleuritis vero et peripneumonia vernalis et brumalis maxime a se inuicem vel febre ipsa, vel symptomatibus, et crismus euentu differunt: Symptomatibus

bus differunt pleuritides hibernae, quod oriantur cum algore graui, imo rigore coniunctis mox signis pleuriticis, deinde algorem sequatur aestus ei respondens, declinetque prima exacerbatio haec ea lege, *ut reliquus febris pro stadii acuti modo decursus, remittentem quidem quotidianam, sed alternis diebus grauiorem, exprimat, id est, typum quendam quotidianum ex tertiano*, et denique quod quoad sputum, tussim, dolores, cet aequabilius hae procedant: Ratione criseos, quae vel perfectior per sudores et urinam, vel imperfectior per abscessus externos, per sanguinis fluxus, diarrhoeas biliosas, febres intermittentes, purpuram aut acutam aut chronicam, interdumque per affectus cutaneos deprehenditur.

p. 14.

In vernalibus vero aestiuisque magna est suspicio malignitatis; quam lassitudo, animi deiectio, capitis dolores, oculorum, colli, dorsi, lumborum et artuum torpor, somni cupido corpus non reficiens, sudores inconstantes, horripilationes, sternutatio, guttulae sanguinis ex naribus aliisque ex locis profluentis paucae, dolores ventriculi intestinorumque, nausea, vomituritio, aluus vel sicca, vel lubrica, spumosa foetidissima, urina vel aquosa, vel biliosa statim ab morbi initio cum sedimento copioso, color faciei mutatus, manuum, digitorum, frontis et palpebrarum inferiorum emphysema, sopor aliqualis et stupor, lingua arida, palati siccitas et durities, icterica in apicibus digitorum, volis manuum canthisque oculorum vestigia, pectoris constrictio et similia satis superque commonstrant.

Satis verbose nunc omnia ad pleuritidis vernalis et aestiuae, quam epidemice saeuientem obseruasse ipse Auctor videtur, historiam pertinentia momenta allegat et disquirat, quae cum omnia adducere nolumus, praecipua adduxisse sufficiant.

p. 18.

Cum horrore et rigore haec febris oriebatur, quae saeuitie non adeo insignis, nec eius aestus nimius,

mius, deprehendebatur; pulsus quidem celerior, debiliior tamen, durior, spasticus, mox sub algoribus dolor acutus vel in pectore vel ad scapulas clauiculasque, tussis cum sensu constrictionis praecordiorum; sputa spumosa biliosa, non raro subcruenta, interdum lurida et ex muco tenaci globulorum ad instar reiecta, quae quidem non raro tabem imminentem praesagire videbantur. Plerisque thorax, abdomen et hypochondria immodice, subalgidis extremis aestuabant. Sanguis e vena emissus primis diebus sano similis, postea coccineus, siccus, superficie ex coagulo nitente aut fero bilioso abundabat. Febris ipsa parua plerumque erat: ex horroribus aestubusque sese inuicem excipientibus paruae quasi febriculae irregulares oriebantur. Accedebant etiam deliria mitiora, taciturna, atrabilaria, nec non interdum furiosa. Sputa modo felicius, modo minus procedebant; dolores quoque interdum euanescebant, quibus deficientibus succedebat difficultas urinae, quae missa denique spasticas illas exhibebat pelliculas. In thorace interdum quoque dolores mitigati videbantur, aliis excitatis in femoribus et tibiis imo et in intestinis abdominalibus. In his breuius erat inflammatorium stadium, quam in brumalibus febribus.

Sputi reiectio parum leuaminis, paruumque, vel nullam, crisin et sudor et urina afferebat: Aliis morbus solutus fuit plane nullis, aliis aegris partialibus sudoribus. In sudore uniuersali urinae crudae, sine sudore coctiores erant. Qui diutius laboraturi morbo videbantur, illorum una eademque urina duplici imo triplici vice praecipitabatur sedimento, cuiuslibet colore a se inuicem diuerso. Quibus vero urina post primam praecipitationem lactescebat, deinde album et denique limosum ad fundum reddebat sedimentum, illi serius et nisi per metastases, conualescebant. Pessima urina, quae fulua mixta liuescebat cum sedimento rubello. Alui excrementa liquida
spumosa

p. 23. spumosa foetidissima, ramentis quasi membranarum erant mixta. Sternutationes frequentiores in hac pleuritide erant, quam in hibernali; ii quidem, quibus contingebant, difficilius ad sanitatem redierunt. Duae abortierunt grauidae, haud dubie per motum metastaseos spasticae; alia foemina, prius, quam pareret, morbo hoc correpta, mortuum deinde in lucem edebat foetum. Omnibus praeter naturam in hoc morbo umbilicus erat conuulsus et introrsum retractus. Hi morbi imperfectis crisis soluebantur per varias metastasium formas, illas etiam, quas de pleuritide hibernali diximus; similes alias vero sequebantur febres lentae, tussis diuturna, oculorum auriumque affectiones periodicae, urinae difficultas, haemorrhoides mucosae cet.

p. 27. Non solam tempestatem gelidiorem, sed potius lenissimam hiemem causam huius mali esse credit Auctor. De curatione dum breuiter agit, duo tantum adducit momenta; alterum venarum brachii sectionem, sine lateris delectu, pro ratione quoque repetendam, alterum, quod miramur, vomitorium ex Ipecacuanha, quod quidem medicamentum multis argumentis innoxium et salutiferum hoc in morbo reddere studet, quibus vero nos haud conuictos esse ingenue⁴ fatemur.



XVII.

Der medicinischen Societaet in Budissin Sammlungen und Abhandlungen aus allen Theilen der Arzneygelahrheit. Altenburg, in der Richterschen Buchhandlung. 1757. 8. 1 Alph. 11 pl.

h. e.

Societatis medicae Budissensis tractationum ex omnibus artis medicae partibus desumptarum collectio.

Quae per aliquot iam decennia coit Budissae, quae urbs haud incelebris caput est Lusatiae superioris, medica Societas, ea nunc demum suos luci exponere publicae censuit labores, qui libro iam indicato continentur, cuius rationem erimus reddituri, si antea non nulla de societatis huius historia praefati fuerimus. Optarem quidem, ut huius voluminis editores de historia et fatis societatis scitu necessaria in praefamine aliquo nobiscum communicassent; sed, cum id iis non placuerit, nosque multis de rebus ad societatem pertinentibus v. c. quo tempore prima illius iacta fuerint fundamenta? utrum volumen hoc omnes aut non nullos tantum contineat eius labores? an hoc sequutura sint alia e. f. p. in dubio reliquerunt, ea tantum, quae coniiciendo deteximus, breuiter indicamus.

Constitutam ergo societatem hanc a medicis Budissae artem suam exercentibus anno seculi, quo vivimus, decimo quarto fuisse, partim ex catalogo virorum in societatem receptorum, partim ex casibus medicis exhibitis colligimus. Id vero vel maxime sibi agendum sumserunt viri isti, ut quolibet in conventu proponerent casus clinicos, de illis disputarent, de natura et indole morborum, vel in primis epidemicorum contagiosorumque, cum forte obue-

nerint,

nerint, iudicarent, iis occurrendis profligandisque methodos stabilirent aptas, singulares notatuque dignas res naturales earumque phaenomena inquirerent, et si quid a quodam societatis membro propositum vel elaboratum fuisset, litteris mandarent, eo tunc temporis consilio, ut forte aliquando haec per vices conscripta et societati exhibita colligi, inque publicum edi possent. Membra autem, quae societatem hanc constituerunt et adhuc constituunt, non solum medici fuerunt Budissae artem facientes, sed et aliis ex urbibus et quidem propinquioribus, in societatem recepti fuerunt, ea tamen lege, ut quilibet extraneus a Senioris et Adiuncti munere esset exclusus. Stabilita societate, eius sodales deinde leges sanxerunt, quibus quemlibet in ipsam recipiendum se obstringere oportet, quas etiam anno quarto et vicesimo huius Seculi Potentissimus Poloniarum Rex et Saxoniae Elector, Dominus noster indulgentissimus auctoritate sua et priuilegio munire et confirmare haud dedignatus est.

Ipsius vero libri iam iam indicati ea est ratio, ut, praemissis litteris regiis et legibus a societate constitutis, nullo et temporis et rerum habito ordine, succedant elaborationes observationesque, quae ex medicina, partim clinica, partim consultatoria, partim legali, sunt desumtae, paucis exceptis aliis thematicis e. g. analysi antimonii diaphoretici: disquisitione naturae opii, eiusque cum aliis medicamentis narcoticis comparatione: de recrementis partium solidarum corporis humani viui. De medicina clinica variae exstant in hoc libro observationes lectu dignae, licet negandum non sit, varias quoque adiectas esse, quas partim ob haud congruam et insufficientem enarrandi rationem, partim ob medendi methodum non solum morborum causis interdum non satis accommodatam, sed etiam nimis prolixam, nimiamque medicamentorum farraginem exhibentem, non
tanti

tanti futuras esse usus, credamus. Iis in sectionibus, quae ad medicinam consultatoriam pertinent, inuenies consilia non solum a societate hac, sed etiam a variis magni nominis medicis, F. HOFFMANNO, STAHLIO, RICHTERO, IVNCKERO, etiam ab academicis medicorum ordinibus, Lipsiensi, Halensi et Francofurtano, exhibita; quod quidem institutum ex nostro iudicio non omni caret laude, cum ex varia attentione, qua quilibet morbum eundem considerauit, iunioribus medicis discendi nascatur copia, in morbo diiudicando non ad unicum, sed ad varia, interdum e contrario sibi opposita, esse respiciendum; quod eo facilius fieri posse arbitramur, cum de uno eodemque morbo saepe quinque, etiam sex a diuersis locis reperient consilia accepta. Illae tandem sectiones, quae ad medicinam legalem referendae sunt, eodem fere modo, ac praecedentes sunt comparatae, ita, ut ex non nullis plus, parum ex aliis profecturum esse opinamur utilitatis.

Ob insignem sectionum copiam, inter quas variae nullius, certe parui momenti deprehenduntur, quas adeo lectores nostros ignorare nihil refert, cum adducere nolimus omnes, speciminis loco non nullas alicuius forte fructus eligamus.

N. V. Obseruatio anatomica, *cerebrum extra cranium* sistens. Auctore D. IOANNE GEORGIO THAMM, anno 1715. Foemina, cui praegnantis mense grauiditatis octauo vase aliquo percussum fuerat abdomen, die sequenti geminos peperit, quorum alter formae naturalis et pulchrae vita per horulam fruitus, alter vero ex tumore insigni capiti insidente monstrosus natus est. Quo vero pateret, tumor ille an ex illa percussione abdominis enatus esset, infantis illius sectio anatomica instituta fuit, qua totum cerebrum cum suis integumentis et vasis ex situ suo naturali super fontanellam pulsatilem extra cranium

Tom. VII. Pars I. L nium

nium protrusum esse, duramque matrem cum capitis integumentis externis communibus arcte cohaerere, fuit detectum. Totum cranium nullam formauerat thecam, sed planum erat atque compressum, omnesque in illo repertae suturae, quae tamen in infantibus recens natis vel nullae vel exiguae et laxiores esse solent, tam arcte inter se inuicem connexae, ut magna vi vix ac ne vix quidem distrahi possent. Ad huius rei rationem inuestigandam notari meretur, patrem huius infantis similis figurae tumorem praternaturalem in ceruice habuisse.

p.43. No. X. *de insigni procidentia oculi.* Auctore DANIELE PRAETORIO, ann. 1715. Triginta annorum vir in lino praeparando occupatus, a festuca quadam lini in oculo dextro ita laesus fuit, ut omnem amitteret oculus ille videndi facultatem; nihilo minus per totos octo annos sine ullo accedente peiori symptomate negotiis valuit vacare suis. Rumore autem de praestantia et insigni aquarum medicatarum Misenenarium virtute ad illum accedente, ad visus facultatem sibi reconciliandam ipse illis uti commotus fuit, quarum vero usu, tempore autumnii inchoato, oculus coecus intumescere et inflammari, ager hemicrania eiusdem lateris et febris irregulari lenta vexari, deinde oculus protrudi coepit, qui spatio decem hebdomadum ita increuit, ut anserini oui magnitudinem superaret, extraque orbitae cauitatem pendens ipsum nasi orbiculum attingeret. Nunc, cum antea oculus valde doluerat, omnis euauit dolor, accesserunt animi deliquia et alter quoque oculus ex consensu priuatus est lumine, aegerque die vicesimo secundo mensis ianuarii diem obiit supremum. In oculo post mortem inciso omnia sphacelo ita corrupta apparuerunt, ut ne una vel altera quidem oculi pars a se inuicem distingui posset.

N. XIV. *de dysenteria epilepsiae nocturnae inueteratae superueniente critica.* Auctore Eodem. Generosa foemina ante quinquaginta annos nata, annos viginti plus epilepsia laborauerat ita, ut qualibet hebdomade semel et quidem semper tempore nocturno, paroxysmo istius morbi tentaretur. Nec medicamentis aptis et copiose sumtis malum hoc profligari potuit. Tempore vero quodam illa incidit alium in morbum, in dysenteriam tunc temporis epidemice saeuientem. Haec medicamentis tractata abstergentibus morbum priorem, epilepsiam, ita abstulit, ut foemina ista, licet post haec decem vixerit annos, ne una quidem vice morbum istum denuo experta fuerit.

N. XXI. *Tuberculi haemorrhoidalis infelix per instrumentum incisio.* Auctore GOTTLIEB BVDAEO, anno 1716. Vir generosus quadraginta annorum, temperiei sanguineae, et qui optimae sanitatis speciem huc usque prae se tulerat, doloribus corripiebatur ex haemorrhoidibus coecis ortis. Externe apparebat tuberculum in ano cerasi magnitudine, cui chirurgus quidam vulnus infligebat lanceola, ex quo parum sanguinis spissi effluebat. Statim vero ac tuberculum incisum erat, derepente illud retrahebatur in anum, et aeger magnis in hoc et in ipso abdomine affligebatur doloribus, qui in dies aucti totam deinde regionem lumbarem occupabant. Ex intestino recto ad deponendas faeces semper irritato, primum parum sanguinis, aliquot diebus post pus ipsi admixtum exprimi aegre poterat. Tenesmus hic cum excretionem puris sanguinisque, qui die nocteque aegrum excruciat, per quatuor integros annos iam durauerat, nullis remediis, quorum magna applicata fuerat copia, cedens. Tandem cum ab omni spe perfectae sanationis deiectum se videret aeger, omnibus aliis sepositis remediis, clysteres tantum temperantes,

rantes, demulcentes opiatosque ex lacte, in quo fer-
rum candens extinctum erat, ex terebinthina veneta
cum ouorum vitello melleque rosato soluta, additis
interdum oleo verbasci et hyperici nec non momor-
dicae infuso, in usum vocabat, quorum applicatione
ad duas tresue horas utplurimum sentiebat leuamen.
His clysteribus licet tunc demum, ubi dolores et
tenesnum tolerare ulterius non poterat aeger, utere-
tur, dictu tamen fere incredibile est, illi per quatuor
annos bis mille plus clysteres iniectos fuisse. Sub
finem incidit aeger in febrem lentam cum hydropo
coniunctam, quae vitae eius ad secundum et quin-
quagesimum annum productae finem fecit.

XVIII.

IACOBI PLACENTINI Theoreticae Medici-
nae in Gymnasio Patauino Profess. Prim. Dis-
sertatio de Vena, quae in morbis particula-
rium partium corporis sit salutaris inciden-
da. Examinantur tum sententiae Graecorum
tum Arabum, tum eorum rationes, qui
utrosque tutati sunt. Patauii, typis semina-
rii. MDCCLVI. Apud Ioannem Manfrè.
4. mai. pl. 19. tab. aen. 1.

Vtrum perinde sit, venam quocunque in loco in
quolibet morbo secare, an potius conferat locum
certum quendam eligere, et quis vel maxime locus
prae aliis in hoc vel illo morbo sit praeoptandus, du-
bia quaestio fuit, quae ab inde HIPPOCRATIS
temporibus per tot saecula a plurimis exagitata, non-
dum solui potuit. Ab aliis hoc, illud ab aliis, ab
utrisque quodlibet haud contemnendis rationibus fuit
defensum, ita, ut et perspicacissimi medici dubii hae-
serint, ad quorum partes esset transeundum. Non
super-

superuacaneum itaque Cl. Auctor suscepit laborem, qui magno studio litem hanc arduam et difficilem componendi fecit periculum. Eam vero Cl. Auctor in hac quaestione peruestiganda ingressus est viam, ut in praefamine breuem huius litis praemittat historiam, in parte deinde priori sententias Graecorum et Arabum, utrorumque asseclarum, adducat, easque inter se inuicem comparet: postea in partis posterioris capite primo ipsius rei naturam curatius inquirat, argumentisque in capite secundo ab experientia rationibusque hygraulicis petitis, quid ipsi a vero parum abesse visum fuit, corroboret, denique in capite tertio et quarto in non nullis morbis usum huius rei doceat.

In praefamine breuiter de utilitate huius quaestionis agit, illosque viros qui illam partim inutilem reiecerunt, partim magni fecerunt et soluisse sibi visi sunt adducit. In parte priori recenset, quas venas p. 7. in morbis particularium partium corporis humani inciderint Graeci eorumque asseclae, quas Arabes et qui hos sunt secuti. HIPPOCRATES, GALE- p. 17. NVS, utriusque asseclae, ad sanguinem a particulari corporis parte reuellendum semper venas parti affectae proximas incidi iusserunt, nec, nisi a sex causis a Cl. Auctore allegatis impediti, remotas et remotissimas inciderunt, quod pluribus testatur exemplis ex HIPPOCRATIS, GALENI, CELSI, ORIBASII, ALEXANDRI TRALLIANI, PAVLI AEGINETAE scriptis, a quorum tamen sententia recedere videntur AETIVS et ARETAEVS, cuius assertum autem Cl. PETIT interpretatione haud inepta cum HIPPOCRATIS sententia reconciliauit. CAELIVS AVRELIANVS partim cum HIPPOCRATE consensit, partim ab illo dissensit.

Inter Arabes alii Graecos sunt secuti, alii ab illo p. 27. rum sententia recesserunt. Ad illos RHASES, RABBI MOYSES, HALY ABBAS, SERAPION, ad hos

VERO IOANNES MESVE, AVENZOAR, et AVICENNA referri merentur. Qui vero ab Arabum aeuo usque ad tempus, quo sanguinis circulatio detecta fuit, hac de re in utramque partem disputarunt medici, studio eos transit Cl. Auctor silentio.

p. 35. In partis posterioris capite primo Cl. Auctor notionem euacuationis sanguinis per venae sectionem, deriuationis reuulsionisque suppeditat, additis non nullis theorematibus physiologicis huic quaestioni soluendae necessariis. De euacuatione sanguinis per venae sectionem nihil vel parum est, quod adducit, cum, quid sit illa, per se pateat. Deriuatio et reuulsio definitu est difficilior. Veteres circuitus sanguinis ignari, cum sanguinem in una eademque vena sursum deorsum, ultro citroque moueri posse opinarentur, longe aliam ea de re sibi imiginati sunt ideam, quam quae nunc cum cognitae circulationis sanguinis legibus conuenire posset. Qui venam remotam incidi praecipiebant, ea secta, sanguinem credebant a parte affecta retrahi, auerti et reuelli, incisa vero proxima, in locum affectum retrahi illum et augeri. E contrario qui venae sectioni in loco proximo institutae fauebant, illa facta, sanguinem ab affecta parte abduci et euacuari statuebant. *Sanguinem vero deriuare in aliquam partem corporis per venae sectionem*, Cl. Auctor ait, *nihil aliud est, quam efficere, ut sanguis, incisa aliqua vena, celerius et uberius per aliquam arteriam influat in eandem partem, quam influebat, antequam vena incideretur.* Reuulsionem appellant medici sanguinis ab aliqua parte corporis auersionem et retractionem. Cum eiusmodi vero reuulsionem neque per arterias neque per venas fieri posse, Auctor variis demonstrat argumentis, aliam reuulsionis substituit notionem, qua illa fit, si incisa vena intenditur, ut sanguis in aliquas arterias et partes corporis pareius influat, quam ante incisionem influeret. Ex quo mox patet, cum qualibet venae sectione deriuationem reuulsio-

uulsionemque simul diuersis tamen in partibus nexu esse coniunctam indissolubili.

Caput secundum proponit argumenta et theore-p. 42.
mata, quibus Cl. Auctor innixus omnem hanc doctrinam stabilire et confirmare studet. In quibus proponendis ea usus est methodo, ut praemissas propositiones argumentis ex anatomia, physiologia et hydraulica doctrina petitis comprobet et corroboret, in scholiis additis rem vel illustret vel argumenta, quae forte obiici possent, soluat et in corollariis denique usum et applicationem ostendat. Omnem rem demonstrandam undecim confecit propositionibus, quarum:

1) *Sanguis per alias arterias celerius naturaliter mouetur, per alias tardius.* Hinc fieri non posse colligit, ut tota corporis humani massa sanguinea qualibet in hora viginti quatuor et quolibet in die quingentis et septuaginta sex vicibus per totum corpus circumeat:

2) *Euacuatio sanguinis, quae fit per venae incisionem, proportionalis tandem fit in singulis vasis et singulis partibus corporis diminutioni totius massae sanguineae.*

3) *Señta vena alicui arteriae continua, sanguis celerius et uberius influit in arteriam eandem, quam influebat, antequam vena tunderetur.* Ex hac propositione colligere licet, quanta sit deriuationis mensura.

4) *Quo sanguis ob quamuis causam celerius et uberius mouetur per aliquam arteriam, eo segnius et parcius, nisi quid obstitit, mouetur per proximas; et contra, quo sanguis ob quamuis causam segnius et parcius mouetur per aliquam arteriam, aut in ea haeret et consistit, eo celerius et uberius, nisi adsit impedimentum, mouetur per proximas.* Hac in propositione omnis quaestionis huius vertitur cardo: paullo copiosior itaque Cl. Auctor in hac enucleanda et corroboranda ad duo potissimum respicit, alterum, si sanguis per arteriam, alterum, is si per venam celerius mouetur. Animo fingamus primum. Quo celerius sanguis per arteriam aliquam mouetur, eo copiosius ille arteriam

hanc intret necesse est, hinc multo minor eius copia intrare potest in arterias proximas, in quibus adeo ille tardius mouetur. Nitide hoc amnis exemplo illustrat. Quodsi vero sanguis celeriori motu transeat per venam aliquam, quod in ipsa venae sectione euenit, sequitur, ut renisu sublato, facilius sanguis in venam ex arteria continuam transire possit, adeoque celerior esse oporteat sanguinis motus in arteria, eoque minor eius copia peruenire possit ad arterias proximas, in iisque fiat motus lentior. Haec quoque Cl. Auctor exemplo aegrotorum diuturna gonorrhoea aut fluore uterino laborantium, aut nimiae veneri deditorum commonstrat, quorum spina dorsi, cuius arteriis sanguinem hac ex lege arteriae spermaticae et uterinae nimia in copia detrahare solent, inde adeo imbecillis redditur, ut vix recti incedere nec se flectere valeant aegri. Nec alterum huius propositionis membrum probatu est difficilius, quod iterum in duo est dispescendum momenta. Si arteria aliqua obstrueta est, sanguinis copia, alias per illam transire solita per arteriam proximam maiori raptu progreditur. Sanguis vero si haeret in aliqua vena, transit itidem per ramos collaterales. quod eo facilius fieri potest, cum ex minimis ramulis ad truncum maiorem sanguini eunti non tanta subnascitur resistentia, quam in arteriis; quo citatior vero est motus in venis, eo celerior quoque fit motus in arteriis his venis continuis. Hoc itidem variis ulterius demonstrat exemplis, ex quibus pleuritidem veram, in qua pleura et muscoli intercostales inflammantur, adducamus. p. 51. Bronchialis arteria plerumque ex intercostalibus inferioribus orta, sanguinem in pulmones ad illos nutriendos vehit, illaque in illis diuiditur. Quodsi itaque in pleuritide vera arteriarum intercostalium plures sunt obstruetae, sanguis maiori nisu irruit in bronchialem arteriam, ut iis proximam, illam nimis dilatat, vel disrumpit, ut itaque vel anastomosi

stomosi vel diaeresi sanguinem aegroti reddant. Eadem quoque est causa, cur pleuritici ex faucibus et naribus imo vomitu sanguinem reiiciant, et quare hepate et liene infarcto vel inflammato, per aluum exeat ille. Ex his in corollario primo concludit Cl. Auctor: si vena inciditur, quae sanguinem ab arteria partis affectae proxima, non vero ab arteria ipsius partis affectae accipit, fieri ab arteria partis affectae reuulsionem, quod exemplo cucurbitae magnae sub mammis applicatae fluxum menstruum et lochiorum nimium cohibentis commonstrat. In corollario secundo: si vena sanguinem ab arteria partis affectae et illius vicina simul recipiens inciditur, euenire posse, ut vel parem sanguinis copiam ab utraque, vel maiorem ab arteria partis affectae, vel minorem recipiat, igitur vel parem ab utraque arteria, vel maiorem in arteriam partis affectae vel minorem fieri deriuationem. In corollario tertio: vena, in qua sanguis ex arteria, quae propior est arteriae partis affectae, influit, secta, maiorem citioremque ab arteria partis affectae fieri reuulsionem. Exinde colligi licet causam, cur in pectoris morbis incidendo venam brachii, maior et celerior fiat reuulsio, quam venam incidendo manus, et quare in capitis morbis vena eligi debeat colli, temporum et occipitis.

5) *Cum inciditur vena alicui arteriae continua, sanguis celerius mouetur in sectione arteriae, quae ceteris paribus propior est venae incisae, et a corde remotior, quam in ea, quae est ab eadem vena remotior et cordi propior.*

6) *Cum inciditur vena alicui arteriae continua, fit deriuatio sanguinis in laterales ramos, qui ceteris paribus, satis acutum cum eadem arteria angulum efficiunt. Cum sanguini ex natura sua in quolibet motu recta via procedendi mos est, multo minus a via sua recta in motu celeriori deflectitur, lentiori igitur in ramos angulo recto ortos, celeriori vero motu in eos acuto*

angulo prodeuntes intrat. Per se itaque clarum est, cur, secta vena quolibet in crure, sanguis deriuetur in uterum, cui sanguis per spermaticas arterias acutissimo angulo ex aorta descendente ortas suppeditatur, et cur raro in morbis artuum vena secari debeat artus morbo laborantis; quam tamen regulam ab omni exceptione vix liberam esse in scholio adiecto Cl. Auctor docet.

7) Haec propositio sextae est opposita. *Cum inciditur vena alicui arteriae continua fit reuulsio sanguinis a lateralibus ramis, qui cum eadem arteria vel obtusum, vel rectum, vel fere rectum angulum efficiunt, quique in incisam venam sanguinem non mittunt.* In sexta propositione demonstratum fuit, sanguinem in ramos ex arteria acuto angulo prodeuntes deriuari, adeoque his praesuppositis non tanta sanguinis copia ad ramos angulo obtuso et recto egressos peruenire potest, quod vero Nostro est reuulsio. Ex his itaque liquet 1) venae sectionem in brachio optimum et celerimum esse remedium in inflammationibus mammae eiusdem lateris, musculorum ceruicis, intercostalium superiorum, pleurae, asperae arteriae et similium partium his proximarum; 2) cur in motu corporis fortiori non frequentius pleuritis oriatur; 3) cur sedentes et iacentes maiorem urinae reddant copiam, minorem stantes et ambulantes.

p. 69.

8) *Cum inciditur vena, quae sanguinem recipit ab arteria lateris oppositi parti affectae, fit a parte affecta reuulsio minor et tardior, quam si incidatur vena, quae sanguinem recipit ab arteria eiusdem lateris.*

9) *Cum inciditur vena, quae sanguinem recipit ab arteria trunci oppositi parti affectae, fit a parte affecta reuulsio omnium minima et tardissima.* Vtriusque propositionis robur et probatio nititur fundamento in corollario tertio propositionis quartae iacto, et sententiae L. BELLINI et Cl. SENAC prorsus est contraria, quam in scholio uberius Noster refutat.

10) Secta

10) *Seçta iugulari externa, fit a carotide interna* p. 74.
et a cerebro reuulsio. Hanc propositionem ex anatomia, adiecta icone, et argumentis hydraulicis praemissis, sententiaque I. B. SILVAE a Graecis dissentientis explosa, nitide et longiori corroborat demonstratione, quam quae brevis a nobis, nisi illi ponderis iusto plus detrahere velimus, recenseri possit.

11) *Venae sectio a quibusdam arteriis et partibus* p. 84.
corporis, tum aperto venae foramine, tum aliquanto postquam clausum est, sanguinem reuellit: ab aliis, eo aperto, illum reuellit; clauso, in eas deriuat: in alias, tum eo aperto, tum clauso, eundem deriuat. Propositionem hanc a sententia de la MOTHE I. ASTRUC, Arabum asserta defendentis non plane quidem dissentire, sed unico tantum in casu valere, rationibus et experimentis Noster ostendit. Incisae in morbis cerebri venae superiores, iugularis externa aut basilica eiusdem lateris, tum foramine earum aperto, tum aliquanto post clauso, reuellunt sanguinem a cerebro. Eadem est ratio in mediis ventris morbis, quippe in quibus venam brachii lateris affecti, tum aperto, tum clauso foramine sectam sequitur reuulsio. Et in infirmi ventris morbis, sectis venis superioribus, oritur reuulsio, quae tamen pro ratione, qua illae a se inuicem distant, vel minor vel paullo maior deprehenditur. Hinc, superioribus venis sectis, sanguis ab arteriis, coeliaca eiusque ramis, mesaraica superiore et inferiore, renalibus, spermaticis, lumbaribus, iliaceis utrisque reuelli potest, ad quam reuulsionem ex arteriis mediis et imis ventris plurimum confert auxilii singulari structura et positu usuque insignis vena azygos. Si venae inferiores crurum nempe et pedum inciduntur, fit, foramine earum aperto, reuulsio ab arteriis lateralibus aortae descendentes et iliaceae eiusdem lateris, quae angulum cum aorta non acutum efficiunt, nec sanguinem in incisas venas vehunt; illarum vero apertura clausa, reuulsio mutatur et oritur deriuatio.

deriuatio. In morbis partium infimi ventris, quarum arteriae cum trunco, unde procedunt, angulum efficiunt acutum, si inciduntur venae inferiores eiusdem lateris, fit ad easdem arterias et partes deriuatio, tum aperto earum foramine, tum aliquanto post, quam clausum est. Ex his itaque fluit, venam in renum, intestinorum, uteri, vesicae et testium affectionibus superiori in loco, raro in inferiori incidere licere.

Haec sunt, quae ad quaestionem hanc soluendam proponere necessaria duxit Cl. Auctor, quorum primaria tantum momenta, omissis a nobis breuitatis studiosis ut plurimum argumentis, quae robur propositis addunt, excerpimus persuasi, quemlibet, qui hac de re conuictus esse cupit, his excitatum iri, ut totam in nexu suo perlegat dissertationem.

p. 96. Quae in capite praecedenti ratione et legibus hydraulicis commonstrare annisus est Noster, iis nunc in capite tertio et quarto in variis morborum generibus, et quidem morbis mulierum, intestinorum, renum, vesicae, et testium, testimonia plurimorum medicorum addit. Ab initio capitis tertii omnem rem anatomicam ad hos morbos diiudicandos utilem pertractat, et deinde morbos mulierum diuidit in tres classes, in alios morbos, qui omnibus mulieribus sunt communes, in alios, qui grauidis proprii atque hi vel ante partum vel in partu, in alios, qui iis, qui pepererunt, obueniunt.

p. 100. Morbi cunctis mulieribus communes, in quibus opus esse potest venae sectione, sunt vaginae prolapsus, haemorrhoides seu tumores varicosi vaginae cum dolore, fluor albus, mensium vel suppressio vel fluxus nimius, pruritus et furor uteri, eius scirrhus, cancer, hydrops, et inflammatio. Sanguinem miserunt medici ex venis superioribus in prolapsu uteri et vaginae a copia humorum facto, in haemorrhoidibus et tumoribus varicosis cum vaginae dolore, in
immo-

immodico mensium fluxu, in furore uterino et inflammatione. In fluore vero albo, in mensium suppressione, in scirrho, cancro et hydrope uteri pro ratione causarum venam et in brachio et in pede secandam eligerunt. In omnibus morbis gravidis propriis medici venam secasse in brachio loca testantur ex Auctoribus hic collecta. Pertinent autem ad hos morbos difficultas urinae reddendae, haemorrhoides ani, alui fluxus coeliacus, mesentericus et dysentericus, mensium fluxus gravidarum, earumque nimia sanguinis profusio. In partu ipso, si venae sectionis necessitas adfuit, omni in casu nec non in morbis post partum medici a Nostro allegati elegerunt venam in brachio secandam, unica excepta suppressione lochiorum et inde oriunda convulsione, quod tamen non constans nec omni exceptione maior deprehensa fuit regula. Ex his omnibus denique Cl. Auctor concludit, saepius et saepisse in morbis mulierum esse eligendas ad incisionem venas superiores, rarissime inferiores, quod etiam de morbis renum, intestinorum, testium et vesicae satis lucide ostendit.



XIX.

Plantarum americanarum fasciculus quintus continens plantas, quas olim CAROLVS PLUMIERIVS Botanicorum princeps detexit, eruitque atque in insulis Antillis ipse depinxit: Has primum in lucem edidit concinnis descriptionibus et observationibus aeneisque tabulis illustravit IOANNES BURMANNVS, M. D. Professor Botanices Amstelodamensis. Sumtibus Auctoris. Amstelodami 1757. in fol. pl. 8. Tab. aen. XXV. a tab. 101 - 125. EIVSDEM Fasciculus sextus 1757. in fol. pl. 7. Tab. aen. XXV a tab. 126 - 150.

Plantarum americanarum a PLUMIERIO delineatarum fasciculos duos iterum indicamus, et continuationem lubenter promittimus, cum ex iconibus, licet tantum linearibus nullisque umbris illustratis, et nouas, et in solo natali distinctius delineatas plantas cognoscere possimus, Cl. BURMANNVS quoque additis accuratis descriptionibus et utilibus observationibus harum plantarum historiam studio recentiorum botanicorum accommodare annitatur.

In *fasciculo quinto* continentur Corallodendri species tres, quarum prima ad Sophoram, reliquae ad Erythrinam referuntur; Corchori species duae et tertia, quam PLUMIERIVS Guazumam dixit; Cordia; Cornutia; Coronae solis species tres ad Bupthalmum relatae; Coronillae species una; Cortusa ad Thaliā relata; Croci species, quae Gethyllis est; Cuiete quam melius Crescentiam dicunt; Cupania; Cururu species duae et Serianae species tres, quae omnes ad Paullinias referuntur; Cytisi species duae; Damasonium ad Butomum referendum; Ranunculi species duae,
priori

priori ad Sagittariam, altera ad Commelinam relata; Dioscorea et Polygonati species ad Dioscoream reducenda. Dodonaea ad Illicem relata et alia Illicis species; Dorstenia et duae Parietariae species, quarum prima ad Dorsteniam, altera ad Vrticam pertinet; Dracunculi species tres, quarum priores ad Arum, tertia ad Dracontium refertur; Echinops; Elichrysi species duae ad Centauream et Gnaphalium relatae; Emeri species ad Aeschynomenen deducta; Equiseti species una.

Seligamus nunc ex observationibus adiectis potiores. *Erythrina inermis foliis pinnato ternatis, sinuoso* p. 93. *ouatis floribus spicatis*, spinis quidem destituitur, attamen Corallodendri spinosi varietas videtur; notum enim est, varias plantas in calidis regionibus et in nostris hybernaculis uti foliorum figuram mutant, sic etiam spinas exuere. *Cordiam* PLUMIERII, BROWN p. 95. in Hist. Iamaic. *Gerascantum* dixit, haec vero mutatio Cl. Editori ideo displicet, quod genera diu recepta non mutanda, noua autem nomina aliis minus notis imponenda sunt. *Coronae solis* multas species ad p. 97. *Asteriscos* et ex recentiorum definitione melius ad *Buphthalmos* referendas esse, Cl. Editor monet, cum tamen femina non semper adiecta sint, genus non certo definiri potest, ideoque ultimam forte speciem ad *Rudbeckiam* referri posse concedit. *Cortusa arun-* p. 99. *dinacea amplis cannacori foliis* conspicua et ad *Thaliam* relata ad plantas aromatica et alexipharmaca radice praeditas omnino pertinere videtur. *Cururu* et *Seria-* p. 104. *nas* nimis sollicitè distinxit PLUMIERIUS. Cl. Editor itaque sequutus est LINNAEUM, qui haec duo genera in unam *Paulliniam* coniunxit, ad seruandam memoriam, SIMONIS PAULLI Botanici Dani celeberrimi. Planta, quam ad *Ranunculum* retulit PLUMIERIUS p. 107. nec ad *Alisma* nec ad *Sagittariam* pertinere credidit Cl. Editor, quoniam cum corolla tripetala et calyce triphylo caulis foliosus est, licet enim foliosum illud

- illud et cordatum florale inuolucrum, quod multis *Commelinis* proprium est, deficiat, habitus tamen de
p. 108. reliquo egregie conuenit. *Dodonaeam* PLUMIERII
iam ad *Ilicem* siue *Agrifolium* retulit LINNAEVS, ob
insignem habitus et floris conuenientiam. DODO-
NAEI vero nomen, ad distinguendam quandam *Sta-*
p. 110. *phylo dendri* speciem relata fuit. *Dorstenia* ex obser-
uatione HOVSTONI ea planta est, quae veram *Con-*
traieruae radicem alexipharmacam praebet, cum au-
tem nostrae plantae placenta flores fuscipiens non sit
orbicularis, sed quadrata et sinuosa foliaque profun-
dius laciniata inueniantur, varietas esse videtur, nisi
p. 115. noua species iudicanda. *Emeri* species ad *Æschinome-*
nen translata propius accedit ad *Sesban* PROSP. AL-
PINI, sed flores magis hirsuti et in rariorem spicam
dispositi contradicere videntur.

Accedamus nunc ad recensendas praecipuas *fa-*
sciculi sexti plantas, in quo occurrunt: *Eresia*,
quae a recentioribus Theophrasta dicitur, *Euony-*
mus, qui ad *Prunum* refertur, *Eupatorii* species quin-
que, quarum ultima ad *Conyzam* accedit, *Ficus* spe-
cies quinque, *Fuchsia*, *Gesneriae* species duae, *Ga-*
lega ad *Craccam* pertinens, *Genipa*, *Gesneriae* spe-
cies nouum genus *Craniolariae* constituens, *Grana-*
dillae seu potius *Passiflorae* species tres, *Filix* ad *Os-*
mundam relata, *Grossulariae* species quatuor, quae
ad *Melaestoma* pertinent, *Guanabani* siue *Anonae* spe-
cies duae; *Guazuma* *Theobromae* species, *Conocar-*
pus, *Guaiabarae* species duae siue *Coccolobis* BROUW-
NII, *Guidoniae* siue *Samydae* species tres, *Hedera*
arbor Araliae species, *Hedysari* species duae, quarum
posterior ad *Æschynomenen* refertur, *Helianthem*i
species duae, quarum prior ad *Turneram*, altera ad
Portulacam pertinere videtur.

- p. 125. Nunc sparsim quaedam ex observationibus col-
lecta subiungamus. Rarior planta est *Fuchsia*, tetran-
dria monogynia videtur Cl. Editori, nobis autem
pentan-

pentandria siue pentanthera, si enim quatuor stamina adessent, duo certe altius, duo inferius collocata essent, ut in didynamiis: calix in fructum abit truncatus, nec ullis foliolis instructus. Nec minus elegans et flore et habitu est *Cranio*-p. 128. *laria* a *Gesneriae* speciebus separata, ob calicem longum patentem profundius quinquifidum, corollae speciosae lacinias fimbriatas et punctatas, et tandem ob fructificationem diuersissimam: nux enim cranium alicuius ferae repraesentans nomini generico occasionem dedit. *Guanabani* siue *Ananonae* plantae p. 134. multae sunt species vel etiam saepe varietates, quae per totam Indiam, tam orientalem, quam occidentalem, praesertim vero per Americae partem calidiorem, laete crescunt et gratum et salubrem praebent fructum, qui praecipue in diarrhoeis et morbis biliosis utilis est. *Guajabaram* PLUMIERII ad Polygoni p. 137. genus retulit LINNAEVS, quod flores axillares in racemis proferat, octo stamina, pistillum triquetrum et baccas monospermas obtineat et petioli florum circa caulem instar vaginae ducantur. Cum tamen CL. BROWNIVS floris characterem in viua planta disquisiuerit, ad *Coccolobin* Cl. Editor retulit.



XX.

Dissertatio inauguralis de Anagallide, Auctore
CAROLO LUDOVICO BRUCH, Tabernac-
montano. Argentorati 1758. 4. pl. 7.

Anagallidis species, quam disquisitioni subiecit Cl. Auctor, ea est flore phoeniceo. Post amplam satis tractationem de nomine, genere atque iconibus huius plantae, inter quas Blakwellianam et Robertianam pro optimis habet, varia leguntur experimenta circa anagallidem instituta. Recentis plantae librae undecim contusae et prelo commissae succi bruni libras quinque exhibuerunt. Per destillationem ex retorta primo obtinuit Noster aquam sapore et odore destitutam, deinde liquorem acidum non nihil empyreumaticum, tandem oleum crassum empyreumaticum. Carbo in cineres redactus et elixiuatus sal alcalinum suppeditavit. Cl. GEOFFROI ex planta hac sal urinosum se obtinuisse dicit, cuius vero Noster nullum vestigium inuenit. Concludit tandem ex omnibus, quae instituit, experimentis, anagallidem constare ex aqua, partibus resinosis, gummosis terreisque. Quoad saporem anagallis ad radicem Seneckam proxime accedit, cuius quidem praecipua vis in gummosis, anagallidis in resinosis partibus haeret. Vires itaque eius in genere sunt resoluentes et stimulantes. Contra melancholiam atque maniam iam dudum virtus eius commendata est. Porro quoque tanquam medicamentum emmenagogum, antepilepticum, purgans, sudoriferum, diureticum et alexipharmacum planta ista a variis auctoribus praedicatur. Sed tandem Cl. Auctor praestantissimam anagallidis virtutem in eius vi antilyssa ponit. Rabiei duae sunt species, innata scilicet et acquisita, et contra hanc anagallidis usus laudatur. Fuit enim in patria Cl. Auctoris vir quidam, qui pulverem istius
plantae

plantae vendidit et demorsis exhibuit optatissimo cum effectu. Dosis est a drachma dimidia ad scrupulos quatuor de die bis sumenda. Vulneribus quoque ex morfu animalium rabidorum quotidie semel adspargendus est pulvis iste. Post adsumtum interne pulverem multi alium experti sunt crebriorem, alii sudorem foetidum. Ob eximiam itaque hanc anagallidis virtutem in Ducatu Bipontino et per totum Bambergensem principatum publico mandato iussu est, anagallidem quotannis colligi, ut sufficiens semper quantitas in quavis villa asseruetur. Mandata ipsa in appendice dissertationis leguntur, uti et casus quidam, in quibus salutaris huius plantae usus contra animalium rabidorum morsus declaratur.

XXI.

Noua physico - medica.

Academiae Scientiarum Imperatoriae Petropolitanae Praeses et Membra sub initium
anni c^o I^o CC LVIII.

Praeses.

CYRILLVS COMES A RASVMOWSKI, Minoris Russiae Hettmannus, AVGVSTAE Camera-rius ordinarius, Legionis Praetorianae Ismailouicae Pro-tribunus, S. Andreae, Aquilae albae, S. Alexandri et S. Annae Eques.

Cancellariae Academicae praesunt:

IO. DANIEL SCHVMACHER, Consiliarius Status et Bibliothecarius.

MICHAEL LOMONOSSOW, Consiliarius et Professor Chemiae.

IACOBVS STAEHLIN, Consil. aulicus et Prof. Eloq. et Poes.

IOANNES TAVBERT, Assessor et Subbibliothecarius.

Scientiis Academicis operantur et conuentus ordinarios frequentant:

GERARDVS FRIDERICVS MÜLLER, Historiographus Imp. Academiae Secretarius et Professor Historiarum.

MICHAEL LOMONOSSOW, Consiliarius et Professor Chemiae.

ABRAHAM KAAV BOERHAAVE, M. D. et Anatomiae Professor.*

IOSEPHVS ADAM BRAVN, Professor Philosophiae.

IO. CHRISTIANVS HEBENSTREIT, M. D. Prof. Botan. et Hist. nat.

AVGVSTIN NATHANAEL GRISCHOW, Professor Astronomiae.

NICETAS POPOW, Professor Astronomiae.

VLRICVS CHRISTOPH. SALCHOW, M. D. et Professor Chemiae.

IOANNES ERNESTVS ZEHER, M. D. et Prof. Mechanices.

FRANCISCVS VLRIC. THEODOR. AEPINVS, Professor Physices.

SIMEON KOTELNIKOW, Professor Matheseos extraordinarius.

Academicorum etiam nomine habentur:

JACOBVS STAEHLIN, Consiliarius aulicus et Prof. Eloq. et Poes.

IOANNES TAVBERT, Assessor et Subbibliothecarius.

BASI-

* Post illud tempus, ex quo hunc Petropoli accepimus Sociorum catalogum, obiisse Cl. BOERHAAVE, ex praecedenti commentariorum nostrorum fasciculo iam constat.

BASILIVS TREDIAKOWSKI, Professor Eloq. Russicae.

IO. EBERHARDVS FISCHER, Prof. Historiarum.

Academiae Adiuncti, qui in Conuentibus ordinariis locum habent:

MICHAEL KLEINFELD, pro Anatomia.

IOSEPHVS THEOPH. KOELREYTER, M. D. pro Historia naturali.

STEPHANVS RYMOWSKI, pro Mathefi.

Adiunctorum quoque nomine vocantur:

ANDREAS KRASILNIKOW, Centurio et Obseruator Astronomicus.

IOANNES TRVSCOT, et

M. IACOBVS FRIDERICVS SCHMIDT, tabularum Geographicarum constructores.

Academici honorarii in Imperio Russico degentes:

PAVLVS CONDOIDI, AVGVSTAE Confiliarius intimus, Archiater et Cancellariae Medicae Praefes.

CHRISTIANVS A GOLDBACH, Confiliarius Status actualis in Collegio extera negotia curante.

IOANNES DE GORTER, et

DAVID DE GORTER, AVGVSTAE Medici ordinarii.

GREGORIUS TEFLOW, AVGVSTAE Confil. apud Excell. Hetmannum.

IOANNES FRIDER. SCHREIBER, M. D. Confil. aulicus et Prof. Anat. et Chirurgiae in Nosocomiis Petropolitanis.

CAROLVS FRIDER. CRVSE, M. D. Legionum Praetorian. Medicus ordinarius.

Academici exteri quotquot fuerunt omnes ab initio
Academiae. Demortui asterisco notantur:

1725. *CHRISTIANVS L. B. DE WOLFF, Marburgi.
*IOANNES BERNOVLLI, Basileae.
IOANNES POLENI MARCHIO, Patauii.
*PETRVS ANT. MICHELOTTI, Venetiis.
1731. *HANS SLOANE, Eques, Londini.
*HERMANNVS BOERHAAVE, Lugduni Bat.
*FRIDER. HOFFMANN, Halae Magdeb.
*IACOBVS HERMANN, Basileae.
*GEORG. BERN. BVLFINGER, Tubingae.
1733. DANIEL BERNOVLLI, Basileae.
*MICHAEL LILIENTHAL, Regiomonti.
1735. IOANNES IAC. D'ORTOVS DE MAIRAN, Parisiis.
*RENATVS ANT. DE REAVMVR, Parisiis.
IOANNES BAPT. MORGAGNI, Patauii.
GODOFREDVS LENGNICH, Gedani.
IOANNES ROVSSET, Hagae Comitum.
1738. *IOANNES SIMON BECKENSTEIN, Regiomonti.
PETRVS LVDOV. MOREAV DE MAVPERTVIS,
Parisiis.
1739. ANTON GAVBIL, S. I. Pekini.
1741. IO. DANIEL SCHOEPEFLIN, Argentorati.
*IO. HENR. SCHVLTZ, Halae Magdeb.
*IO. GABRIEL DOPPELMAIER, Noribergae.
LEONARDVS EVLER, Berolini.
1744. *GEORG. WOLFG, KRAFFT, Tubingae.
GODOFREDVS HEINSIVS, Lipsiae.
1746. SALVATOR FRANCISCVS MORAND, Parisiis.
*IOANNES IAC. MARINONI, Viennae Austr.
FRANCISCVS DE VOLTAIRE, Berolini.
N. DE PERARD, Stetini.
1748. IOANNES SAMVEL FORMEY, Berolini.
1749. *ANGELVS MARIA QVIRINI, S. R. E. Cardina-
lis, Brixiae.
IOSEPHVS ANDR. COMES DE ZALVSKI, Varša-
viae. M. D'AN-

N. D'ANVILLE.

GEORGIUS PARKER COMES DE MACLES- 1753.
FIELD, Londini.

CRISTIANVS GOTTLIEB KRATZENSTEIN,
Hafniae.

GERARDVS VAN SWIETEN, Viennae Austriae. 1754.
IACOBVS BRADLEY, Londini.

HVMPHREDVS SIETHORP, Oxoniae.

N. DE LA CONDAMINE, Parisiis.

ALEXIVS CLAIRAVT, Parisiis.

PETRVS VAN MVSCHENBROEK, Lugduni Bat.

CHRISTIAN. BERN. ALBINVS, Lugduni Bat.

HIERONYMVS DAVID GAVBIVS, Lugduni Bat.

IOANNES ANDR. DE SEGNER, Halae Magdeb.

CAROLVS LINNAEVS, Vpsaliae.

PAVLVS FRISIUS, Pisis. 1755.

PHILIPPVS ADOLPH. BOEHMER, Halae Magd. 1756.

IOANNES GEORGIUS ROEDERER, Goettingae.

IACOBVS THEODORVS KLEIN, Gedani.

NICOLAUS LVDOV. DE LA CAILLE, Parisiis.

COELESTINVS CHRIST. FLOTWEL, Regiomonti.

CLAVDIVS NICOLAUS LE CAT, Rothomagi. 1757.

Commemorata iamiam Imperialis scientiarum
Academia Petropolitana diem almae nutricis suae no-
mini sacrum celebrauit superiore anno 1758 die
septimo mensis septembris styli veteris solemniore
conuentu, in quo *de similitudine vis electricae atque
magneticae* Cl. FRANCISCVS VDALRICVS THEO-
DOSIVS AEPINVS, Physices Experim. et Theor.
Prof. P. O. publice disseruit, atque Cl. SIMEON
KOTELNIKOW, Mathem. Prof. P. Extraord. *theo-
riam ascensionis vaporum* russica lingua explicauit.

Eadem porro occasione *Idem* illud Collegium prae-
mia de commentariis super duplici quaestione olim

ad annos 1757 et 1758 proposita *, ipsi exhibitis decreturum, declaravit, eos, quos acceperit, nec voluntati ipsius fecisse satis, neque numero ad delictum requisito, ipsi fuisse exhibitos; hinc se velle, ut *eadem quaestiones in posterum quoque maneant propositae, praemiaque eo tempore conferantur, quo de quaque materia dissertationes adsuerint, quae iure suo ad certamen concurrere possint.*

Argumentum ad praesentem annum 1759 referendum, *de sexu plantarum inuestigando*, nuper iam a nobis fuit indicatum.**

Nouam porro quaestionem, cuius disquisitiones anno 1760 examinari debent, *Eadem exhibuit Illustris Academia: Indagare nimirum experimentis refractionem radiorum lucis in diuersis corporibus, tam solidis, quam fluidis, indeque eruere, quantum diuersae grauitati specificae corporum, quantumque variae particularum cohaesioni, aut principiis corpora constituentibus, magnitudo refractionis debeat, idque omne per theoriam, quae institutis experimentis respondeat, explicare.* Conditiones iam satis notae, sub quibus centum aureorum praemium optimae singularum quaestionum discussioni promittitur, obtinent adhuc eadem. Ante diem porro primum mensis iunii cuiusque anni dissertationes cum Academia communicandae, ipsi debent exhiberi.

Quam Regia *Gottingae* florens scientiarum Societas quaestionem physicam, ad annum, quem iam iam agere coepimus, 1759 eruditorum disquisitioni proposuerit, nuper quidem ad lectores nostros retulimus.*** Suum vero illa mutauit ex isto tempore consilium, et in illius thesEOS locum aliam exhibens,
veram

* vid. Comment. nostr. Vol. V. P. III. p. 545.

** l. c. Vol. VI. P. III. p. 541.

*** l. c. Vol. VI. P. III. p. 544.

veram rubri coloris in sanguine obuii causſam nunc cupit indagandam. Vel iam ſatis huc uſque inter phyſiologos cognitæ, nunc vero magis certiusque confirmandas, vel alias his potiores et rectiores viſas cauſſas ſuppeditare poterunt viri docti, dummodo veritatem attigerint.

Eadem Ill. Societas in ſolemniore conuentu nuperime decimo octauo die menſis nouembris 1758 habito Viri Cl. IOANNIS AVGVSTI SCHLETTWEIN, artium et philoſophiæ in Academia Ienenſi Magiſtri, commentarium ſuper oeconomica olim propoſita * quaefſtione *de frumenti per macerationem augenda foecunditate* ad ipſam miſſum præmio huic diſquiſitioni optimæ promiſſo, cohoneſtauit.

In eodem *Illa* inſuper conuentu medicum Lucenſem Clariſſimum, IOSEPHVM BENVENVTVM, in eorum claſſem a ſe relatum eſſe declarauit, quibuscum ipſa literarum habeat commercium.

Regia Chirurgiæ Academia *Parieſiſ* propoſuit nuper argumentum, cuius optimæ diſcuſſioni præmium conſuetum adiudicabit ſequenti anno 1760. ut nimirum, doctrina de fiſtulis in genere riteque explicata, optimus determinetur modus, quo illæ pro diuerſis, in quibus obuenire poterunt, corporis partibus curari debeant. Quod fiſtulam quidem attinget lacrymalem illamque in canali ſaliuali obuiam, hac copioſius explicanda ſuperſedere poterunt hæc materiam expoſituri, niſi nouas iis, quas de his generibus iam publicauit Academia, adicere poſſint obſeruatiões.

Berolinenſis Regia Scientiarum Academia præter alios viros doctos, ſociorum claſſi nuper adſcriptos,

M 5

ex

* I. c. Vol. V. P. IV. p. 722.

ex medicis etiam sequentes sodalium titulo atque honore condecoravit : IANVM PLANCVM, (GIOVANNI BIANCHI) Medicum Ariminensem Primum, IOANNEM IACOBVM LEIDENFROST et IACOBVM REINHOLDVM SPIELMANN, utrumque Medicinae Professore Argentoratensem et IOANNEM FRIDERICVM CARTHEUSER, Francofurti ad Oderam Botanices Professore, et, quem insuper nominemus, uti Virum de historia naturali meritissimum, IACOBVM CHRISTIANVM SCHAEFFER, Ratisbonensem verbi diuini Ministrum.

Halensis Academia ciuitasque iacturam fecere nuper satis grauem Viri, quo aetate adhuc iunioris, eo magis propter industriae et eruditionis merita aestimandi, CHRISTIANI FRIDERICI IAMPERT, Med. D. qui superiore anno, die mensis iunii vicesimo tertio febre acuta extinctus fuit anno aetatis vicesimo nono. Quidnam ab ipsius studio expectare potuerit eruditus orbis, praeter alias ab ipso conscriptas dissertationes, vel quoque *specimina physiologiae plantarum* alio tempore a nobis recensita*, testantur.

XXII.

Supplementum alterum indicis scriptorum physico - medicorum, quae anno 1755 prodierunt.

Verhandelingen vitgegeeven door de Hollandse Maatschappy der Weeten · Schaappen te Haarlem. Eerste Deel, Tweede Druck. Te Haarlem, 8. c. f.

Verhandelingen, vitgegeeven door de Hollandse Maatschappy der Weeten · Schappen te Haarlem. Tweede Deel. Te Haarlem, 8. c. f.

Nuova

* vid. Comment. [nostr. Vol. V. Part. II. p. 274 seqq.

- Nuova Raccolta d'opuscoli scientifici e filologici. Venezia, 12.
- Discorsi epistolari sopra i fuochi di Loria. Venezia, 4.
(*Autor* CL. IOAN. LARBER.)
- Underrättelse om stroom mingars anfande och saltande författad och utgifwen på K. Commerce Collegii befallning. Stockholm.
- CAR. ALSTON, second Dissertation on quiklime and Lime - Water. London, 8.
- Histoire de l'hydrocephale de Begle jusqu'au 13 Sept. 1755. par M. BETBEDER; à Bourdeaux, 12.
- FRANCISCI BOOGERZ, Dissertatio inaug. de constitutione atmosphaerae Hollandiae eiusque efficacia in corpus humanum. Lugd. Bat. 4.
- GVILIELMI BROUGHTON, Diss. med. inaug. de ulcere uteri. Edinburgi, 8.
- IOHANNIS CABREL, Prolusio med. inaug. de animi pathematibus quatenus morborum causis. Edinburgi, 8.
- Traité des ecrouelles, par M. CHARMETTON. à Lyon, 8.
- OLAI DECKBERG, Beskrifning huru et Kälsofamt win i sverige lätt kan tilwärfkas. Stockholm.
- IOHANNIS MAC DONNELL, Diss. med. inaug. de calculo. Edinburgi, 8.
- RICHARDI ECROYD, Diss. med. inaug. de rachitide. Edinburgi, 8.
- GVILIELMI FARR, Diss. med. inaug. de usu mathematices et philosophiae naturalis in medicinae studio. Edinburgi, 8.
- GEORGII FORREST, Diss. med. inaug. de ventriculi concoctione laesa. Edinburgi, 8.
- CAROLI GIANELLA. Orat. Non semper ex cadaverum sectione colligi potest: rectene an perperam sit curatio morbi instituta? Patauii, 4.
- SIMON GOOLD, Diss. med. inaug. de ventriculi imbecillitate. Edinburgi, 8.

- IOHANNIS HÁLL, Diss. med. inaug. de febre acuta puerperis superueniente. Edinburgi, 8.
- PEHR HOGSTRÖM, om orsakerna hwarföre fäden mera skadas af köld på somliga orter Norrland än på andra. Stockholm.
- Eiusd. Kort berättelse om lapparnas björnefänge samt deras derwid brukade widskeppelse. Stockholm, 8.
- C. F. IAMPERT, Specimen physiologiae plantarum II, quo dubia contra vasorum in plantis probabilitatem continuantur. Resp. F. C. Schwalbe. Hallae, 4.
- SAMUEL KLINGENSTIERNA, Tal om de nyaste Rön wid Electriciteten. Stockholm.
- LAVCHLIN MAC LEANE, Diss. med. inaug. de erysipelate. Edinburgi, 8.
- Eclaircissemens essentiels pour parvenir à préserver les dents de la carie et à les conserver jusqu'à l'extreme vieillesse, par M. L'ECLUSE. à Paris, 12.
- CAROLI LINNAEI Diss. Somnus plantarum. Resp. Petr. Bremer. Vpsal.
- Eiusd. Diss. Fungus Melitensis. Resp. I. Pfeiffer. ibid. 4.
- IOANNIS MACFARLAN Diss. med. inaug. de dysenteria. Edinburgi, 8.
- GVALTERI MAXWELL, Tentamen med. inaug. de emeticorum usu. Edinburgi, 8.
- CAESAREI POZZI, Epistola ad ANTON. LAGHI notitiam experimentorum de irritabilitate partium corporis humani repetitorum exhibens. Florentiae, fol.
- Physicae generalis methodo mathematica tractatae Tomus primus. Auctore IOANNE BAPTISTA SCARELLA. Brixiae, 4.
- AEGIDII SIEBEN, Diss. inaug. de nephritide. Lugd. Bat. 4.

HENR. TENCKE, Instrumenta curationis morborum depromta ex pharmacia galenica et chymica, chirurgia et diaeta, editio quarta emendata. Lugd. Bat. 12.

Istoria et Fenomeni del Vesuvio esposti dal P. GIOV. MARIA DELLA TORRE. Napoli, 4.

JACOBI WAINWRIGHT, Diss. med. inaug. de hydrocephalo. Einburgi, 8.

IO. ERNEST. BASIL. WIDEBVRG, Diss. inaug. de microscopio solari et praesertim noua aliqua eiusdem instructione. Resp. Laur. Io. Iacob. Lange. Erlang. 4.

XXIII.

Supplementum indicis Scriptorum physico-medicatorum, quae anno 1756. prodierunt.

Philosophical Transactions giving some account of the present undertakings, studies and labours of the ingenious, in many considerable parts of the world. Vol. XLIX. Part. I. for the Year 1755. London, 4. c. f.

Saggi di medicina degli Academici conghietturanti di Modena. Tomo I. Carpi, 4.

Actorum physico-medico forensium Collegii Medici Onoldini. Vol. II. Onoldini, 4.

Berättelse om K. Collegii medici Göremal och författningar til Siukdomars botande och för Kommande i Riket, i fynnerhet Sedan Sista Riksdagen. Stockholm.

Descrizione di tutte le pietre ed ornamenti che si ammirano nella fabbrica dell' Imperial Capella dei repositi degli estinti Granduchi della Toscana. Edizione seconda corretta ed accresciuta. Firenze, 8.

Lettera scritta dal Sig N. al Sig. COSIMO SIRIES. (Lucca) 8. *Contra chirurgiae Professore Florentinum, DOMINICVM MASOTTI, scripta est haec epistola, ut probetur, COSMAM SIRIES, non vero*

*vero MASOTTI, instrumentorum ab hoc commen-
datorum lithotomiae inferuentium, esse auctorem et
inuentorem.*

Lettere ed Opuscoli Ippiatrici; o sino intorno la Me-
dicina de Cavalli; con l'aggiunta d'una breue Far-
macopea Ippiatrica; o sia scelta di Ricette per cu-
rare i loro mali, ed un Compendio Ipposteologi-
co, o Sia breue Trattato Sopra le ossa di Cavallo.
Vol. I. in Arimino, 8. (*Auctor esse dicitur Cl. FR.
BONZI.*)

A new and complet Dictionary of Arts and Sciences,
comprehending all the branches of useful know-
ledge, with accurate descriptions as well of the va-
rious machines, instruments, tools, figures and
schemes necessary for illustrating them, as of the
classes, kinds, preparations, wheter Animals,
Vegetables, Minerals, Fossils or Fluids; toge-
ther with the Kingdoms, provinces, cities, towns
and other remarkable places in the known world;
illustrated by above three hundred copperplats;
the whole extracted from the best authors in all
languages; by a Society of Gentlemen. 4 Voll.
London, 8.

*Württembergische Medicinal-Ordnung. Stuttgard, fol.
et 4.*

Württembergische Apothekertaxa. ibid. fol. et. 4.

PETR. ION. BERGIUS, Försöck til de uti swerige
gangbare Stuck domars utrönande för Aor 1755.
Stockholm, 8.

FRIEDRICH BÖRNER'S *Nachrichten von den vor-
nehmsten Lebens - Umständen und Schriften jeztle-
bender berühmter Aerzte und Naturforscher in und
um Deutschland. Dritten Bandes viertes Stück. Wolf-
fenbüttel, 8.*

Sermo academicus de insignioribus telluris mutatio-
nibus habitus a IOSEPHO ADAMO BRAVNIO.
Petropoli. 4.

Divisa-

Divisamento critico Sulle correnti opinioni intorno a fenomeni del Vesuvio e degli altri Volcani; dal P.

GAETANO D'AMATO. in Napoli, 8.

PEHR KALM, *Diss. trån och häckar eller lefwande Gaordes-Gaordar beskrefne. Resp. Dav. Er. Hofmann. Abo.*

CAROL. FRID. KALTSCHMIED, *Progr. de scirrho hepatis inueterato curato. Ien. 4.*

Eiusd. *Pr. de raro casu, ubi intestinum rectum in vesicam urinariam insertum fuit. ibid. 4. c. f.*

I. MICHEL LAMBERTI, Lettera al Signor BIANCHI unite a quella diverse osservazioni sopra la sensibilita del pericranio e tendini degli uomini. Alessandria della Paglia. 8.

Traité des eaux minerales de Spa; par JEAN PHILIPPE DE LIMBOURG. Seconde Edition, revûe, corrigée et augmentée par l'auteur; à la quelle on à joint une Carte des environs de Spa; à Liege, 8.

WILH. MAC-NEVEN, *Specimen Sistens experimenta quaedam, quibus constitit, eas partes esse sensu praeditas, quibus HALLERVS cum aliis quibusdam omnem sentiendi facultatem cum irritabilitate denegat. Resp. Ignatius Radnicky. Pragae.*

CHRIST. LVD. MOEGLING, *Diss. Anaemia theoretice et practice perlustrata. Resp. Christoph. Godofred. Richter. Tubing. 4.*

FR. PALMQVIST, *Grunderne til Mechanicken. Stockholm, 8. c. f.*

IOSEPHI RAMAZZINI, *Oratio in funere MORANDI MORANDI, Finariensis Atestani Principis Consilarii Medici et Coniecturantium Academiae Praesidis. Mutinae, 4.*



Contenta in hac parte.

1. Histoire naturelle generale et particuliere avec
la description du Cabinet du Roi Tom. VI. p. 3.
2. I. S. HALLER *die Naturgeschichte der Thiere in
systematischer Ordnung. Die Vierfüßigen* cet. p. 15.
3. IMBERT Tentamen medicum de variis calculorum
biliariorum Speciebus cet. p. 26.
4. KRAMER Elenchus vegetabilium et animalium
Austriæ inferioris p. 33.
5. LUDWIG Institutiones historico physicae regni
vegetabilis p. 35.
6. ROEDERER de uteri scirrho p. 42.
7. EIVSDEM Observ. med. de partu laborioso
Decas. I. et II. p. 45.
8. NORDMANN Diff. de ischuria grauidarum p. 53.
9. BÜCHNER Diff. de viribus vitri antimonii ce-
rati p. 54.
10. VANDELI Dissertationes tres de Aponither-
mis cet. p. 56.
11. Saggi di Medicina degli Accademici Conghi-
etturanti di Modena Tom. I. p. 64.
12. Essays and observations physical and literary.
Tom. II. Edinburgh. p. 68.
13. BIANCHI de bagni di Pisa p. 104.
14. Raccolta d' opuscoli scientifici et filologici Tom.
I et II. p. 110.
15. Noua Acta physico medica Academiae Caesa-
reae Naturae curiosorum Tom. I. p. 113.
16. BRENDL Diff. de pleuritide vernali et aestiua p. 154.
17. *Der medicinischen Societaet in Budissin Samm-
lungen und Abhandlungen aus der Arzneygelahr-
heit* p. 159.
18. PLACENTINI Diff. de vena, quae in morbis
particularium partium sit salutaris incidenda p. 164.
19. PLUMIERII plantarum americanarum fascicu-
lus V et VI. p. 174.
20. BRUCH Diff. de anagallide p. 178.
21. Noua physico - medica p. 179.
22. Supplementum alterum indicis scriptorum phy-
sico - medicorum, quae anno 1755. prodierunt p. 186.
23. Supplementum indicis scriptorum physico - me-
dicorum, quae anno 1756. prodierunt p. 189.